

The Library of the
Wellcome Institute for
the History of Medicine

MEDICAL SOCIETY
OF
LONDON
DEPOSIT

Accession Number

Press Mark

WIPACHER, D.

65936/A

XXII

GENUINA RATIO

CUR

PLEURITIDE VERA SAEVIENTE

VENAE SECTIO
AFFECTI LATERIS

ALIAS

DERIVATORIA

DICTA

PRAEOPTANDA

EST.


AUCTORE

B. DAVID WIPACHERO

JUNIORI

LIBRO SINGULARI

COMPLEXA.



LUGDUNI BATAVORUM,

Typis ELIAE LUZAC, JUN.

MDCCLVI.

GENUINA RATIO

C. O. R.

LECTURAE PERMANENTES

VENIAE SECTIO

ATTECTI LATERIS

ALIAS

LIBRARIATORIA

ALIAS

LIBRARIATORIA

ALIAS

LIBRARIATORIA

LIBRARIATORIA

LIBRARIATORIA

LIBRARIATORIA

LIBRARIATORIA

LIBRARIATORIA

LIBRARIATORIA

LIBRARIATORIA

LIBRARIATORIA

LIBRARIATORIA

LIBRARIATORIA

V I R O

EXCELLENTISSIMO EXPERIENTISSIMO
PRAENOBILISSIMO ATQUE DOCTISSIMO

D O M I N O

D. JOACH. FRID. BOLTEN,

I N C L Y T A E

A C

LIBERAE SACRI ROMANI IMPERII
REIPUBLICAE HAMBURGENSIS

A R C H I A T R O

M E R I T I S S I M O


P A T R O N O F A U T O R I

A M I C I S S I M O

A T Q U E

S U M M O P E R E C O L E N D O

FELICITATEM PERPETUAM.

nter varia, quæ commovent
I alios ut primatibus atque pro-
ceribus suos dedicent labo-
res, Tua, Vir gratiose, me impulit
comitas & affectio prorsus admirabi-
lis.

IV D E D I C A T I O.

lis: Hac enim perinde captus ac illa
fretus lucubrationum mearum speci-
men quoddam, in spem gratæ ac-
ceptionis jucundæque interpretationis
Tibi offerre, nullus dubitavi.

Præsentem autem quod attinet frac-
tationem, non omni eam apud Te
fore destitutam benevoli judicii felici-
tate ideo reor, quod ejusmodi mor-
bum objecti locum occupare volue-
rim, cuius ratio plane singularis ali-
qualem eidem præ reliquis conciliet
primatum atque prærogativam, ut
eius generis aliis permultis merito
præluere possit morbis, partim,
quod Hippocrates divinus de victus
ratione in morbis acutis, libro pri-
mo, illum maxime medicum, qui in
pleuritide curanda longe melius cæte-
ris se gerat, probandum esse censue-
rit: partim etiam, quod jam olim,
heroicis illis atque aureis seculis idem
morbus funesta eheu! Aesculapii, me-
dici eximii & inter indigetes radiantis
clade, maxime factus fuerit famosus:
hunc

DEDICATIO. V

hunc enim pleuritide tactum diem
obiisse supremum, haud ignobiles pro-
didere auctores.

Cum ergo hic morbus non minus
periculosus ac praesertim medicis fata-
lis extiterit, æquum profecto, quin
maxime conveniens & aptum duxi,
vicissim medico tam invili mali exci-
dium & ruinam dicare; medico ajo,
cuius indolem & ingenium præclara
scientia plenum jure admiror.

Accipe adeoque Excellentissime
Vir, approba fodes! voluntatis meae
conamen, quod Tibi in testimonium
devotae mentis & debitae observan-
tiae fervente jam opere destinaveram:
si enim, quod Tibi produxi, quadan-
tenus etiam placuerit, ingens, crede
mihi, operae solamen & laborum dul-
ce lenimen reportaturus ero.

Faxit DEVS, qui Te hucusque
salvum sospitemque praestitit, ut & in
posterum votis tuis atque optatis ex-
acte respondeant cuncta & ex senten-
tia feliciter Tibi succedant: secundet,

VI DEDICATIO.

fortunet, prosperet SUPREMVVM
NVMEN Te tuaque coepta, præ-
stet Te fartum tectumque ad Nesto-
rios usque annos, quo, sicut in rei-
publicae decus atque ornamentum,
ita & in eiusdem usum & emolumen-
tum diu superstes maneas; neque mi-
nus in ope ægrotis ferenda prospero
eventu & felicitate perpetua Te uti
fruique, tuamque laudem nunquam
emorituram patiatur. Vale Vir Am-
plissime feliciter & amare perge

EXCELLENTISSIMI

NOMINIS TUI

Cultorem addictissimum

D.DAVIDEM WIPACHERUM.

LEC-



LECTORI CANDIDO

S. P.

*Qu*anquam pleuritis ipsa, quomodo & controversia, de venae affecti vel oppositi lateris incisione, sæpius & fervore insigni agitatae fuerint, complures etiam operosæ diligentiae multum, in investigando & cognoscendo frustra consumserint: nibilo tamen se-
cuius & mali truculentia & indicationis difficultas eo usque animum pepulerunt, ut & meas qualescumque vires, in hac offensionis caute amolien-

VIII P R Æ F A T I O.

da, experiri, operæ pretium fore statuerim.

Motus ergo & rei necessitate & abdita ejusdem ratione demonstrandi operam insumsi, & quia materiam scribendi præter opinionem mihi crescere, explicationem etiam, rei difficultate sic poscente, paulo fusiores, quam apud animum constitueram, evadere animadverterim, haud abs re fore statui, si aliquando occasione opportuna occurrente, spinosam hanc quæstionem, sub forma tractationis non adeo prolixæ, publici juris facerem, eandemque ventilarem & venæ affecti lateris incisionem vindicarem.

Problema præsens autem a multis jactatum, nunquam tamen perfecte solutum, demonstrationibus anatomico-physiologicis pariter atque pathologicis explicatum trado, nullus dubitans, & hanc meam operam gratam futu-
ram

ram iis, qui, non in ambigendo, (ut semi docti docent,) sed decidendo medici & medicinæ excellentiam ponunt; quando nihil quidem mihi unquam potius fuerit, quam hac in parte præsertim egentium inservire commodis, meoque desiderio facere satis. Quibus meditationes & speculationes cordi sunt, habebunt, vere ut dicam, quo animum exercere possint, siquidem rei veritas & evidentia non nisi principiis procul petitis innititur iisdemque stabilitur.

Ordo tandem, quem servaturi sumus sequens esto, ut parte priori venæ sectionem derivatoriam generatim pertractando, Hippocratis & Galeni circa eam placita primo loco exponamus: deinde, adversariorum opiniones refutemus: tertio, utrisque faventium propositiones expendamus: quarto, neutræ sententiæ addictorum ra-

X P R Æ F A T I O.

tionem examinemus : Parte posteriori vero, speciatim eandem aggrediendo, primo, pleuram anatomicè & physiologicè contemplemur : secundo, pathologiam pleuræ, e præcedentibus optime perspiciendam, exponamus : tertio, ex hisce duobus indicationem ad venam medianam affecti lateris incidendam, tanquam confectionarium colligamus : quarto, ea, quæ hætenus ratione constare ostendimus, experientia etiam confirmemus : quinto, cautelas quasdam circa hancce venæ sectionem, nunquam negligendas, subjungamus.



PARS



P A R S I.

D E

VENAE SECTIONE

IN
PLEURITIDE GENERATIM.



C A P U T I.

Hippocratis & Galeni circa derivatoriam venae sectionem placita continens.

VENAE sectionem a veteribus in
evacuatoriam, revulsoriam & derivatoriam non temere fuisse divisam, ii norunt, quorum scientiam non illorum auctoritas aut vana specu-

culatio, sed rationum scrutinium quotidiana experientia junctum & auget & confirmat.

Est autem *prior* talis, quæ in causa universali circumducta & per totum corpus five qualitate five quantitate peccante, nullo ad vasa habito delectu, dummodo ad incidendum & deligandum apta extent, adhibetur: *altera*, quæ & Græcis ἀντίσπασις (α) dicitur, quando malignitas in parte quadam nobiliori, vitali, aut saltem ab ea non procul delitescens, in aliam, eandemque remotiorem & injuriæ opportuniorem lege circuli revocatur: *tertia*, παραχέρσις (β) alias appellata, quando sanguis e privato in quo aggestus est loco aut saltem eidem proximo educitur.

Quemadmodum autem phlebotomia superior per se vera omnisque dubitationis expers est, ita & reliquas duas, quicquid etiam ambegerint alii, indubitatae esse experientiæ plane constat. Etenim quantum ad revulsoriam phlebotomiam pertinet, nemo est, qui ejus præstantiæ ignoret exempla, præsertim in istius modi morbis, ubi non habet locum derivatoria: talem

(α) Galenus Lib. II. ad Glaucum cap. VII.

(β) Idem loc. cit.

lem autem effectum in homine revera contingere, ideo subleſtae fidei dici nequit, quod & inſuper metaſtaſes morboſæ, nunc ſalubres, nunc funeſtæ, evacuatione quavis ortaæ, ejus rei luculentiffimum nobis exhibeant indicium: ut igitur adeo abſonum non ſit, quando *Dominicus Sala* (γ) aliique præſtantiffimi, aperta brachii vena, materiam peccantem e pede in brachium retroceſſiſſe, perhibuerint. Derivatoriam porro in acutis & quidem partialibus affectibus aequè præſentiffimum præſtare auxilium ac ipſa rationi congrua & conſentanea eſt, illuſterioribus & eruditione ſpectatiſſimis non ſolum innotuit, ſed & fundamento ſtabili ac ſolido firmiter innititur; licet a variis, iisdemque non ignobilibus, præcipue quoad ejus in pleuritide uſum, ubi communiter ex mediana dolentis lateris exercetur, multis retro luſtris acerrime impugnata fuerit.

QUARE igitur, cum nihil magis ad tam immanes diſſenſus & enormes altercationes inter auctores occaſionem præbuerit, quam ſi præerogativæ, quibus utra præ altera vena mediana proprie gauderet, demonſtrant.

(γ) Apud *Rhodium* in *Analect.* in *Ludov. Septalii* animadverſ. med. pag. 586.

strandae veniebant, maxime eas indicare, & opiniones aliorum radicitus excutiendo, perspicuas reddere, mecum constitui.

Si itaque a priscis medicinae vatibus, ut fas est, incipiamus, jam olim inter Graecos vetustos (δ) Latinosque (ε) do-

len-

(δ) *Hippocrates* de victus ratione in morbis acutis Libro IV. Item Libro I. de morbis cap. IX. de pleuritide & peripneumonia quae sine sputo sunt. *Galenus* commentario II. in textum X. Item, commentario IV. in textum LXXIII. Item, de curandi ratione per venae sectionem cap. XVI. *Orribasius* I. Synops. cap. X. & Lib. VII. Collect. cap. V. It. de comp. med. ad Eustathium filium. *Aëtius* tetrabibl. I. serm. III. cap. XII. Item III. Serm. I. cap. II. *Paulus* Libr. II. cap. XL. *Alexander Trallianus* Libr. I. cap. XIV. Item Libr. VI. cap. I. *Nonus* cap. CXXIX. *Actuarius* de methodo medendi Libr. III. cap. I. in medio & fine. Item Lib. IV. cap. IV.

(ε) *Celsus* Lib. II. cap. X.

(ζ) *Petrus Brissotus* de missione sanguinis in pleuritide Parisiis 1525. *Mattheus Curtius* de venae sectione in pleuritide Venetiis 1539. *Andreas Vesalius* Epist. de venae sect. in pleurit. apud Cominum de Tridino 1544. *Martinus Acakia* comment. in artem parvam Galeni pag. 36, 37. Venet. 1544. *Franciscus Valleriola* Libr. I. Enarr. III. fol. 54-56. Venet. 1555. *Joh. Baptista Sufius* Mirandulensis de venis e directo secandis. Cremonæ 1559. *Leonardus Jacchinus* Comment. in IX. Libr. Rhasis. cap. XXXIX. pag. 269. Basil. 1564. *Antonius ab Altomar* de med. humani corporis malis cap. L. pag. 370. Lugd. 1565. *Ferdinandus Mena* Rat. med.

lentis lateris venam optare moris fuisse,
deprehendimus, quorum partibus etiam
ex recentiorum (ζ) quin & neoterico-
rum

med. febr. cap. XLVIII. pag. 137. Antwerp. 1568.
Joh. Nicolaus Rogerius Salernitanus comment. in Lib.
Galenī de curand. rat. per sanguinis miss. pag. 186.
usque ad 194. & sequ. Campaniæ 1570. *Jacobus*
Hollerius de morbis internis Lib. I. fol. 108. Lugd.
1578. *Salvus Sclanus* Neapolitanus Comment. in
Libr. I. aphor. Hipp. ad aph. XXI. pag. 305. Ve-
net. 1583. *Gauasetius* de indicationibus curativis
Lib. I. cap. LXVI. Venet. 1586. *Petrus Paulus*
Pereda Setabensis in Schol. ad *Mich. Joh. Paschalii*
meth. curandi Lib. I. pag. 80. Lugd. 1587. *Fran-*
ciscus Vallesius controuv. med. & phil. Lib. VII. pag.
327. Francof. 1590. *Annibal de Nicolinis* Perusiæ
1591. *Joh. Paulus Pernumia* Lib. VI. pag. 503.
Francof. 1596. *Joubertus* Dec. I. Paradox. IX. Fran-
cof. 1599. in folio. *Dionysius Fontanonus* de morbis
intern. cur. Lib. II. cap. V. pag. 172. Francof.
1600. *Hercules de Saxonia* Pantheo med. select. Lib.
II. cap. V. pag. 169. ibid. 1603. *Leonbardus Fuchsius*
oper. didact. P. III. de medend. morb. L. II. cap.
VIII. It. Paradox. med. Lib. II. cap. IV. pag. 372.
ad 378. ibid. 1604. *Joh. Carvinus* de sanguine Dial.
VI. pag. 232. Hanov. 1605. *Ludov. Mercatus* op.
T. II. de rect. præsid. art. med. usu. L. I. pag. 71,
72. Francof. 1608. *Montanus* Consil. 173. *Marcus*
Antonius Montisianus de S. Geminiano Quæst. medici-
nal. *Wilb. Rondelet* meth. cur. morb. Lib. II. cap.
XI. pag. 301. Genev. 1610. *Petrus Vascus Castellus*
Tr. V. cap. X. Diff. III. pag. 494, 495. Tolos. 1616.
Hieronymus Mercurialis L. II. Pract. cap. IX. pag.
229. Venet. 1617. *Christophorus a Vega* Lib. II. de
art. med. Sect. V. cap. II. pag. 206. & sequ. Lugd.

rum (η) cœtu, in re medica summe versati viri subscribere non dubitarunt: at, rationem genuinam & ex asse sufficientem, ob quam ita procedendum sit, aut reticuerunt, aut nobis scrutandam reliquerunt.

Sic autem ab *Hippocrate* (θ) exaratum accepimus:

ΑΑ.

1626. *Vidiſ* de curat. L. VIII. p. 380. Francof.

1626. *Renatus Moreau* de ven. sect. in pleur. Paris.

1630. *Alexander Maſſari* op. med. L. II. cap.

III. Lugd. 1634. *Amatus Luſitanus* in schol. curat.

L. II. cent. V. *Hildanus* cent. V. obs. 30. *Zacutus*

Luſitanus Prax. hist. L. II. cap. III. pag. 309. b.

Lugd. 1649. *Ludov. Septalius* Animadvers. L. VI. p.

171, §. 117. Patav. 1652. *Heurnius* de morb. peſt.

cap. I. Lugd. 1658. *Lazarus Riverius* Pr. med. L.

VII. cap. II. p. 436. ib. 1674. *Bartolettus* L. V.

cap. VII. *Bernbardus Verzaſcha* obs. med. cent. obs.

XV. pag. 39. Basil. 1677. *Baglivus*, *Deuſingius*, *Bar-*

bette, aliiſque complures brevitatis ergo omittendi.

(η) *Thomas Sydenham* de febribus cap. III. p. 265.

Lugd. Bat. 1726. *Frid. Hoffmannus* Medicina ſyſte-

mat. T. IV. P. I. S. II. cap. VI. ſub tit. curatio §. 2.

Francof. ad Moen. 1738. *Trillerus* commentat. de

Pleurit. cap. II. §. 33. pag. 30, 31. Francof. ad

Moen. 1740. *Platnerus* chirurgia idiom. germ. redd.

T. II. §. 1328. Lipſ. 1748. *Job. Ooſterdyck* *Schacht*

Inſtit. med. pract. L. V. cap. I. pag. 144. Traj. ad

Rhen. 1747. *Suietenius* Comm. T. III. ad Boer-

havi aph. 890. *De Gorter* Exercit. med. de motu

vitali §. LIII. ad LV.

(θ) Libro de victus rat. in morb. acut. II.

aph. X.

Αλλ' ἢν μὲν σημαίνει ὁδὴν ἐς τὴν κληΐδα, ἢ ἐς
τὸ βραχίονα βαρῶ, ἢ πρὸς μαστὸν, ἢ ὑπὲρ τῶν
Φρενῶν, τὰ μὲν αὐτὰ τὴν ἐν τῷ ἀγκῶνι φλέβα
τὴν εἶσω.

*At siquidem dolor ad claviculam pertigerit,
aut molestus sit vel brachio vel mammæ, vel
partibus septo transverso superioribus grauitas,
internam cubiti venam secare oportet.*

Et alio loco (ι).

Ἦν μὲν ὁδὴν ἀνω πρὸς κληΐδα, ἢ
πρὸς μαστὸν καὶ βραχίονα, τέμνειν χρὴ τὴν ἐν τῷ
βραχίονι φλέβα, τὴν εἶσω, ἐφ' ὁκότερον ἂν ἢ τῶν
μερῶν καὶ τὸδε.

*Si dolor sursum penetraverit vel claviculam,
vel mammam, vel brachium, venam bra-
chii internam secare oportet, qua dolor afficit
parte.*

Item fragmento, quod Galenus (κ)
nobis servavit:

Ὅταν καὶ ἔξῃ αἱμορραγίῃ, μεγάλῃ ὠφέλειαν
ἐπιφέρειν τοῖς νοσῶσι ταῦτ' ἀνάπαλιν αἱμορραγῶν-
τα, μηδὲν ὠφελεινὴ καὶ βλάπτειν ἐνίοτε τῷ κατε-
λύσαι τὴν διωάμιν ἀνδρὶ τὸ πάθος κουφίσαι.

*Quibuscunque καὶ ἔξῃ eruptio sanguinis ac-
cidit, summum id commodum laborantibus
af-*

(ι) Libro de vict. rat. in morb. acut. IV. aph.
LXXIII.

(κ) Lib. de curandi ratione per sanguinis miss.
cap. XV.

affert, quibus vero contra evenit, nihil juvat, aut etiam interdum nocet, quod vires scilicet citra morbi levamen dejiciat atque exsolvat.

Quæ loca Galenus, (λ) nihil minus quam quod futurum erat, suspicatus, ad sensum communem & ab omnibus Græcis receptum explicuit, præcipue vero quantum attinebat terminum καὶ ἰξιν, (pomum illud eridos,) vim vocis simpliciter secutus, eundem *e directo* seu *secundum rectitudinem* & quidem affecti lateris intelligendum esse clare ostendit, idque ex nexu vasorum intercostalium cum vena ἀξυγῶ, & hujus cum vena cava superiori communicatione, itidemque ex conjugio quatuor intercostalium cum subclavia probans, medentes, harum per brachiales dolentis lateris venas evacuatione, citiori ægrotos auxilio solari, quam si alio quocunque modo institueretur, jure meritoque existimavit (μ).

Hip-

(λ) Loco citato. confer etiam Lib. IV. aphorismorum comment. 36. Item, Libro de rigore, cap. V.

(μ) De curandi rat. per sanguinis miss. cap. I. XII. XIV. XV. XVI. Item Libro, experientia confirmatum præsagium cap. IV. De Sangu. Detraht. ex venis. It. De venæ sect. adversus Erasistratum. It. Comm. X. Lib. II. Hipp. de vict. rat. in morb. acut. It. Lib. XIII. Meth. cap. II. & Lib. IV. acutorum com. LXXIII. It. Lib. de constitutione artis.

Hippocratem autem revera sic sentiisse & Galenum, verum ejus & genuinum sensum affecutum fuisse loca docent parallela, inter quæ omnibus, quæ unquam lectitasse meminimus palmam præripiunt Lib. I. de morbis cap. XI.

Ευμφέρει τὴ φλέβα ἀπὸ χάσαι τὴ ἐν τῇ χειρὶ, τὴ σπληνίτιν καλεομένην, ἢ τὴ ἥπατίτιν, καθ' ὅποτέρῃ αὐτὴ εἴη τὸ νέσθημα, καὶ ἔτω ἡ ὀδυνη μαλακωτέρῃ γίνεται ὅτι πλοῦρξ τε καὶ τ' ἄλλων ἢ γὰρ φλέψ, ὅς οὐ ἐν αὐτῇ χολῆς καὶ φλέγματι, αὐτὰς δ' αἱματι ἐνοσηκότῃ μὴ τῶν μεθί τοῦ πούλου ἔξω.

Huic autem confert venam pertundere in brachiis splenitidem appellatam aut jecorariam, aut utram sane morbus vergit, sicque dolor lateris & aliorum lenitur; vena enim quicquid in ea est pituitæ, & bilis, & ipsius sanguinis morbofi, unâ cum his magna ex parte foras emittit.

Item Sectione secunda epidemicorum sexto, text. XIV. & XIX.

Καὶ ἔξιν καὶ πλοῦρέων ὀδίνῃ, καὶ σπληνίτι καὶ χονδείων καὶ σπληνὸς ἐπάρεσις, καὶ ἐκ ῥινῶν ῥήξεις, ὥστε καὶ ἔξιν σπληνίτικα ἐρυθρήματα καὶ πλοῦρῶν ὀδυμήματα καὶ ἔξιν.

Secundum rectitudinem fiunt, laterum dolores, præcordiorum distensiones, lienis tumores, sanguinis ex naribus eruptiones. It. ang-

ginæ rubores, laterumque dolores secundum rectitudinem fiunt. (v)

VERUM enim vero, quanquam Galenus *ἔτι* nec subtili nimis, nec metaphorico, multo minus hyperbolico sensu, sed, ut supra innuimus, communi tantum & ab omnibus recepto, secundum longitudinem parti affectæ proximam intelligeret candideque exponeret; Arabes tamen hanc sententiam evertere anxie moliebantur, dum eundem terminum secundum latitudinem & ex opposito accipiendum esse, viribus omnibus contendebant, seque genuinum Hippocratis sensum invenisse, quin & excogitasse, insolentius quam verius jactitabant.

Incredibile dictu, quas turbas post Hippocratem ejusque fidissimum interpretem Galenum sensus proprius termini καὶ *ἔτι* inter sic dictos Galenicos latus dolens seligentes & Arabum sectatores latus intactum præferentes, dederit: æque atrociter enim & horride, ac olim Lapithæ cum Centauris pugnarunt, donec tandem seculo decimo sexto, ad Carolum quintum Impe-

ra-

(v) Plura loca extant Epid. VI. aph. VII. It. De viâ. rat. in morbis acut. II. Text. II. It. IV. aph. LXXVI. in quibus omnibus Hippocratem proximam lateri afflicto locum ad evacuandum aptissimum censuisse, perspicuum est.

ratores, (sic referente Garmero) (ξ) lis delata fuerit.

Quo facto, silentium quidem habebatur, sed, cum animis perinde imperare non liceret ac linguis, nihilo secius secum quisque cogitabat & credebatur pertinaciter quod placuerat ante quodque mordicus defenderat, ut sit, quando ii, qui de rebus dubiis consultant, nec odio neque ira vacui sunt, quo in casu suum cuique pulchrum, nullo habito respectu ad rei veritatem aut rationem: ut igitur mirum non sit, si neutrum horum assertorum ex certis indubitatisque principiis audacter vel affirmare vel negare quispiam sit ausus, & quantum ego scio, nemo unus adhuc rite indagaverit aut demonstrando ostenderit, quin meris conjecturis & somniis plerumque rationes consistere animadverterim.

Qui enim cum Galeno (ο) ex solo nexu venæ ἀνωγὴ cum cava superiori, quippe utrique lateri communi, morborum lateris indicationem liquido apparere autumant, me iudice plurimum hallucinantur; hac enim minus sufficienti theoria, pleuritidis

va-

(ξ) Ad Franc. Rubei Exercit. II.


(ο) Comment. II. in Lib. Hippocratis de victus rat. in morb. acut. in Text. X.

vagæ conditio ne quidem intelligenda, ne-
dum lateris morboſi optio deducenda eſt;
& quantum ad quatuor superiores interco-
ſtales venas in ſubclaviâ hiantes perti-
net, hæ in lævo quidem latere ita repe-
riuntur, minime vero in dextro, ubi, ob
ſubclaviæ brevitatem, non in ipſam, ſed,
ut reliquæ inferiores in ἀξυζον utrique lateri
communem abeunt atque terminantur: ut
igitur, ſi pleuritis dextrum obſideat latus,
nulla exinde conſequentia, ad affecti la-
teris electionem ſperanda ſit, ut ex Parte
huius tractationis altera, cap. III. ſyllo-
giſmo I. eluceſcet.

Qui tandem venam mammariam inter-
nam (π) ejusque plexus & nexum latera-
lem cum ramificationibus minimis atque
vicinis venæ ἀξυζ in auxilium tuendæ
theſeos, vocavere, ſcopum non tetigerunt
propius, quoniam hæc, gemina licet,
& in geminos ac inter ſe diverſos ascen-
dens truncos, (venam cavam ſuperiorem
puta, a parte ejus anteriori, ſi dextra; ſi
ſiniſtra in ſubclaviâ ſiniſtram) tamen hac
ſui utcunque favorabili directione nullam
derivatoriæ venæ ſectioni parit prærogati-
vam

(π) *Heurnius* de morbis pectoris cap. II. pag. 42.
ex officin. Plantin. 1602.

vam nisi quoad latus sinistrum; quoad dextrum enim, quum, si hujus lateris est, in cavam uti dictum, omnibus communem singulamque immediate definat, æque ac in præcedente *Galenico* allegato omnis evanescit delectus, quandoquidem hic locorum nulla citior resorptio per ejus plexus cum oppilatis aliis communicantes, quam per aliam, etiam ex sinistro latere prodeuntem & in eundem venæ cavæ superioris truncum se exonerantem venam obtinenda sit.



C A P U T II.

Arabum aliorumque revulsoriae phlebotomiae fautorum defectionem exhibens.

SI *Arabum* (α) & recentiorum quorundam *Græcorum* (β) *Latinorumque*

(α) *Avicenna* Libr. III. Fen. X. Tract. V. cap. I. Venet. 1595. *Avenzoar* Lib. I. Tract. XVI. cap. III. *Alfaravius* Tract. XII. part. II. Summ. II. cap. VII. Venet. 1581. *Rhasis* ad *Almansor*. Lib. IX. cap. LVII. Hagan. 1533.

(β) *Aretæus* Lib. I. de cur. morb. acut. cap. X. *Archigenes* ut *Aëtius* tetrabibl. II. Sect. IV. cap. LXVIII. refert.

que (γ) sententiam sub examinis incudem vocamus, negabant illi maximam partem lateris affecti selectum penitus, atque cum *Italorum, Hispanorum & Gallorum* ingenti cohorte pro lateribus oppositis ceu pro aris ac focis acriter militabant, omnes formidantes, ne sanguis ad latus laborans traheretur, imo, si venæ sectio ibi celebretur, pleno fluente rueret; latus intactum potius legendum esse eo afferentes, quo materies hærens, stagnans, impacta, oppilationem φλεμονώθλιω creans e loco affecto in alium, injuriæ opportuniorem revulsionem (δ) subeat.

Quod autem, quanquam non prorsus ineptum sit, quin aliqualem veri præ se ferat speciem, ut etiam *Forestus* (ε) *Hildanus* (ζ), *Valasco de Taranta* (η), *Joh. Michael Savanorola* (θ), *Dominicus Leonus* (ι), *Jul. Cæs. Scaliger* (κ), *Galeatius*

(γ) *Cælius Aurelianus* Lib. II. acut. pass. cap. XVIII. *Serapion* Tract. II. cap. XXI.

(δ) *Galenus* Lib. II. ad Glaucum cap. VII.

(ε) Lib. XVI. obs. XXXII.

(ζ) cap. V. obs. III.

(η) *Philonio* pharmaceut. & chir. L. III. cap. VIII.

(θ) Tract. VI. Pract. magnæ cap. X.

(ι) *Attis* med. Sect. II. L. II. cap. IX.

(κ) *Apotelesmate* XII. in comm. Libri Hipp. de Insomn.

rius de S. Sophia (λ) Victor Trincavellius (μ) Thaddæus Dunus (ν) Arnoldus de Villanova (ξ), Sennertus (\circ), Andreas Turrinus (π), Baldassar Timæus v. Guldenkleee (ρ), Petrus Petitus (σ), Matthæus Peritus (τ), Mongius & Costæus (υ), Joh. Colle (ϕ) Gentilis, Jacobus de Partibus, Nicolaus Florentinus, Thriverus, Joacchimus Arnaldus, Guainarius, Gattinaria, Pifo, Herculanus, aliique conspicui nec postremæ auctoritatis viri, ad eorum defecerint ca-

(λ) In Lib. Rhasis ad Almanfor. cap. LVII Hagan. 1533.

(μ) De vena pleuriticis & aliis quæ viscerum inflammationibus tenentur secunda, pag. 996. Francos. ad Moen. 1625. It. De rat. curand. partic. hum. corp. affect. L. VI. pag. 136--141. Lugd. 1592.

(ν) Lib. II. De venæ sect. cap. IV.

(ξ) Lib. IV. Breviarium.

(\circ) Instit. med. L. V. P. II. Sect. I. cap. XVIII. p. m. 1061. a. b.

(π) Opera Romæ 1545.

(ρ) Casus medicinales L. II. p. 89 & 93. Lips. 1667.


(σ) Comm. p. 242.

(τ) In comm. cap. I. Avicennæ in fen. X. L. III. Tr. V.

(υ) Annotat. ad loc. Avicennæ L. III. Fen. X. Tr. V. cap. I. Venet. 1595.

(ϕ) Tom. II. Lib. II. cap. VI. pag. 146--147. Pisauri 1617.

castra: canoni tamen, quo cito ægrotis, potissimum graviter decumbentibus, (si quidem morbus est peracutus (χ), succurrere & decet & oportet, non exacte respondet, quandoquidem ex argumentis, quæ in sequentibus allaturi sumus, citius longe & tutius e lateris dolentis parte hoc negotium absolvi: metum etiam, ne sanguis, apertura prope locum affectum facta, impetuosius eo ruat aut fluxio geminetur, inanem esse, dilucide constabit.



C A P U T III.

*Utramque sententiam amplectentium
rationes
expendens.*

REPERIUNTUR porro qui syncretismo studuerunt, ut *Joh. Jonstonus* (α),
Rio-

(χ) *Hippocrates* de victus ratione in morb. acut. Lib. I. aph. VIII. It. *Apollonius Mys* apud Cæl. Aurel. cap. XIII. It. *Theodorus Priscianus* Lib. II. cap. IV.

(α) *Idea universæ med. pract.* L. V. Tit. V. cap. II. pag. 398. Amstelod. 1644.

Riolanus (β), Cæsalpinus (γ), Montagna-
na (δ), Gregorius Horstius (ϵ), Gordo-
nius (ζ), Capiuaccius (η), Manardus (θ),
Argenterius (ι), Joh. Matthias de Gradi-
bus (κ), Fernelius (λ), Benedictus Victo-
rius Faventinus (μ), omnes Galenicorum
æque ac Arabum assertum limitando par-
tim, partim singulari modo Hippocratis
divini sensum distorquendo, partim etiam
Arabibus non nihil indulgendo, trifariam
animos efferatos ad concordiam & pacem
reducere haud inepte tentantes.

Qui enim limitabant, venæ sectionem
quam

(β) Meth. med. cap. XI. pag. 55, 56. Lugd.
1580.

(γ) Lib. VI. cap. VII. pag. 436. Francof. 1605.

(δ) Consil. 95.

(ϵ) Centur. problem. medic. $\theta\epsilon\gamma\gamma\epsilon\pi\omicron\upsilon\tau\iota\kappa\acute{\omega}\nu$ Dec.
IV. Quæst. VII.

(ζ) Lilio medicinæ Part. IV. cap. IX. fol. 205-
206. It. De regimine acutorum Part. II. fol. 362.
Parisiis 1542.

(η) Pract. Lib. II. cap. III. Francof. 1603.

(θ) Lib. XII. Epistolar. medicinal. Epist. V.
Basil. 1540.

(ι) De consult. rat. cap. XII. pag. 1258. Hano-
viæ 1610.

(κ) Cap. LII. fol. 96.

(λ) Cap. V. Meth. med. L. II. Francof. 1581.

(μ) De curat. pleurit. per sangu. miss. Florent.
1551.


quam primum in latere opposito ad revulsionem, si corpus sit plethoricum: minus, aut si ad claviculam vergat malum, e directo (καὶ ἰξίϛ) affecti lateris ad derivandum instituendam censebant; quibus autem geminam ob rationem assensum nostrum recusamus: nimirum, quod oppositum latus, plethora quamvis præsentente, contra phycas rationes eligendum suaserint: deinde, quod phlebotomiam, affecti lateris licet, plethora tamen absente, quod noxium, proposuerint.

Qui distorquebant, terminum καὶ ἰξίϛ ab *Hippocrate* in longitudinem secundum fibras intellectum fuisse perhibebant, atque ob id, cum vasorum fibræ secundum longitudinem procederent, venæ sectionem non brachii affecti lateris sed pedis significari contra *Galenum* asseverabant: Hi vero, si structuram vasorum propius novissent, & *Hippocratem*, imprimis quoad loca parallela jam a nobis adducta, diligentius legissent, secius omnino iudicassent.

Qui denique indulgebant, venæ sectionem oppositi lateris *in principio* & quando prodromi pleuritidis apparerent, probabant: si autem morbus jam instaret, phlebotom.

botomiam dolentis lateris suadebant: quorum quidem propositum sponte sua concidit, quando nimirum morbus sit peracutus, repente irruens, nullum præmittens nuntium, nisi forte febrim, comitem ejus potius dicendam, præpostere huc referre cupias; quæ tamen, si etiam exiguo momento interdum præveniat, ambiguum sane signum hujus morbi foret; quandoquidem sæpenumero nil minus quam pleuritis insultum febrilem insequi potest: Deinceps etiam cum raro vel nunquam eveniat, ut medicus tam mature atque in ea periodo, ubi morbus adhuc averti queat, accersatur, (quo in casu hæc *ἀντιπαρασις* prophylactica potius quam curatoria dicenda) nec homines extra forum nostrum versantes, multo minus imperitum vulgus, huic morbo frequentius obnoxium, ita tentandum, ut prænoscendo quasi futuram pleuritidem, medici opem in tempore implorare debeat, quum ne medico quidem tam certo constare possit, utrum febriens in pleuritidem recta sit incasurus, nec ne: ideo & hæc subtilitas exulat. Nam, si omnes etiam ad pleuritidem jam adestent præparationes, vel levissima *σφοδρόσις* hanc tempestatem imminentem facillimo dissipatura negotio, incidere potest,

est, quæ morbum futurum, aut etiam proxime instantem nunc prævertat, nunc transmutet: ante morbi ipsius autem præsentiam nulla diagnosi, multo minus indicatio, nec formanda est, neque formari potest.



C A P U T IV.

Neutræ sententiæ addictorum argumenta examinans.

PRÆTER hos autem, quibusdam aliis (α) non adeo religiosis, perinde erat, utrum latus chirurgus eligendum imperarent, modo sanguinis moles ultra modum urgens

(α) *Felix Platerus Prax. Tract. II. cap. X. Willisius Diatrib. P. II. S. II. cap. IX. Constantinus Lucas Exposit. in Avicennæ cap. de phlebot. Ticini 1578. fol. 8 & 11. Gordonius Lil. med. Part. IV. cap. IX. pag. 490, 491. Francof. 1617. It. de regimine acut. ægrit. Part. II. pag. 864, 865. ead. Edit. Ettmullerus Instit. med. P. II. de Pleuritide. Christianus Johannes Langius Dissert. de Pleuritide §. XXVII. aliique.*

gens & angens detrahatur, minuatur, vasque onusta leventur: Rationes eorum si audimus, statim ad febres continentes, synochum simplicem & putridam, causon, ardentes, continuas, acutas, plethoram, animi deliquia, apoplexiam & reliqua confugiunt, ubi posthabito omni & loci & venarum selectu, maxime tumida tantum attendatur, ejusque sectio, promiscue licet celebrata, nihilominus speratum præstet effectum: Imo, quo nihil eorum, quæ ad suum assertum stabilendum & firmandum faciant, omisisse videantur, instantiæ loco urgent irritas illas & nugatorias sectiones venæ basilicæ in affectibus jecinoris; cephalicæ majoris quomodo & minoris ad pollicem manus & pedis sitæ, in capitis affectibus; salvatellæ in melancholia & splenis affectibus, (quod commentum jam Galenus (β) elusit) saphænæ in mensium obstructionibus, & sic porro, frustra administratis: quæ cuncta argumenta, quantumvis Achillea appareant, mox tamen, si paulo altius inquisiverimus, straminea sunt evasura.

Quoad prius enim manifestum est, ad-

ver-

(β) Lib. de curandi rat. per sanguin. miss. §. XIII. in fine & XIV. in medio fere.

versarios nostros fallaciam ignorationis elenchi committere: quandoquidem in omnibus illis sanguinis missum promiscuum indiscretumque admittentibus morbis venæ sectionem evacuatoriam quidem, minime vero derivatoriam, de qua nos differimus, indicari vel maxime constat; quæ evacuatoria in morbis quibuscunque a causa universali eademque circumducta & (quemadmodum præmemorati satis superque innuunt morbi) per totam sanguinis massam totumque hominem æqualiter diffusa & distributa, proficiscentibus, ubi nimirum, ut *Celsi* (γ) verba mea faciam, sanguinis detractio totius corporis causa fit, utique valet: at, ubi partialis (δ) & uni tantum loco addicta causa existit, non item: Hic enim si parti laboranti e loco, quoad ejus fieri potest proximo maximeque vicino (ϵ), succurrimus, satius omnino convenientiusque actum esse, quem præterit? (ζ) siquidem non ad febrim pleu-

(γ) Lib. II. cap. X.

(δ) *Fridericus Hoffmannus* Dissert. de compendiosa & clinica inflammationum praxi cum cautelis, mox in præfamine.

(ϵ) *Celsus* loc. cit.

(ζ) *Galenus* de curandi rat. per sangu. miss. in principio inquit: *Haud parum interest, hanc ne an illam incidas.*

pleuriticam, utpote symptoma (7), minuendam aut extinguendam: sed potius, ad stasim & obstructionem, ut infra clarissime dilucebit, in pleuræ & pulmonum vasis hæsitantem, sanguinisque cursui remoram & ἀμεινάντων creantem, quantocyus tollendam, animum intendimus: atque id quidem per venæ dolentis lateris, tanquam huic proximioris, incisionem (9) sanguinisque missum partialem, technico plane termino derivatorium dictum, quam optime fieri, constans observatio est.

Quoad posterius, nimirum venæ sectiones

(7) Hinc Galenus Lib. IV. Prælect. in aphor. Hipp. LXXIII. pleuriticos καὶ ζῶχον non dici febrientes, recte monuit.

(9) Galenus comm. IV. in Aph. II. Sanguis non aqualiter in venæ sectione evacuatur in corpore. It. comm. II. in Lib. Hipp. de victus rat. in morb. acut. T. X. It. de curandi rat. per sanguin. miss. §. II. & XIV. Evacuationes undecunque fiant, in universum animalium corpus distribuuntur, licet non æque celeriter, neque similiter ex omni vena. It. Libro de constitutione artis. Actuarius L. III. Meth. med. cap. I. in fine. Alexander Trallianus L. IV. cap. I. de angina finem versus. Annibal de Nicolinis Perusie 1591. Lazarus Riverius eam ob rem in omnium partium infra renes positarum affectibus, e venis inferioribus phlebotomiam instituendam esse censet. Pr. med. L. XIV. cap. IX. de Dysuria. Trillerus Lib. cit. cap. II. §. XXXI.

nes illas partiales exoletas & absurdas, convellimus hanc instantiam, subiecto eandem non subesse ostendentes, quandoquidem ea, utpote a superstitione petita, huc nullatenus quadrat, nec ad contrarium demonstrandum apta est, nobis non istius modi futilibus & frivolis hypothesibus, sed rationibus operam dantibus iisdemque pugnantibus.

Cum autem semel exemplis hic agitur, instemus quoque a partialibus venæ sectionibus & quidem cum εὐφρασίας celebratis, magisque rationi consentaneis, quales sunt: *venæ frontalis & temporalis* (ι), *in mania, cephalalgia, ophthalmia, epiphora & ægilope: venarum raninarum* (κ) *perinde atque jugularium* (λ), *in angina inflammatoria, synan-*

(ι) *Galenus* de curandi rat. per sangu. miss. §. XVIII. *Felix Platerus* Pr. T. II. cap. IV. *Willisus* loc. cit.

(κ) *Hippocrates* de vict. rat. in morb. acut. IV. 30. *Paulus* de re medica L. III. cap. XXVII. *Albucasis* Arabs L. II. Chirurgiæ. Argentorat. 1544. *Cbristopb. a Vega* L. III. de art. med. cap. XX. *Ludov. Mercatus* cap. XIV. L. IV. *Rondelet* cap. de paralyfi linguæ. *Richardus Mead* monita & præcepta med. cap. IV. *Hamburgi* 1752.

(λ) *Aëtius* tetrabibl. II. S. IV. cap. LXVIII. *Oribasius* synopsis. IX. cap. VII. *Alexander Trallianus* L. VI. cap. I. *Ætarius* L. III. de Meth. med.

synanche & parasynanche, item & *odontalgia* (μ) *venarum jugularium in cephalalgia* (ν) *ophthalmia* (ξ) & *lethargo* (\circ) *venarum pone aures in vertigine & hemicrania* (π); *venæ humeralis in gravissimis oculorum doloribus* (ρ) *sectio*; *venarum narium cum fetis equinis, aut instrumento nuper invento*, ad sanguinem proritandum irritatio-

med. cap. I. finem versus. *Soranus Ephesius* in *Isagoge* cap. XXI. *Nomus* cap. 129. *Jacobus Carpus* in *Isagoge anat.* cap. I. Argentor. 1528. *Paulus Magnus Lib.* de phlebotomia idiom. ital. scripto. *Ludov. Mercatus meth. med.* cap. XIII. *Prosper Alpinus* de medicina Aegyptiorum, cap. IX. *Job. Stephanus* in *Hippocrat.* de struct. *Casalpinus L. II.* quæst. med. cap. XII. *Zacutus Lusitanus Hist. med.* princ. L. I. Hist. 76. *Goveus Chirurg.* pag. 274. *Freind Lib.* epidem. *Rondelet meth. medendi.* *Tralles de Venæ sect.* 1735. *Hoffmannus med. system.* Tom. IV. P. I. Sect. II. cap. IV. de Angina, sub Tit. cautelæ & observationes clinicæ. §. I. Francof. ad Moen. 1738.

(μ) *Hoffmannus* Tom. cit. P. II. Sect. II. cap. IX. sub titulo cautelæ & observationes clinicæ. §. IV.

(ν) *Willisius* loco citato.

(ξ) *Hildanus Cent.* IV. obs. XIII.

(\circ) *Willisius* de lethargo.

(π) *Albucasis Arabs* loco citato.

(ρ) *Galenus* de curandi rat. per sangu. miss. cap. XIV. It. *Aërius tetrabibl.* I. Serm. II. cap. XII.

tio in cephalalgia (σ) venæ angularis in induratis phlegmonorum reliquiis in oculis *ἰσχυρίδα* dictis (τ) item in inflammatione oculorum: (υ) venarum in nucha in lethargo (φ) venæ cruralis in uteri inflammatione (χ) venarum in talo aut poplite mensium difficultate urgente (ψ) itidemque gravi-

(σ) Hippocrates loc. cit. aph. X. Job. Michaelis Pr. clin. ad Jonstoni ideam comparata. P. I. L. II. cap. I.

(τ) Galenus loc. cit. §. XVIII.

(υ) Dionis Chirurgia pag. 494. Edit. II.

(φ) Morgagni advers. anat. VI. Animadvers. 83.

(χ) Galenus de curandi rat. per sang. missum. §. XVII.

(ψ) Idem loco cit. It. Job. Langius Leobergius Epist. X. Non nescimus a Mauritio Hoffmanno in notis ad Hartmanni praxin chymiatricam cap. 219. pag. 806. Riverio Cent. I. obs. II. & Amato Lusitano Curat. med. Cent. VI. obs. 28. in mensium suppressione brachii venam cum successu fuisse electam, sed omnes, quos adduxere casus, plethoram arguunt, minime vero obstructionem quandam partialem. Et quantum ad Riverii attinet observationem, quod mulieri cuidam temperamento sanguineo præditæ, toties cohibita fuisse menstrua, quoties vena malleoli secta fuerit; contra, sanguine ex vena brachii emissio, eadem largius profluxisse, referat, rationem non æque in selectu venæ, quam sensibilitate subjecti quærendam esse, nemo non videt. Siquidem sensibilitas talis si justo major existit, spasmodicos effectus a partibus inferioribus ad uterum usque excitare potest:

darum varicibus & lochiorum suppressione (ω) vasorum hæmorrhoidalium apertura (non raro spontanea) in melancholia (ω) & sic porro.

Quas partiales sanguinis detractiones & derivationes levamen exoptatum sequi, inter omnes convenit, earumque rationem ex nexu & conjugio vasorum dependere, omnis anatomicæ rei peritus mecum fatetur.

QUAMVIS autem hæc omnia ita se habeant, atque tam clara & perspicua sint, ut sane, nisi soli facem accendere velimus,

est: novi enim homines adeo sensibiles, quibus præ terrore, ex sensu instrumenti tundentis concepto, sanguis, non obstante foramine sat amplo, penitus constitit, donec rursus se collegerunt: ab eo igitur quod interdum fit, quodque paucis accidit ad omnes concludere, absurdum, cum a potiori denominatio fiat.

(ω) *Fridericus Hoffmannus* Dissertat. compendiosam & clinicam praxin inflammationum tradente cum cautelis, finem versus.

(α) *Hippocrates* aph. XXI. Sect. VI. *Galenus* comm. IV. in aph. XXV. Plura lege apud *Fernelium* meth. med. L. II. pag. 46. *Francos.* 1581. It. *Schol. Salernit.* cap. CIII. cum exegesi doctissima *Arnoldi Villanovani* Aug. Vindel. 1753. It. *Leonardum Botallum* loc. cit. It. *Baltb. Lud. Tralles* de vena jugulari frequentius secanda commentat. *Wratisl.* 1735.

mus, nihil amplius desiderandum restet: nec eo fecius dubitatio quædam, non insuper habenda suboritur, & quidem ratione resorptionis ipsius, quam adeo citam & momentaneam, ac nos in parte proxima exantlata fieri perhibuimus, non succedere, quidam haud incelebres statuunt, dicentes: *omne id, quod deficiat in parte* (per venæ sectionem intellige) *carere etiam in toto*: adeoque & hanc ipsam sanguinis pleuritici educti quantitatem, cum cordi atque arteriis, *intuitu affluxus minutioris*, decedat, non minus venis, abinde immediate dependentibus, quin toti corpori, *æque decessuram esse*, quando vim cordis atque arteriarum æqua vi, uti notum est, per omnes partes, suam in sanguine distribuendo exerere efficaciam, certo constet: naturam etiam, quæ *partium agentium harmonia* est, dum plenitudinis legitimæ amissæ perpetuo gestiat restitutionem, non ad partem vacuum & exantlatam adeoque & egentem, privatim respiciendo, sed omnibus aliquid, propter distributionem nunc parciolem existentem, carentibus, quo minus egestas cujusdam partis & annona alicui earum sensibilis & molesta existat, jacturæ damnum resarcire, neminem lateat: *confestim*

festim ergo, licet minus sensibiliter, deficere in toto, quo caruerit pars.

Spatium porro in venis quibusdam exantlatione tali factum, per alias, easdemque amplioribus seu parallelis & cylindraceis anastomosibus secum connexis, momento, antequam etiam oppilatio *φλεβμονωθης* in minimis angustioribus hærens, proruere queat, & quidem primo statim circulo absoluto, quantum fieri possit & massæ sanguinis residui quantitas concedat, vicissim repleri statuunt: hisque ipsis in auxilium surrogatis parallelis vasis, quum celerior resorptio (ut nos asserimus) in parte exantlata quam in alia non detur, *exantlatio* etiam ob repentinum ex parallelis vasis affluxum *minus sensibilis* evadat: non nisi tum demum, quando *omnibus in vasis* linea circiter plenitudinis pristinae per totum corpus *æqualiter* decesserit, materiam hærentem post frequentes sæpiusque repetitos circulos sensim paulatimque elui & e loco moveri asserunt, atque venæ sectionis promiscuæ præsidia se invenisse autumant.

SED enim vero, si mecum reputo, nihil deficere in toto, quod non prius defecerit in parte: cordi autem totique reliquo corpori tali venæ sectione nihil de-

de-

dere; quod non prius axillaribus & subclaviis, loco affecto propioribus, decesserit, ergo etiam in eis, per venas a pleura ascendentes maximeque vicinas, resorptionem ante fieri quam toti aliquid defecerit corpori, in confesso luceque clarius est (β). Porro, ne tum quidem, quando cor, jacturam amissi sanguinis, jam persentiscat, atque nunc etiam minorem sanguinis copiam, in totum projiciat corpus, sequitur, venas exantlatas cum reliquis, talem mutationem non passis, æqualiter participare: primo, enim, sanguis æqualiter quidem per cor in corpus distribuitur. sed non æqualiter per venæ sectionem evacuatur (γ), quod sane attentionem meretur; indicat enim, parti exhaustæ non statim uno sanguinis circuitu, qui brevi & quidem ante horæ quadrantem, imo in febricitantibus dimidio citius, sphæram suam absolvit, jacturam factam restitui; sed crebrioribus repetitionibus & aliquoties reiterato sanguinis circuitu, pro-

(β) Hinc *Annibal de Nicolinis* omnem venam evacuare totum, sed unam citius altera, recte sentit. *Perusæ* 1591.

(γ) Quod jam *Galenus* novit, comment. IV. in aph. II. Item de curandi rat. per sangu. miss. §. II. & XIV.

copia relictæ & superstitis laticis hujus , vacuum repleri.

Si enim consideramus tot myriades vasorum innumerabiles , eorumque in gyros & flexuosissimos orbes distorsiones atque convolutiones stupendas , quibus etiamnum accedit sanguinis diathesis præternaturalis , viscedine insigni peccans , crassior , quæ , antequam rursus corrigatur rariorque reddatur , non confestim talem ut par est , per omnia , subtilissima præfertim vasa , æqualem sui admittit distributionem , multos sane circulos habet sustinendos , antequam huncce indipiscatur statum.

Secundo , obex in arteriis patientibus præfixus , non obiter attendendus est , hic enim , cum tam prompte locum , in quo incarceratus hæret , mutare non soleat , liberiores per arterias in venas exantlatis sanguinis transitum , quo ipso alias , plenitudo æqualis momento restitueretur , non nisi ægrius segniusque succedere finit.

Venas tandem quod attinet , anastomosibus amplioribus , seu cylindraceis , cum dictis exantlatis connexis , sciendum , tales raro vel nunquam in pectoris clibano observari , quamvis aliis in locis , & præcipue infimo ventre & extremitatibus sat
con-

conspiciuæ animadvertantur : & si etiam una vel altera , quoniam subiecta variant , interdum adesset , eæ solæ ad implendum , & quidem tanta copia , ut obex ad loci mutationem , id est , resorptionem cito disponi nequeat , ob rationes ante adductas non sufficerent.

Aequilibrium ergo fluidorum , tam cito , ut resorptionem prævertat , non recurrere , quin dicam , per longius temporis spatium penitus deesse posse , præter innumeros alios morbos , solæ viscerum obstructiones , multos annos durantes , vita tamen & sanitate mediocri superstite , luculentissimum nobis exhibent indicium : quid ? quod pulsus utriusque carpi non convenit semper in eodem ægro , sed , qui fortasse hoc in latere laudabilis & conveniens est , in altero deprehenditur pessimus (δ) ? Quæ cuncta , æqualem fluidorum per totum hominem , ad omnes partes distributionem plane dissolvunt.

Non desunt porro , qui mechanicis rationibus seducti , venæ sectionem , quoad locum eligendum , promiscuam , extra

om-

(δ) Videatur Ol. Borricbius in Act. Hafn. Ann. I. obs. 68. & Job. Schmidius in Ephem. germ. Ann. IX. obs. 61.

omnem fortunæ aleam positam esse autumant ; quando nimirum per eandem nihil aliud quam vim vitæ auctam , resistentia præter modum excedente ablata, obtineri censent: eoque ipso, quum ubique locorum præstari queat, omnem & loci & venarum selectum penitus abrogatum iri sibi & aliis persuadent.

Fundamentum quo nituntur sequens est lemma :

Posita eadem vi movente , celeritas motus tanto major est , quo minor est resistentia.

Quod quidem quam speciosum alias dictu sit, imo & quoad mechanicen verissimum, mihi tamen & in genere omnibus, qui eclectice philosophantur, omnino non satisfacit: siquidem ad microcosmum, (ut plerumque fit si ab inanimatis ad animata usque consequentias formamus) semper minus minusque quadrat: hic enim si unquam legibus mechanicis & præsertim hydraulicis obtemperare videtur, id sane illi ex improvise accidit, nec nisi præconceptæ opinionis perspicillo videntibus ad easdem se componere apparet, quam ob rem etiam circulos eorum, quoties abludit, mirum quantum turbare solet

let (ε). Quemadmodum & hic in statu plethorico si ad vires nempe existit, aliquid hisce functionibus analogi accidere videtur, quod nempe vires vitæ ante oppressæ, beneficio venæ sectionis recurrant vicissim, aut, si cum *Roderico a Fonseca* (ζ) loqui licet, corpus per venæ sectionem levata natura resipiscatur.

Quam theoriam vero, si ulterius extendere animus est, mox contrarium contingere animadvertimus in febribus ab ipsa plethora ortis, inflammationibus, obstructionibus, viscerum, alvi, mensiumque, spasmis, passione hysterica, animi pathematibus impetuosius, furore uterino, flatuum tensionibus aliisque vasorum pressionibus; quin & ipso sanguine polypofo, ubi, mirandum dictu! ipsam resistantiam celerioris motus incitamentum potius quam impedimentum diceret, adeo, ut vim

cor-

(ε) Confer *Platnerum* in *Chirurgia* idiom. germ. reddita T. II. §. 1327. & *Schol.* Lips. 1749. *Richardum Mead* Libr. cit. introduct. pag. 5. It. *De Gorter* in *Præf. ad Exercitat.* & in *præfat. ad Pr. med. Syst.* T. I.

(ζ) De sanitate tuenda cap. XXVII. pag. 165. in fine, *Francos.* 1603. It. *Oribasius* *Synops.* L. IX. cap. XLVI. *Altuarius* de meth. med. L. III. cap. I.

cordis atque arteriarum a resistentia æquilibrii limites transcendente nullatenus superari aut supprimi, sed potius excitari magis & augeri diligentiores diligentissime observarint, cujus vel luculentissimum indicium pulsus concitior & cordis palpitantes rebelles præmemoratorum morborum individui comites, nobis exhibent (¶).

Nec est, ut ad salia, cor ad crebriores motus & ictus exstimulantia confugas, quandoquidem hæc in plurimis ante adductis affectibus non modo parciore quam par est occurrant copia, sed & suo agendi modo cum sanctionibus mechanicis nullibi concordant: non enim pondere & resistentia, sed stimulo & irritatione, ut omnia volatilia solent, suas exerunt vires, nec alia præter animata afficiunt & in motum celeriore crebrioremque agunt corpora, inanimata vero intacta relinquunt: quocirca etiam omnia cum his instituta atque ad illa applicata parum sane valebunt experimenta, quum utraque ex principiis plane oppositis agant, ut præfati abunde nos docent morbi.

Quod si ergo mechanica *Hambergeri* alio-

(¶) Confer *Platnerum* L. c. T. I. §. 4. & 35.

aliorumque doctissimorum dogmata, in suo genere plane demonstrativa, adversus nos vertere quisquam tentet, & præsertim ex *Dissertatione ejus, de venæ sectione quatenus motum sanguinis mutet* (9), aliquid in nos conjiciendum extorqueri putet, non diu pugnabit; quandoquidem ea omnia, utcumque vera, scituque maxime necessaria, partim, ob rationes ante allegatas, partim etiam, ob statum, quem innuunt, fluidorum mere universalem, ad nos non attinent; illiusque sanguinis definitiones ad nostrum objectum, quod partialem corporis sistit affectionem, nulla ratione aptandæ, neque etiam ea, quæ ibidem §. XXII. & XXX. extant, huc, nisi forsitan obtorto collo trahenda erunt, siquidem nullum prorsus involvunt statum inflammatorium: sed potius venæ sectionem omnem, sanguine spisso & viscido, ut pleuriticus est, copia non excedente, vetant, quum iste, ob *causarum resolutionis remotionem*, id est, virium vitæ imminutionem, in majorem abinde conjiciatur viscedinem & immobilitatem: Neque, si etiam idem ille copia excederet, eandem permittunt, tantum enim abest, ut, se-

cun-

(9) Jenæ habita 1737.

cundum dogmata §. XVI. XXX. XXXV. XXXVI. extantia, motus cordis & articularum, venæ sectione minuatur, (quod tamen in hoc statu requiritur) ut non potius augeatur; *posita enim eadem vi movente, celeritas motus tanto major est, quo minor est resistentia.*

Exulant ergo penitus, quando, si ad statum corporis pleuriticum applicari posse quis autumet, ob præmemoratos indicationi plane adversos effectus, venæ sectionem omnem contra indicant potius, quam ut indicent. Nos vero *primarium* nostrum esse volumus scopum, spatium, in venis afflicto loco proximis, ad resorbendum, venæ sectione procurare: *secundarium*, refluxum sanguinis ad cor, quod antenus minuere, quo fluxus ejusdem, qui in arteriis continuo celebratur, violentior, in locum affectum nimium allidens & inflammationem magis magisque irritans exacerbansque, cicuretur, eoque ipso, medicus, aliis remediis congruis & interne exhibendis, placide ac tuto agere queat.

Hæc autem in decumbentibus revera ita accidere facile neminem, nisi eum, qui in theoria parum se profecisse: in praxi, plane nihil didicisse nos docere cupiat, inficias

ficias iturum esse, ex capite tertio secundæ partis apertissime inclarebit, quando in illum usque locum indicationis demonstrationem distulimus.

Superfunt tandem αἰμοφωεῖ, quæ progenies phlebotomiam omnem cane pejus & angue averfatur, quales fuere olim *Chrysippus Cnidius*, *Medius*, *Strato*, *Aristogenes*, *Erasistratus*, aliique, abstinentiam & inediam ejus in locum commode substituendam putantes, quod quidem cæteris paribus suum tuetur locum, in morbo autem peracuto, ubi celerrime suppetiæ ferendæ sunt, citumque levamen exigitur (.), tali methodo, quantum mea fert opinio, nimis cunctanter opitulatum itur.

Adstipulantur hisce, & quidem impensius quam exigitur, sic dicti Adepti & per ignem philosophi (*), ut plurimum in parasitos & ciniflones desinentes, qui nempe venæ sectionem non modo repudiant, sed & diris imprecationibus & calumniis ut exitialem hominibus indiscriminatim damnant, devorent atque detestant, ean-

(.) *Hippocrates* de vict. rat. in morbis acutis Lib. I. aph. VIII.

(*) Ut *Helmontius* de febribus cap IV. It. Tr. Pleura furens, aliique congeneres.


dem lacerationem venarum crudelem itentidem appellitantes, pariterque convitia, maledicta & quæcunque demum agrestis eorum rhetorica suppeditare valet scommata, adversus ejusdem propugnatores evomunt: Blas vitale & Gas, Archæum ira furem, quem ipsi soli, veluti forsan Medea draconem colchicum, benedictis arcanis sopire sciant, causam hujus morbi arguentes.

Verum cum ego sim ex iis, qui canere inter adeptorum oracula non possunt, hī autem, fastuoso supercilio magna & insolita semper crepantes, spagyricis argumentis & armis pugnent, anatomiam & physiologiam, quin omnem methodum medendi rationalem contemnant, merito suæ forti relinquuntur, quando contra negantem principia non sit disputandum.






P A R S I I.
D E
VENAE SECTIONE
I N
PLEURITIDE SPECIATIM.



C A P U T I.

*Pleuram anatomicè & physiologicè
sistens.*

 LEURA, ἀπὸ τῆς πλεύρων, sive
costis (α), sic dicta, est mem-
brana densa, firma, albicans,
peritonæi substantiæ admodum
similis (β) duplex, facie qua viscera
spe-

(α) Dicitur etiam ὑπεζώκη membrana a Diocle,
Erasistrato, Asclepiade, eorumque affectis, eo, quod
latera & interiora cingat. Cæl. Aurelianus Lib. II.
acut. pass. cap. XVI.

(β) Andreas Laurentius Lib. IX. cap. V.

spectat crassior, tenuior qua costas, inter utramque laminam vasa omnis generis excurrentia possidens, internasque pectoris cavitates & pulmones in illis contentas nec non diaphragma, quoad superficiem pectoris cavum spectantem, obducens, madensque, ne organon *πνέμων* & *αἷματις* a thoracis ossea & solida structura male afficiatur.

Arterias accipit in utroque latere, a duodecim intercostalibus, quarum superiores tres, non raro quatuor, a subclaviis vel cervicali, inferiores octo a posteriori parte, subinde etiam omnes duodecim, trunci descendentis arteriæ magnæ nascuntur: quibus accedunt plexus thoracicæ inferioris atque scapularis internæ, ex axillari prodeuntium.

In totidem quoque intercostales suas emittit venas, quarum lateris dextri omnes in venam *ἄρτην*; lateris vero sinistri duæ, tres, interdum quatuor, superiores, in eandem subclaviam, reliquæ inferiores non minus in venam sine parī sese effundunt, quæ vena *ἄρτη* interdum in ramulis anterioribus aortæ, interdum venæ cavæ bifurcatæ ad renes, interdum venæ adipalis vel etiam ipsis emul-

gentibus incipit (γ), & in venam cavam superiorem terminatur: accedunt & hic anastomoses venæ thoracicæ inferioris pariter atque scapularis internæ in suas axillares se exonerantes.

Per viciniam & nexum qui pleuram inter & pulmones est, vena ἀζυγία recipit venæ bronchialis dextræ ramos & sanguinem: quæ vena bronchialis autem in anastomosis ultimis per pulmonum substantiam distractis, arteriæ bronchialis, nunc ex aortæ trunco, nunc ex intercostali superiori, vel etiam œsophagea (δ) egredientis, incipit; sinistra autem bronchialis vena ad subclaviam, tanquam sibi proximior, ablegatur.

Eodem pacto in utroque latere anastomoses subtiles arteriæ mammariæ internæ (ϵ), ex subclavia orientis, cum vena ejusdem nominis, & quidem dextra, immediate in venam cavam superiorem: sinistra, in venam subclaviam sinistram latitans purpureum effundente, pleura fovet,

(γ) Ut *Ludovicus Septalius* curat. med. Lib. VII. pag. 175. & *Eustachius* Tabula IV. annotarunt.

(δ) *Winflow* Exposition Anatomique Traité des Arteres, No. 109. pag. 373.

(ϵ) Quod jam *Galenus* observavit Lib. de Venar. & arteriar. dissect. §. VI. & VIII.

vet, ibi locorum, ubi costæ veræ in sterni latera inferuntur, paulo tamen post apophyses earundem cartilagineas.

Porro mediastina utriusque lateris aut ex arteria subclavia aut mammaria interna egrediens, capillaria sua disseminat per pleuram mediastinum sistentem, iisdemque communicat cum venæ eodem nomine gaudentis ultimis subtilissimisque apicibus, quæ, si dextræ laminæ mediastini est, in partem venæ cavæ superioris anteriorem, mox sub insertione venæ ἀζυγῆ: si lævæ laminæ, in subclaviam sinistram immergitur.

Præter hæc existunt etiam mediastini postici arteriæ (ζ) ex intercostalibus prorumpentes, & venæ ejusdem nominis in ἀζυγον sibi propinquam abeuntes (η).

Nervorum quoque non minus insignem ostendit copiam, qui omnes a ramificationibus anterioribus medullæ spinalis & intercostalis nervi dependent.

Supereffent tandem ejus pleuræ partis, quæ diaphragma, (qua pectus spectat) tegit atque investit, vasa commemoranda,

(ζ) Legatur Excell. *Hebenstreitii* Programma de mediastino postico. Lips. 1743.

(η) Confer *eundem* ibidem pag. IV. IX. ad X.

da, verum cum eorum inflammationes morbum alium, ab *Hippocrate* (θ), *Galen*ο (ι), *Aegineta* (κ), *Tralliano* (λ), *Φρενίτιν*: ab aliis *πᾶσι Φρενίτιν* dictum creent gignantque, nostrum non est, eorum hic suscipere examen.

Hæc vasa adducentia & abducentia pleuræ cuncta, ramulis exilissimis iisdemque copiosissimis per totam ejus substantiam atque tractum disseminata, mire inter se irretiuntur, involvuntur & implicantur, anastomosibus etiamnum innumerabilibus reciproce inferuntur terminanturque ibi locorum, ubi præ exilitate & proin diametri angustia flumen purpureum sanguinis non amplius admittunt, sed potius tenuissimum & lymphæ nomine venientem liquorem vehunt, cujus ex abundantia legitima alitur pleura sustineturque & mador tam necessarius illi conciliatur.

(θ) De Morbis Lib. III. cap. IX. Charter. Tom. VII. pag. 586.

(ι) De locis affectis Lib. V. cap. IV. Chart. T. VII. pag. 488.

(κ) Lib. III. cap. VI. pag. 28.

(λ) Lib. I. cap. XIII. pag. 45.

CAPUT II.

*Pathologiam pleuræ
exhibens.*

QUIS, itaque est, quin intelligat, glandularum exemplo, quibus nihil magis ad stases proindeque etiam obstructions tristes atque funestas inclinat, ob vasorum minutissimorum subtilitatem, convolutis anastomosibus suis nodum gordium (extra jocum) repræsentantium; id quoque, & quidem æque facile, æque celeriter, evenire posse in hisce subtilissimis copiosissimisque sibi invicem (veluti dixi in antecedentibus) irretitis ac implicatis anastomosibus vasorum, diametri angustia haud illis cedentium: atque id quidem tanto frequentius, quanto plus refrigerii injuriis ac invasionibus ob respirationis negotium præ ceteris obnoxia sunt (α).

Cum ergo ad stases suscipiendas prædicta

(α) Hippocrates I. de morbis.

dicta adeo commoda & proclivia sint vasa: si sanguinis *Albæ* viscida (β) & immeabilis, quam Sydenhamus (γ) καὶ ἐξοχὴν dicit pleuriticam, a causa quacunque, seu forinsecus induc̃ta, ut victus crudior, viscidus, crassior, impurus, dyspeptus, aromatibus conditus, salitus: potus laudabilior (δ), oleosus, spirituosus, & quæ his sunt gemina: sive intrinsecus nata & producta, ut plethora, catameniorum inordinatus aut justo parcius fluxus (ϵ), vel etiam ejusdem ob ætatem emanatio atque silentium, polyposæ concretiones (ζ), humidi & motus defectus, & sic porro, concurrat, causa deinde occa-

(β) Confer *Augusti Quirini Rivini* Dissertationem prorsus singularem de Asthmate §. 2. It. *Frid. Hoffmannum* Diss. de compendiosa & clinica inflammationum praxi, cum cautelis, de peripneumonia obs. I.

(γ) Observat. medic. circa morborum acutorum historiam & curationem Sect. V. cap. II. It. Sect. VI. cap. III.

(δ) Ut *Boerbavius* & *Suietenius* Tom. II. ad aph. 824. It. *Trillerus* Lib. cit. cap. I. §. 10. pag. 12. egregie docuerunt.

(ϵ) Confer *Hoffmannum* Med. Syst. T. IV. P. I. Sect. II. cap. V. obs. IV.

(ζ) *Malpighius* de polypo cordis pag. 170. Confer etiam *Willisium* de febribus cap. XI. p. m. 130. It. *Peyerum* exercit. anat.

casionali accedente levi, coagulationem creante, ut subita potus frigidi, glacialis, æstivis præcipue mensibus, ingurgitatio, refrigerium durante corporis sudore, critico præsertim, aut etiam *Ἀγπνοῇ* Sancto-riana auctiori (η) tantum, repente cohibita, terrore vel ira ingenti (θ), contusione, a lapsu vel ictu (ι), pectoris, cursu nimio, vita sedentaria, *ἐμφορξιν* talem & oppilationem *φλεγμασθην* confestim nasci, facile emergit.

Quale quid etiam in variolis ac morbil-
lis, a stultis & medicastis stulte tracta-
tis, dysenterico fluxu cohibito, scabie re-
tropulsa (κ) purpura chronica ob frigus
externum retrocessa, metastasi infau-
stæ productum, in praxi assidue observavimus
& annotavimus (λ) neque minus ex me-
tastasi febrili & catameniorum suppressio-

ne

(η) *Frid. Hoffmannus* Diss. cit.

(θ) Confer exempla quæ *Illustr. Swietenius* T. II. comment. ad aphor. *Boerhavii* jam allegatum narrat.

(ι) *Celsus* Lib. IV. cap. VI. *Talentionus* Lib. IV. recondit. rer. cap. I. pag. 575.

(κ) Quod etiam a *Sennerto* Pr. Lib. II. P. III. cap. VI. exaratum legimus.

(λ) Legi possunt exempla prorsus singularia apud *Hoffmannum* Med. Syst. T. IV. P. I. pag. 428. & sequ.

ne idem factum Sydenhamus (μ) & Forestus (ν) sunt auctores.

Verum enim vero in plexibus venosis ἐμφορῆν generari, affirmare nefas, propter mechanismum stasin omnem prohibentem; quandoquidem ex physiologicis constat, venas conos exhibere inversos, in quibus liquida directione sui motus a vertice basin versus ascendunt: si ergo stagnantes molculæ, angustum illorum verticis ostium semel transierint, nihil obstat quo minus & reliquas canalis sectiones semper ampliores fauste subire, & lateribus plus plusque divergentibus, cum non amplius sustineantur, feliciter evadere queant.

At in arteriis, ubi fluida a basi apicem versus festinant, eorumque molculæ sphaericæ angustiore con sectionem continuo incurrunt (ξ), si accedit prædicta *Ἀσθῆσις*, nil requiritur amplius, quam refrigerium aut animi pathema quodcunque, gradum spissitudinis exaltans, ut terror, ira, moeror, res confecta erit; in

(μ) Sect. VI. cap. III. p. m. 250. It. Sect. V. cap. V. pag. 216.

(ν) In schol. ad obs. 32. Lib. XVI.

(ξ) Legenda *Archibaldi Pittcarnii* Diss. de circul. sanguinis in animalibus genitis & non genitis. pag. 107, 108, 109.

in ultimis enim angustissimis convergentis canalis luminibus hæret, fluidumque a tergo ruens & urgens, (quandoquidem vis cordis puncto cuivis *ἐμπεγξῆς* applicatur,) stagnantes moleculas in angustiora prioribus continuo trudit loca in eaque inculcat & eo ipso obstructionem adauget.

Nunc in apicibus arteriosis *ἐμπεγξῆς* hæret, vi cordis atque arteriarum indefinenter urgente, allidente; ab altera parte, sanguine venoso subsidente (•), (difficilius enim segniusque ob motorem impeditum, nunc movetur,) materia stagnans densior, compacta, non quidem ac si dura silex esset, sed tenacior duntaxat ceu ad removendum difficilior reddita, in obicem perfectum abit.

Quid fit, obice posito in lymphatico systemate seroso, latex purpureus sanguinei systematis arteriosi, utique in cursu præpeditur & in transmigratione retinetur.

Tan-

(•) Id autem in venis revera accidere etiam *Hambergerus* Diff. a nobis excitata §. 37, 38. Fig. I. experimento luculentissimo tubo recurvo valvula instructo, instituto, demonstrat. It. Celeberr. *Lancisus* ramos venæ azygæ varicosos in latere affecto pleuritide mortuorum, invenit. Diff. epistolari de vena sine pari.

Tantum vero abest, cordis motus huic rerum statui ut indulgeat aut ad eum se accommodet, ut non potius, invitis etiam mechanicis, vim vi repellere conetur, atque humorum particulas circa axin suæ cujusque sphaeræ rapidius violentiusque vertat volvatque, qui status deinceps dicitur febris, celebratur attritus, inflammatio, oboritur rubor, tumor, dolor punctorius, lancinans, ob nervos ubique occurrentes, ita, ut si medicus hanc seditionem non frenaret inque pristinam rursus reduceret pacem, oppilatio talis φλεμονώθης certo certius aut in abscessum, ut chirurgia docet, exitialem, ἐμπύημα Græcis dictum; aut scirrhum, gangrænam & sphacelum seu νέκρωσιν abiret.

Superius recensita ergo, sive ἰδιοπαθῶς sive δεύτεροπαθῶς in pleuræ contingant vasis, quoad statum ἀναεσπικὴν & ἀκμασικὴν Pleuritidem veram nobis sistunt (π).

Quod

(π) Hippocrates Lib. III. aphor. XXIII. Galenus Lib. VI. Comment. Aph. XXXIII. It. Lib. V. de Loc. aff. cap. III. It. Lib. II. de Loc. aff. cap. VII. It. De constitut. art. med. 15. 4. de caus. puls. 8. Aristoteles & Apollonius Mys in libris suis deperditis. It. Diocles, Erasistratus, Asclepiades, Soranus, apud Cæl. Aurel. Lib. II. acut. cap. XIII. & XVI. Paulus Lib. III. cap. XXXIII.

Aësius

Quod autem inspirationis actio simul læsa, seu secundum Græcos *δυσπνοια*, ea-que ingens & dolorosa, juxta observe-
tur, ex continuatione pleuræ, qua, tum
pectus investit, tum etiam pulmones &
diaphragma obducit, facile intelligi pot-
est, nam quoad prius, ambæ pleuræ,
pulmonalis puta & costalis, ob viciniam
non raro ita conglutinantur, pulmonesque
costis accrescunt atque vasis communi-
cant, ut facillime pulmonum pleura ab-
inde participet aliquid & erysipelas con-
trahat, adeoque etiam stringatur, bre-
viorque & arctior reddatur, ne pulmoni
in inspiratione se explicanti impune cedere
valeat (ρ): quod, vel me non monente,
gna-

Ætius Tetrabibl. II. Serm. IV. cap. LXVII. *Actua-
rius* Meth. med. L. IV. cap. IV. *Alex. Trallianus*
Lib. VI. cap. I. *Celsus* Lib. IV. cap. VI. *Cæl. Au-
relianus* loco hic citato. *Foësius* Oecon. p. 513.
Diçterus n. 690. *Hieronymus Fabricius ab Aquapen-
dente* Pentateucho chirurgico Lib. I. cap. III. pag. 9.
Francof. ad Moen. 1592. Celeberr. *de Gorter* Pr.
med. Syst. T. II. Lib. III. 335.

(ρ) *Felix Platerus* Centur. posthum. Quæst. 58,
59. semper simul pulmones inflammari sectione
pleuriticorum se deprehendisse asseverat, cui &
subscribit *Zecchi* in Consult. 26. *Oribasius* Synops.
L. IX. cap. VII. primo membranam costas succin-
gentem invadi asserit. *Sennertus* Lib. II. Pr. P. II.

gnarus quisquis perspicere potest: Quoad posterius, pleura ipsa costalis, si syderata est, inflammatione & tumore intra suas laminas hærente, subinde decuplo crassior redditur, quo fit, ut inflato & in actu inspirationis expanso pulmone identidem in aream inflammata impingenti, siquidem contactus inevitabilis est, citra exquisitum dolorem spatium sese explicandi concedere non possit (σ).

Accedit etiam, quod muscoli mesopleurii hoc in casu non minus, *συμπυκνῶς* licet, patiantur, inflammentur, stringantur-

quæ que cap. 16. distinguit inter superiorem pleuræ partem, cum pulmonibus connexam, qua inflammata, pulmonum substantiam simul etiam affici concedit: & inferiorem, quæ sola quoque inflammari nata sit, ut vera pleuritis oriatur: Sed cum præter alios & nosmetipsi administrationibus anatomicis occupati plus simplici vice inferiorem pleuræ partem quoque in subjectis dum viverent robustissimis sanissimisque cum pulmonibus arcte connatam deprehendimus, nullum superest dubium, quo minus etiam costalis pleura, pulmonum pleuræ, (aut etiam contra) hic locorum inflammationem impertiri queat.

(σ) *Dolæus* Encyclopæd. Lib. II. cap. III. p. m. 308. sic fatur: *In pleuritide pulmones non laborant, nisi tandem ob vicinitatem simili contaminentur labe: difficilis respiratio in pleuritide oritur, quia pulmones in inspiratione expanduntur, atque pleuram inflammata attingendo, atrocem dolorem excitant, hinc ægri sponte ob metum doloris respirationem cobibent.*

que (τ): quare pectus rite & commode dilatari nequeat.

Equidem scio, jam olim cum *Euriphone*, *Evenore*, *Praxagora* & *Philotimo* etiam *Demetrium Herophilum* (φ) medicum eximium, omnem pleuræ costalis inflammationem in pleuritide strenue negasse, ejusdem sedem unice in pulmonum parte collocasse, dum eos solos hoc in morbo pati, per observationes anatomicas constare asseverabat, ubi illam ἀμερείαν & δυνεγείαν in membrana succingente costas, ne lynceis quidem oculis in sectis pleuritico-
rum cadaveribus conspici liceret; quod autem, quoties legi, toties & peripneumonicos cum pleuriticis eum confudisse deprehendi; quod facile accidit, siquidem sæpe, imo sæpius, metastasi ad pulmones (ob vasorum communicationem) funesta, quæ ante pleuritis fuit, in peripneumoni-
niam

(τ) *Apollonius Mys* loco superius citato. Item *Asclepiades* Libro deperdito apud Cæl. Aurel. Lib. II. acut. cap. XIII. *Celeb. de Gorter* Pr. med. Syst. T. II. Libr. III. 335.

(φ) Apud Cæl. Aurel. Libr. II. acut. cap. XVI. Lib. IV. cap. VI. VII. Quorum partibus & ipse favet *Aurelianus*, *Petrus Servius*, *Vincentius Baroni-
us*, *Schneiderus* in thesibus a *Schrædero* defensis, aliique non ignobiles.

niam transit, & quando rejectiones purulentæ non rite succedunt, pulmones utique corrumpi, mortemque præ foribus esse, nemo non intelligit (x).

Quæ cum ita sint, multo minus inducor credere id, cujus contrarium cum aliis, & diligentioribus & illustrioribus (ψ) egomet αὐτόπῳ testari possum, qui pleuram costalem ad usque musculos mesopleurios corruptam & sphacelatam, pulmone proximo superficie tenus tantum tacto, in pleuriticis defunctis vidi & examinavi.

Ostendunt porro loci ejus affectionem ii, qui male tractata pleuritide empyici & quidem ab intimis ad extimas fiunt partes,

(x) *Bonetus* sepulchreto anat. Tom. I. Lib. II. Sect. IV. obs. 14. §. 4. Genevæ 1679. Pleuritidem in peripneumoniam sæpe transire, licet non semper ita contingat, testatur.

(ψ) *Hippocrates* de morbis Lib. I. cap. II. Chart. T. VII. pag. 546. *Cæl. Aurel.* acut. morb. Lib. II. cap. XVII. pag. 117. *Nicolaus Massa* Introduct. anat. fol. 50. Venet. 1536. *Lazarus Riverius* Pr. med. Lib. VII. cap. II. p. m. 427. *Heurnius* de morbis pectoris cap. II. pag. 26. ex offic. Plantin. 1602. *Bonetus* l. c. *Diemerbroeckius* Anat. Lib. II. cap. XIII. pag. 309. *Harderus* Apiar. observ. 53. pag. 222, 223. *Boerhavius* aph. 877. It. *Svietenius* T. III. comment. ad hunc locum. *De Gorter* Pr. med. Syst. T. II. Lib. III. 335.

tes, ubi manifesto abscessum in pleura costali musculisque antedictis, foras proruentem, patiuntur, ut plerumque nos ipsi, ac præsertim dum hæc scriberemus, & vidimus & recuravimus.

Si autem, quod sæpe fit, primum in pleura pulmonali atque vasis bronchialibus istiusmodi oppilatio φλεγματώδης nascitur (ω) pleura costali vel prorsus intacta, vel per communicationem & viciniam obiter tantum aut συμπαθῶς affecta, facile etiam in ipsam pulmonum substantiam nidulatur & grassatur profundius, δύσπνοϊαν graviolem quin ὀξυθόπνοϊαν ut cum Hippocrate (α) loquar, creat, qui affectus καὶ ἐξοχὴν peripneumonia audit (β).

Qua

(ω) Hieronymus Fabricius ab Aquapendente loc. cit.

(α) De morbis Lib. III. cap. XV. Chart.

(β) Hippocrates de morbis Lib. cit. cap. VII.

Aretæus de morbis diuturnis l. 12. It. de causis & signis acut. morb. Lib. II. cap. I. pag. 10. *Actuarius* meth. med. Lib. IV. cap. IV. *Paulus* Lib. III. cap. XXX. *Trallianus* Lib. V. cap. II. pag. 241. *Celsus* Lib. IV. cap. VII. *Cæl. Aurel.* acut. morb. Lib. II. 26, 27. *Andreas Cæsalpinus* Lib. VI. cap. X. eam & pulmoniam dicit. *Bonetus* med. septentr. Collatit. ad l. 2. Sect. 10. in indic. hunc affectum pleuroperipneumoniam nominat. It. *Mercur. compit.* l. 14. pag. 558. 578. Edit. 1673. Integram de ea dissertationem scripsit *Schneiderus* propugnante Schrœ-

Qua in re & cum præmemorato *Demetrio Herophilo*, *peripneumoniam tumorem in toto pulmonis corpore esse*, sapienter dictitante, omnino facio, quandoquidem nihil prohibet quo minus pleura pulmonali inflammata, pulmonum substantia quoque, brevi tempore, ob respirationem vehementer sufflamminatam, sanguinemque ea propter plus magisque stagnantem & *πολυπρωδην* factum, intumescat & *φλεμμονην* contrahat (γ).

Quam facile autem id contingere queat, vasorum ostendit connubium, quo bronchialia cum pulmonalibus arctissime conspirant, quando illa nimirum cum his ubique contigua non solum, verum & plurimis in locis per anastomoses juncta & continua reperiuntur (δ), quemadmodum & pulmonalia vasa arteriosa, ramificationibus capillaribus stupenda implicatione bronchiis circumvoluta irretitaque, & cum venis *rete vasculosum* dictum, com-

po-

Schrædero, quam inseruit Bonetus suæ medicinæ septentrionali l. c. pag. 348. ubi pneumopleuritis appellatur. Confer etiam *Boerbavium* aph. 820. & sequ. & *Illustr. Suietenium* in comment. ad hunc locum.

(γ) Legatur *Boerbavius* aph. 825 & 826. & *Illustr. Suietenius* in comment.

(δ) *Ruyfch* Catalogo rariorum pag. 162.

ponentia, in ea quoque se aperiunt & ferum deponunt: cujus vel luculentissimum nobis impertitur testimonium experimentum egregium, quod præter celeberrimum *Halesium* (ε) etiam Illustris *Svietenius* (ζ) instituit, ubi aquam per pulmonalem arteriam (semoto omni ruptionis dubio) immissam, pleno rivo per asperam exire arteriam, jucundo prorsus spectaculo fuit animadversum: Cui negotio etiam ramificationes venæ pulmonalis longe pauciores, quam arteriæ, existentes, non minus atque diameter earundem angustior mirum quantum favent: luculento indicio, rejectiones tum purulentas tum floridas, huic morbo tam familiares & fausti eventus prænuncias, viam migrare satis naturalem, & a SUMMO DOMINATORE ab initio præparatam.

Consistit ergo differentia utriusque morborum in sede seu loco quem singulus occupat (η), & sicuti prioris criterium

du-

(ε) Hæmastatik experiments XI. pag. 73. &c.

(ζ) Comment. ad aph. Boerh. 830. Inde & est, quod *Riolanus* (locuples auctor) *Encheirid. anat. Libr. III. cap. IV. Pleuritidem & Peripneumoniam affectus fraternos & congeneres nominaverit. It. Bonetus sepulchreto anat. l. c.*

(η) Celeberr. *Boerhavius* aph. 820 & 875. Illustra *Svietenius* in comment. ad hæc loca.

δυσπνοια dolorosa, ita posterioris eadem difficilior (θ) imo & ὀρθόπνοια, non dolorosa tamen, cum reliquis signis pathognomonicis singulo eorum partim propriis, ut, pulsus parvus, durus, celer, asper, ferratus, micans etiam, ut ipse in morbi ἀκμῇ animadverti, qui in peripneumonia mollior, debilior & inæqualiorprehenditur, ut celeberrimus *Boerhavius* (ι), *Suietenius* (κ) & *de Gorter* (λ), sapienter annotârunt: porro, dolor pectoris fixus atque continuus, in peripneumonia contra, gravitas tantum distensioque thoracis, præcordiorum imprimis, enormis, cui accensetur natus in summo finis, venarum temporum elevatio, oculorum intumescencia: aquæ frigidæ, magis tamen auræ gelidæ concupiscentia & anhelitus, exspiratio calida (μ), utpote quibus pleuritidem perpetuo carere novimus: partim etiam ambobus communibus, quorsum re-

(θ) *Alexander Massari* op. med. Lib. II. cap. III. de pleuritide pag. 109. Lugd. 1634.

(ι) Aphor. 826.

(κ) T. II. Commentariorum in aph. Boerh. vii 826.

(λ) *Praxeos medicæ systemate* T. II. Lib. III. 336.

(μ) *Boerhavius, Suietenius, de Gorter*, loc. cit.

referuntur febris continua acuta, ardens, agrypnia non raro deliriis & mentis alienatione stipata, tussicula frequens & suffocans, nunc sicca, nunc sputo & rejectionibus mox purulentis, mox cruentis & floridis juncta: malæ, præsertim affecti lateris rubentes, appetitus prostratio: urina plerumque rubra & turbida.

At enim, quando in utrisque simul, pleura nimirum & costali & pulmonali inflammatio talis, *æqua violentia urgens*, observatur, *pleuropneumonia* dicitur, quæ, præter memorata symptomata, tanta hominem angit ac strangulat *ὀρθόπνοια*, dolore punctorio juxta stipata, ut brevi tempore in *ἀπνοίαν* desinat lethalem, quandoquidem e duorum priorum *συνθρομή* emergit.

Quomodo vero accidere possit, ut & pulmonalis pleura, (technice membrana communis dicta) costali jam incensa, erysipelas contrahat, nexu edocemur vasorum, si modo revocamus periodum quartam capitis hujus partis primi, ubi mentionem injeci venæ bronchialis dextræ in *ἀξυρον* sese effundentis: si ergo in ramificationibus intercostalium stagnatio oritur, fieri potest, & vere fit, ut proin prædictæ bronchialis venæ sanguis redux, rite atque decenter

in illam exonerari nequeat, sed potius, ob sanguinis in vena ἀζυγῶ motum segnior, ignaviolemque, & resistantiam abhinc natam, etiam stagnet, ideoque & arteriæ bronchialis latex in cursu sufflaminetur & retineatur, quare pulsus velocior, seu, quod idem est, velocior cordis contractio & systole, in pulmonum pleuram, mediantibus sanguinis columnis sæviens, vasorum ejusdem turgescencia generalis, explicationem ejus lobi, & proin auræ tam desiderabilis inspirationem consuetam, δαπροπαθῶς licet, impediens.

Comprobant assertum nostrum varices venæ ἀζυγῆ a celeberrimo *Lancisio* (v), in pleuritide defunctorum cadaveribus apertis, repertæ, ut opus non sit, pluribus augere rationibus, quod sectiones cadaverum ejusmodi quotidie ostendunt.

Idem etiam in latere sinistro pari accidere solet ratione, quando nimirum in intercostalibus superioribus, (quæ in subclaviam proximam hiant) oppilatio φλεβονάθης orta est: tunc enim, sanguinis, venæ bronchialis sinistræ, (in easdem intercostales definentis) simile impedimentum pares producit effectus.

C A-

(v) Dissertatione epistolari jam a nobis excitata.

C A P U T I I I .

*Venam medianam affecti
lateris incidendam
indicans.*

NUNC morbo ex anatomicis , physio-
logicis & pathologicis ætiologice
disquisito & exposito, indicationem opti-
me formatum iri, plane constat.

Causalis autem cum symptomatica (est enim morbus peracutus) locum suum hic tuentur, imprimis, si specialius loqui licet, evacuatoria, utpote qua utramque hic loci absolvimus paginam, in auxilium recuperandæ valetudinis vocanda est: non ac si materiam τὴν ἐμφορξίαν ipsam protinus educere (ut quidam credere) vellemus, sed potius, quo spatium ad discutiendum, sensim sensimque removendum, resolvendum, proindeque etiam resorbendum in venis eidem procuretur: quod educatione sanguinis è loco, quoad

quoad ejus fieri potest , proximo, impetramus (α).

Vernm quidem est in trunco venæ ἀζυγῆς, ceu loco omnium proximo, sanguinis exantlationem immediate institui haud posse, neque etiam alio, circa aream inflammata parum remotiori loco: etiam si Aëtius (β) scarificari affectum jusserit latus, id ipsum tamen, quanquam musculorum mesopleuriorum hic occurrant vasa, quæ, cum non omnia ab ἀζυγῶ, sed etiam a mammariis externis spargantur, me judice, parum vel nihil, nisi forte materies sponte inclinet, obtinebitur, quin dicam sanguinis educationem longe insigniorem, cito, tuto & jucende agentem, hic requiri.

Or-

(α) Sapienter quidem monuit Celeberr. de Gorter Exercitat. I. de motu vitali §. LV. *Venæ sectionem non auferre ex parte inflammata materiem obstruentem, sed compescere motum rapidiorem vitalem, quem statui-mus causam inflammationis*: at subjungimus: Non auferri quidem materiem obstruentem in ipso educationis actu, sed cruorem in venis, cum arteriis obstructis communicantibus, propter motorem impeditum subsidentem, varices agentem, ἐμφορξιν talem mirum quantum sustinentem & ad omnem loci mutationem subeundam, impediētem, educi, atque sic una opera & remotam & proximam removeri inflammationis causam.

(β) Tetrabibl. II. Serm. IV. cap. LXVIII.

Ordiamur itaque ab arteriis, quoniam per eas in venas transmittenda materies pleuritica est: & videbimus ex prædictis, hujus partis primi capitis, elucescere, arterias omnes, quæ hic locorum urgent vel urgere possunt, ex *axillari*, ut *thoracicam inferiorem & scapularem internam*: ex *subclavia*, uti *quatuor intercostales superiores*, *mammarias internas & mediastinas anticarum*, ex *aorta descendente*, seu, quod eodem redit, *aortæ trunco*, ut *intercostales octo inferiores*, subinde omnes duodecim, superiores puta & inferiores: item, *arterias bronchiales*, non raro ex arteria intercostali superiori, vel etiam, (quod ipse vidi) ex oesophagea: ex *intercostalibus*, ut *mediastinas posticas*, progredi, easdemque apicibus ultimis in apices extremos *venæ thoracicæ inferioris*, *scapularis internæ*, *intercostalium sinistri lateris superiorum*, *mammariarum internarum*, *mediastinarum anticarum*, *intercostalium reliquarum*, *bronchialium*, *mediastinarum posticarum* in & per pleuræ substantiam undiquaque dispersis & disseminatis terminari vel si mavis mutari.

Nunc inchoemus in anastomosibus ultimorum harum venarum apicum, & progrediamur ab hisce capillaribus candidis

D

vascu-

vasculis ad paulo majora, rubicunda, & ex his ad trunculos tres, qui huc imprimis faciunt & præcipue venæ sectionem derivatoriam indicant, *axillarem* puta, *subclaviam* & ἀξυρον, donec tandem in communem harum venarum omnium truncum, venam cavam superiorem intellige, definamus.

Vena adeoque *thoracica inferior* quomodo & *scapularis interna* in utramque abeunt *axillarem*; *intercostales* sinistri lateris superiores quotquot sint, (differunt enim numero) cum eadem *mammaria interna*, nec non *vena bronchiali* & *mediastina antica sinistra* in *subclaviam sinistram*: *intercostales dextræ* omnes, *sinistræ inferiores* tantum, veluti & *vena bronchialis dextra* cum *mediastinis posticis* in ἀξυρον sese exonerant; denique *axillaris ipsa*, *subclavia* & ἀξυρον vena, postquam recensitas accepêrant venas, cum *mammaria interna dextra* & *mediastina antica dextra* immediate in *cavam superiorem* hiant.

Cum itaque hæ venæ omnes in superiorem cavam suam tandem effundant sanguinem, utique patescit, & eam esse deplendam, ne sanguis tam copiose ut ante, & violenter in cor, atque ex illo in artē-
rias

rias præstructas ruat, proin & eo ipso sanguis arteriosus minuatur simul, ne amplius in oppilationem φλεμονωθῆν tam violenter sævire queat: ab altera parte, per venas ipsas materia stagnans, cruore subfidente vel potius segnius refluyente, quod varices hic locorum repertæ manifesto indicant (β), educto, spatium acquirat & libertatem locum mutandi, quod communiter nomine resorptionis intelligitur & hæc sunt, quæ nostra derivatoria venæ sectione fiunt atque accidunt.

Enim vero, ut hoc, quoad ejus fieri potest, citissime obtineatur, brachii venæ, tum propter ligationis negotium, tum etiam ob nexum propiorem & viciniam, quam cum vena cava superiori atque ab hinc dependentibus subclaviis & axillariis gerunt, ad aperiendum quam commodissimæprehenduntur.

Seligitur autem præ cæteris ad secandum vena mediana, facilis ut plurimum inventu, exantlatione cujus, duabus venis brachialibus simul, cephalicæ nimirum majoris & basilicæ demitur affluxus, utpote in quas sese effundit, & quæ postmo-

(β) Confer Hambergeri Diff. a nobis aliquoties excitatam §. 37, 38. Fig. 1. Et celeb. Lancisium l. c.

modum in axillarem, ex hac in subclaviam & deinde cavam superiorem ascendant atque terminantur.

Demonstravimus nunc viam atque modum resorptionis in venis huc spectantibus, generalem, qui etiam, quoad ἀξυγῶν, mammariam internam & mediastinam anticam dextram, quæ tres, ut supra innuimus, venam cavam superiorem eodem modo ac subclaviæ, immediate intrant, sufficeret: At, cum & reliquarum a nobis ante adductarum venarum plexus non solum hic concurrant, sed & priorum plexubus mire irretiantur & intertexantur, demonstrabo & harum specialem exantlationem & quidem per medianæ affecti lateris depletionem optime præstandam.

Paulo ante dictum est duas in axillarem dextram hiare venas, thoracicam nimirum inferiorem, quod repeto, & subscapularem internam: nunc ergo, si hæ duæ in plexubus suarum anastomosium cum anastomosibus ἀξυγῶν venæ, vel etiam in propriis cum suis arteriis plexubus, utcunque sit, ἐμφορξίν aut oppilationem φλεβμονωδῶν patiantur, medianæ ejusdem lateris incisione exantlamus harum amborum venarum communem simul & proximum

num alveum, qui est, præmemorata axillaris vena, quo ipso dein & thoracica inferior & subscapularis interna spatium inveniant exonerandi se liberius.

OBSERVATIO I.

„ Exinde nobis explicatur phænomenon illud salubre & boni ominis, quando nimirum pleuritis vaga fit atque ascendit e pectore scapulam versus, quo edocemur *ἐμφορξίν* è vena *ἀξυρῆ* in anastomoses venæ thoracicæ inferioris, quæ hic locorum residet & magis exteriora, dorsum & scapulam versus inclinat, itidem ac subscapularis internæ cum hac & intercostalibus conspirantis, recessisse, neque multum abesse, ut in breves harum venarum trunculos ampliores, perque easdem in axillarem, (per medianam jam depletam) ampliorem prioribus & ad recipiendum longe commodiorem, materies hæc invisa præcipitetur.

„ Quod etiam de plexibus harum duarum venarum, siquando ipsi obstructiōnem quandam paterentur, atque in eis pleuritis nata esset, intellectum volumus.

OBSERVATIO II.

„ Ex ea venæ thoracicæ inferioris di-
 „ rectione elucescit etiam, qui fiat, ut
 „ pleuritis in abscessum sub axillis pro-
 „ rumpentem nonnunquam desinat, quan-
 „ doquidem hæc vena non solum ad mu-
 „ sculos subscapularem, rotundum majo-
 „ rem & minorem, infraspinatum, spi-
 „ nosum dorsi magnum, pectoralem ma-
 „ jorem, sed etiam ad glandulas axillares
 „ ramos spargat notabiles. ”

Porro, in sinistram subclaviam inter-
 costales ejus lateris superiores, mamma-
 riam internam sinistram, venamque bron-
 chialem & mediastinam anticam sinistram
 sese effundere: neque minus in eandem
 axillarem, eandem quoque thoracicam in-
 feriolem cum scapulari interna intrare, o-
 stendimus. Quodsi ergo latus sinistrum
 patitur, inque harum venarum anastomo-
 sibus oppilatio φλεγματώδης delitescat, intuitu
 depletionis & resorptionis citioris par ratio
 erit, ac in dextri ante adducti vasorum,
 nimirum medianæ hujus, adeoque & af-
 fecti lateris, propter subclaviæ & axillaris
 viciniam propiorem, depletionem, quæ, cum
 vere καὶ ἔξιν fiat, non potest non celerius
 lon-

longe, quam ex opposito latere, spatium
resorbendi procurari atque obtineri.

SCHOLION I.

„ In anastomosis mammariarum in-
„ ternarum pleuriticam quandoque deponi
„ materiem quidam dubitarunt, dum
„ singulam earum duplicem, externam
„ puta & internam, multis modis sibi in-
„ vicem & quidem anastomosis, ut
„ notum est, parallelis, brevissimis, iis-
„ demque cylindraceis non conicis, cor-
„ respondentes perhibent atque ex eo fun-
„ damento sic argumentantur:

„ Si verum est *ἐμφορξιν* pleuritidem crean-
„ tem in plexibus harum anastomosisum hæ-
„ rere; sequitur, pleuritidem *ὑποσηματωδην*
„ frequentissime ab interioribus exteriora ver-
„ sus (convenienti regimine) duci, cum re-
„ sorptio ab intra ad extra per ejusmodi bre-
„ vissimas anastomoses longe facilius succe-
„ deret: sed, falsum est posterius ergo &
„ prius.

„ At enim vero, respondemus negan-
„ do consequentiam, non enim video,
„ quomodo adversarius remoto consequen-
„ te & antecedens removeri sibi persua-
„ dere queat, quum multæ aliæ prostent

rationes, quo minus metastasis ejus generis accidere queat : mares enim si conspiciamur, tam notabiles & copiosas utriusque mammariarum anastomoses, quæ grumosas ejusmodi congelationes facile arriperent aut admitterent, minime fovent, siquidem talis ad mammas affluxus, ut in fœminis est, in eis non celebratur: deinde compages mammarum glandulosa, ejus generis materiem non facile recipit, & si receperit, quod tamen raro succedit, scirrhum potius quam apostema ob mechanismum partis & crasin materiæ inertioris, est actura. Fœminas si contemplamur, hæ, quanquam ampliora ut plurimum & recipiendo magis apta hic loci gerant vasa, tamen evitant ejus generis metastasin eo magis, quo frequentius, pectus liberiori ostendunt atque exponunt aëri, qui stringendo poros, materiem adventantem potius retrocedere & pristinum in nidum se recipere cogit, quando & insuper calor intra pectoris clibanum tepidus, cordisque ipsius, omnis caloris fontis, vicinia, vasorum internorum diametrum largiorem semper sustentans, eandem ad interiora continuo invitat. Si
,, au-

„ autem hæc non rite adsint, certo cer-
„ tius ad glandulas abibit, easdemque
„ obsidendo successu temporis scirrhum,
„ pro constitutione subjecti, nunc se-
„ rius, nunc ocysus, in cancrum fu-
„ nestum desinentem, generabit. Inde
„ & est, quod istiusmodi scirrhos & can-
„ cros occultos in foeminis nullam un-
„ quam lactationem neque ad mammas
„ affluxum, aut violentiam externam,
„ ictum puta vel casum circa eas passis,
„ sponte fieri, atque tali funesta metastasi
„ gigni, nonnunquam observetur.

„ Interim abscessus in foeminarum mam-
„ mis, non obstantibus omnibus jam ad-
„ ductis rationibus, sat notabiles & va-
„ stos sæpenumero oriri non nescimus:
„ At enim, quum non ex pleuritica ma-
„ terie suapte natura inertis atque tenaci,
„ sed lacte stagnante putridoque ob salia
„ propria & laxiorem essentialium co-
„ hæsiōem ad feliciorem celeriolemque
„ coctionem & maturationem apto nato,
„ proin & aliquales aëris injurias facilius
„ superante, suas ducant natales, huc
„ nullatenus trahendi sunt, quoniam ob
„ diversitatem craseos materiæ peccantis
„ nihil probant.”

„ Non inepte autem quæri hic possit,

„ qui fiat, ut pleuriticæ materiæ metastasis ad glandulas axillares facta non scirrhum (ut in mammariis fieri perhibuimus,) sed abscessum agat, quum tamen hæ glandulæ ejusdem sint structuræ & fabricæ ac mammariæ?

„ Verum enim vero objectione ipsa assertum nostrum probari stabilisque potius quam debilitari, nemo non videt: Posito enim, sed non concessio, axillares glandulas, ejusdem esse mechanismi quam mammarias, licet longe alio usui prorsusque diversæ secretioni dicatæ sint; nihilo tamen secius illas cum omnibus copiosis circa se occurrentibus vasis, tam per structuram partium ipsius, quam per amictum, quo utimur, ab aëris injuriis muniri magis defendique præ mammariis, atque sic, calore externo eas partes indefinenter ambiente foventeque, inertiores istiusmodi & viscidiores materiem ad resolutionem & eliminationem subeundam disponi magis quam impediri in aperto luceque clarius est.

„ Eam ob causam quoque parotides atque labiales glandulas frequentius longe axillaribus scirrhum contrahere animadvertimus, siquidem hæ non nisi per

„ con-

„ contagium & quidem a cancro mam-
 „ marum vicino, quod alia est ratio, di-
 „ ram hanc labem incurrant.

„ Sedem igitur mali hujus in interna-
 „ rum mammariarum quandoque delite-
 „ scere anastomosibus, præter duos casus
 „ mihi notos, docuerunt quoque *Hippo-*
 „ *crates* (γ), *Aëtius* (δ), *Gabriel Fallo-*
 „ *pius* (ϵ), *Heurnius* (ζ) quin & *Do-*
 „ *læus* (η), locuples auctor, qui, exper-
 „ tus nempe loquitur, juvenem octode-
 „ cim annorum, pleuriticum factum, do-
 „ lorem obscurum sub mamma sinistra,
 „ versus hypochondrium vergentem, sen-
 „ tire observavit, eundemque die subse-
 „ quenti auctiorem & lancinantem cum
 „ tussicula, ut solet, & febre ægrum ve-
 „ xantibus, donec sanguinem expuerit,
 „ claris recenset verbis: Item & *Lazarus*

„ *Ri-*

(γ) Lib. de vict. rat. in morb. acut. II. aph. X.
 It. Lib. IV. aph. LXXIII.

(δ) Tetrabibl. II. Serm. IV. cap. LXVIII. mox
 in limine.

(ϵ) Tr. de medicam. simpl. purgant. pag. 9.
 Francos. 1600.

(ζ) De morbis pectoris cap. II. pag. 42. Edit.
 sæpius citata.

(η) Encyclopæd. med. dogm. Lib. II. pag. 301,
 302.

74 *Pars II. De Venæ sectione*

„ *Riverius* (9), de loco seu situ pleuritici
 „ doloris differens, ait: *nonnunquam ma-*
 „ *gis versus anteriora vergit*; *Boerha-*
 „ *vius* (ι) quoque & *Illustr. Sviete-*
 „ *nii* (κ), cum aliis excellentissimis vi-
 „ ris hæcce loca non immunia & obser-
 „ varunt & pronunciarunt: Præter hæc
 „ etiam quomodo pleuritis vagans facta
 „ ad claviculas interdum ascendere pos-
 „ sit (λ), ex horum vasorum tractu clare
 „ patet.

S C H O L I O N II.

„ In anastomosis mediastinarum an-
 „ ticarum non minus fieri, auctor est
 „ *Avenzoar* (μ), *Nicolaus Massa Vene-*
 „ *tus* (ν), *Bonetus* (ξ), *Cæsalpinus* (ο),
 „ *Za-*

(9) *Prax. med. Lib. VII. cap. II. pag. 428.*

(ι) *Aph. 877.*

(κ) *Tom. III. Comment. ad prædict. aph.*

(λ) Confer *Hippocratem* loc. cit. Item *Aëtium*
 loc. cit.

(μ) *Lib. I. Theizis Tract. XVI. cap. VI.*

(ν) *Introduct. anat. fol. 50. Venet. 1536.*

(ξ) *Sepulcreto anat. T. I. Lib. II. Sect. IV. obs. 2.*
Genevæ 1679.

(ο) *Art. med. speculo Lib. VI. de morbis tho-*
raxis cap. I. Francof. 1605.

„ *Zacutus Lusitanus* (π), *Heurnius* (ρ),
 „ *Boerhavius* (σ), *Svietenius* (τ), *De*
 „ *Gorter* (ϕ), aliique præstantissimi. Nec
 „ obstat doloris exquisitioris atque tam ve-
 „ hementer quam in pleuritide lancinantis
 „ absentia, quo minus & mediastini in-
 „ flammatio pleuritidis nomen mereatur,
 „ quum in reliquis omnibus, & sympto-
 „ matibus, & signis, non modo cum
 „ pleuritide exacte conveniat, sed & ea-
 „ dem ratione curetur, ut Illustris *Svie-*
 „ *tenius* (χ) sedulo observavit. Nostrum
 „ interim non adeo interest, hincne an il-
 „ lic in latere affecto hæreat pleuritis,
 „ quando magis de resorptionis viis, per
 „ hæc loca & vasa, ex una plaga in al-
 „ teram parabilibus atque possibilibus non
 „ solum, verum & sæpenumero animad-
 „ versis, solliciti sumus.
 „ Contingit porro, ut in mediastinis po-
 „ sticis tale quid nascatur, hæ autem, quum
 „ in

(π) Op. T. I. Lib. II. Hist. 23. pag. 223. Lugd.
 1649.

(ρ) De morbis pectoris cap. II. pag. 29.

(σ) Aphor. superius allegato.

(τ) Tom. III. Comment. ad hunc locum.

(ϕ) Prax. med. Syst. Tom. II. Libr. III. 335.

(χ) Tom. III. Comment. ad aph. 913.

„ in intercostales ἀξον intrantes, suum
 „ fundant sanguinem, parem cum hac
 „ indicationem pariunt (↓).

„ Nunc videamus quæ in arteriis ac-
 „ cidunt: regrediamur ergo atque inci-
 „ piamus ab arteria principali & proxime
 „ imperante, quæ venæ medianæ sangui-
 „ nem urget ac pellit, nimirum arteria
 „ subclavia, cujus sanguis in axillarem ar-
 „ teriam & posthac in brachialem atque
 „ ex hac in cubitæam & radiæam tunc
 „ temporis debachatur.”

Cum ergo sanguis hic ex arteria sub-
 clavia proveniat, & ea, si affecti lateris
 est, resistantiam æque patiatur, vel per
quatuor superiores intercostales arteriolas (si
 ex ea procedant) vel *mammariam inter-*
nam arteriam; vel *mediastinam*, ex hac
 prodeuntem; vel *bronchiale* ex interco-
 stali superiori interdum, nec non oeso-
 phagea protensam; *mediastinam posticam*
 ex intercostalibus genitam: vel, quando
 in axillarem mutatur, per *arteriam thora-*
cicam inferiorem; *scapularem internam*, si
 in

(↓) Nonnunquam in his oppilationem φλεβο-
 νόδον nasci, annotavit *Hippocrates* de morbis Libr.
 III. cap. XV. Charter. ubi de pleuritide dorsali lo-
 quitur.

in harum plexubus ἐμφορξίς hæreat : utpote quas omnes in & per pleuræ substantiam mittit; utique sanguis ejus non tam violenter amplius, in harum arteriarum resistantiam & ἐμφορξιν φλεμονωδην urgebit, præcipue cum simul etiam in venis anastomosi junctis, largior sui sanguinis in-sorptio, per aliam viam, nimirum, ramos venarum majores, producat.

Eo ipso igitur, dum sanguis per medianæ sectionem educitur, arteria prædicta subclavia momento depletur, proindeque omnes septem prædictas arterias, quæcunque demum earum resistantiam patiatur, non amplius urget.

Hæc sunt, quæ in arteriis affecti lateris mediante venæ sectione in eodem instituta, fiunt atque accidunt.

SCHOLIION I.

„ Quibus sane Arabum eorumque as-
 „ seclarum metus, quod nempe sanguis,
 „ exantlatione in loco affecto instituta,
 „ ad eum violentius rueret & inflamma-
 „ tionem augeret, plane tollitur; quan-
 „ do notissimum est, venæ sectione tali
 „ una opera duo obtineri, quum *refluxu*
 „ sanguinis e venis violentiori hac ipsa
 „ ci-

„ cicurato , etiam *fluxus* ejusdem in arte-
 „ rias sæviens mitigetur.

S C H O L I O N II.

„ Patet porro , contra promiscuæ ve-
 „ næ sectionis fautores , educatione san-
 „ guinis e venis aræ affectæ proximis ,
 „ obicem stagnantem commodius imo ci-
 „ tius in earum trunculos divergentes ir-
 „ ruere , atque spatium procedendi &
 „ locum mutandi acquirere , quod resor-
 „ beri dicitur : cui accedit modo dicta ,
 „ in arteriarum apicibus propter affluxum
 „ sanguinis imminutum , atque ob id so-
 „ brius leniusque quam antea in ἐμφορξιν
 „ φλεμονωδην urgentem allidentemque, spa-
 „ smi , obicis ejusmodi causæ secunda-
 „ riæ , remissio , utpote quæ ad commo-
 „ diorem liberiolemque transitum pari-
 „ ter suam symbolam confert.

Si ergo venas , & quidem ratione trun-
 ci communis , in quem suum fundunt san-
 guinem , intueamur propius , respectu ve-
 næ ἀζυγῆ atque in eam desinentium media-
 stinarum posticarum , mammariæ dextræ in-
 ternæ itidem ac bronchialis dextræ , inge-
 nue fateor , idem esse , idem effici , venam
 cavam superiorem , hæc venas imme-
 diate

diate recipientem, sive per dextram, sive sinistram depleas subclaviam adeoque & nihil obstare, quo minus æque in opposito ac affecto instituatur venæ sectio latere; quod, quo perspicuitati consulatur, sequenti sistam syllogismo categorico:

Quæcunque vena, unicus truncus geminorum crurum est, ea, eandem depletionem sive per dextrum, sive per sinistrum crus instituatur, experitur:

A. Vena cava superior unicus truncus geminorum crurum est.

E. Eandem depletionem, sive per dextrum, sive sinistrum crus institutam, experitur.

Nunc ideam rei sequens porisma red-det completam:

Quæcunque itaque vena in cavæ superioris truncum immediate hiat, ea idem spatium se exonerandi, proinde etiam in suis anastomosis resorbendi indipiscitur, sive per dextrum, sive sinistrum crus, cava superior depleatur.

A. Ἀσσυζ vena cum mediastinis posticis, mammaria interna dextra & bronchiali dextra immediate in eundem hiant.

E. Idem spatium se exonerandi, & per anastomoses resorbendi indipiscuntur.

Et intuitu harum quatuor venarum recte
sen-

sentierunt *Willisus*, *Ettmullerus*, *Langius* aliique, quando venæ sectionem quoad latus dextrum vel sinistrum, promiscuam venditarunt.

At *contrarium* asserere cogimur ob reliquas in pleura occurrentes venas, venæque cavæ superioris truncum non immediate (ut priores) intrantes, sed potius loco venæ medianæ ejus lateris propiori, subclavia nempe & axillari vena suum sanguinem deponentes: quarum in dextro numeravimus latere duas, in sinistro, sex: si ergo una earum, vel etiam omnes, (quod fieri potest) oppilationem *Φλεβμονωδην* ante plexus anastomosium suarum cum arteriis patiantur, necessario etiam requiritur, ut suæ propriæ subclaviæ & axillaris depletionem exantlentur, quod sequenti constat ratiocinio:

Quæcunque vena gemina, nimirum dextra vel sinistra est, earum singula commodius & citius depletur, si in dextro vel sinistro latere (intuitu nostri totius corporis intelligendum) inciditur.

A. *Venæ axillares & subclaviæ sunt geminæ dextræ nimirum atque sinistræ.*

E. *Dextra vel sinistra, (pro latere affecto) si commodius & citius depleri debeant, incidendæ.*

P O R I S M A.

Quæcunque itaque vena in axillarem dextram hiat, ea, depletione hujus spatium se exonerandi & per anastomoses suas resorbendi commodius & citius obtinet.

A. Vena thoracica inferior dextra quomodo & scapularis interna in axillarem dextram hiant.

E. Et hujus depletione spatium se exonerandi & per anastomoses resorbendi commodius & citius obtinent.

Hæc de latere dextro: sinistrum quando in censum venit, plures (ut ante innuimus,) adhuc ostendit venas in partiales truncos hiantes atque ob id venæ sectionem partialem indicantes, nimirum in axillarem duas, thoracicam inferiorem & scapularem internam: in subclaviam quatuor: intercostales nempe superiores. mammariam internam, bronchiale & mediastinam anticam sinistram.

Cum autem ad lectum ægroti accedentes, utrum $\mu\phi\alpha\gamma\gamma\iota\varsigma$ pleuritica absolute ante anastomoses venæ $\alpha\gamma\gamma\iota\varsigma$, vel mammariæ internæ aut bronchialis hæreat: an potius in anastomoses reliquarum antedictarum in & per pleuræ substantiam excur-

currentium venarum inclinet, indubitanter noscere nec liceat neque necessum sit, satius omnino convenientiusque actum esse, si certum incerto præferendo latus affectum in sectione venæ medianæ seligamus, plane constat.


Prouti ergo in porismate priori *arbitrarium* erat, oppositum an affectum eligas latus, quod utriusque venarum medianarum depletio eandem in juvando præstabat celeritatem; sic in posteriori *necessarium* est affectum optare latus, ejusdemque venæ medianæ depletionem tantum speratum effectum, hoc est, citum levamen sequi, nihil etiam obstare, quominus & in *priori arbitrario casu* expresso, *affectum latus eligendum* declaretur, nemo non videt.

Consektarium generale.

Ex hac theoria igitur in universum valet, pleuritidem veram omnem, si hæreat præ anastomosibus venarum intercostalium ex vena ἀξυγῶ & subclavia sinistra prodeuntium cum arteriis intercostalibus connexarum; siue etiam hæreat
ante

ante anastomoses venarum mammariarum internarum, thoracicarum inferiorum, scapularium internarum; sive denique delitescat hæsitetque ante anastomoses bronchialium, mediastinarum anticearum & posticearum, cum eorum oppositis arteriis, aut etiam aliis, (ut fit, nam vena quævis non semper unice atque solum cum sua propria & sibi opposita communicat & coit arteria, quin etiam cum aliis vicinis lenocinetur) communicantes, per depletionem venæ subclaviæ atque in eam desinentis axillaris affecti lateris, tolli ocyus, quod, venæ præ anastomosis suis ἐμφορξίν pleuriticam patientes, subclaviarum & axillarium suarum, ceu, sibi propriarum depletionem experiantur citius, adeoque ἐμφορξίν aut oppilationem φλεβμονωδην resorbeant celerius, in quocunque demum recensitorum vasorum plexu ἀναστομωτικῷ hæreat.





CAPUT IV.

*Ea, quæ ratione constare
vidimus, experientia
probans.*

HACTENUS exposita autem ratione non modo, sed & experientia constare, imo &, non minus quotidiano usu id observantibus ac præterita secula intuentibus inclaruisse, ostendere, animum induximus.

Maximum igitur enarrationis nostræ patrociniū hinc ordiemur, quod *Galenus* quoque pronunciavit & sanxit his verbis.

Pleuriticis, quæ è directo laborantis lateris adhiberi solet sanguinis missio, clarissimam sæpe utilitatem attulit: quæ vero ex brachio opposito, aut omnino obscuram, aut post temporis intervallum (α). Et alio loco:

Por-

(α) Lib. experientia confirmatum præsagium cap. IV.

Porro, tam perspicuum, celereque remedium, quæ e directo affectis partibus venæ secantur adferunt, ut qui patiuntur, & familiares ipsorum sæpenumero obstupescant (β).

Præsentissimum adeoque & celerrimum in pleuritide venæsectionem derivatoriam, cæteris paribus, præstare auxilium præter alios & nosmetipsos plus simplici vice fuisse expertos, sequentes morborum casus a nobis observati atque collecti sunt ostensuri.



Producimus ergo in scenam juvenem generosum, athletici habitus, maximeque plethoricum, qui, equitationi operam navans, Sirio feruente vehementer & ad largissimum usque sudorem incalcescebat, potus deinde desiderio, cujus alioqui potens non erat, ingenti correptus, aliquot pocula Zythi maxime frigidi inconsulto ingurgitat, quam diætam horripilationes cum imbecillitate quadam & molestia pressò pede insequentes, nostrum, multo licet die, lectum petere co-

(β) De curandi rat. per sangu. miss. cap. XV.

cogunt, in quo, postquam somnum ceperrat, circa conticinium expergefactus, de febre, cum dolore sinistri lateris inter inspirandum acutissimo, conqueritur, mane accersor, & en, dolor cum æstu ingrebant in horas adeo, ut anxietate præcordiorum ingenti juxta oppressus, gemebundus opem meam imploraret, tantaque difficultate jam duceret spiritum, ut, haud enim vidi magis! pauco momento crediderim exspiraturum.

Protinus ergo adduci jubeo chirurgum quam proximum, cui advolanti ejusdem lateris medianam tundendam mōstro: foramine facto & quidem fat amplo, nihilo secius sanguis exitum recusabat, nec nisi motu brachii muscolari & frictionibus crebrioribus ægre fluebat: donec tandem $\frac{3}{4}$ collectæ essent. Sanguis detractus vix quartam partem feri ostendebat: postera luce regimine convenienti ordinato & remediis internis congruis adhibitis, malum claviculam petebat, tertia, ægrum mediocriter afficiebat, quarto die & quinto urinam turbidam albida hypostasi præditam habuit & levamen insigne sentiit, seseque ab interitu vindicatum prædicavit. Febris deinde evanuit penitus & dolor indies mitescens eum me-

melius se habere sivit, quoad usque decimo quarto sole prorsus liberatum se esse, & mihi & amicis fassus est. Excipit hunc



Virgo luculenta & præclara virtute & factis, a vitrico, dum viveret urso, identidem offensa, aliquando contumeliis ejusdem extreme stomachata in leucophlegmatiam, & non porro abhinc refrigerium passa, in pleuritidem incidit sat atrocem. Adducunt medicum quendam moleste sedulum, qui, cum triduum continuum currendo potius quam curando consumserat, & præter *syrupum de Erysimi Lobelii* & *spiritum theriacalem* nihil exhibendum noverat, matrem adegit & filiam ut alio se converterent: mittunt ergo ad me, consilium & auxilium efflagitantes: ut accedo, infirmam deprehendo extreme anxiam, inquietam, æstuantem, anhelantem, delirantem, noctes insomnes ducentem, animo deficientem, quid opus est verbis, graviter afflictam & moribundæ proximam.

Ubi ergo varia inquiero, & præsertim, cur non maturius me acceiverint, in-

E

di-

dignor, decumbentis mater, licet alias animosa satis, hic tamen animum vere despondens & prioris medici artem inertem gemebunda deplorans, fecit mihi ex proclivo palam omnem rem, opere meorans maxumo, ut, si fieri possit, lubeat maturare levamen. Interim, dum ego mihi consilia in animum convoco, & dum consulo quid agam, catamenia virgini largiter adesse, juxta nunciant; quod ideo primum aures perculit in errorisque suspicionem animum pepulit, quod nullum hætenus solatium, intuitu inflammationis, secum adduxerint: præter hæc etiam purpuræ in pectore & brachiis prodromi una cum obstrukctione alvi pertinacissima luctum integrabant. Plethorica quidem erat atque haud annos nata præter viginti & quatuor, at venam quæso, quis excors hic secaret? Interea loci, dum de remediis internis cogitare incipio, primulum convenienti laxante diapnoico ventrem levavi: quo facto versus vesperam resolvens diapnoicum sumendo tantisper opportune habuit, dum, vix fando auditum! terrore ingenti ob incendium prope ortum ita percutitur, ut omnia rursus turbarentur atque ex statu pejori in pessimum ruerent, nam catamenia actutum
cessa-

cessabant, cui infortunio se jungebat quoque refrigerium, quod, cum in aliam & quidem remotam domum, lectica quantumvis munita exportaretur, sufferre cogebatur. Quare purpura vix horæ quadrantem foris extans illico ocysissimeque introfugiebat pectoris aggravationem oppido quam adaugens.

Ego sane in tanta rerum turba & periculo, ubi unum adversus alterum pugnat, quam viam insisterem errare occœpi, interim tempus maximum erat, pulsus ob animi pathema nihil indicabat, metus tamen suffocationis & ineffabilis pectoris oppressionis usque adeo urgebant, ut, aut vincendum aut moriendum esse, certo scirem: quare impendi curam, ut prius diluentibus atque diapnoicis, (quæ regimini apto juncta, certo respectu in diuretica & emenagoga cedere possunt) amissa restituerentur, omnia extra officere valentia sedulo removeri monens; venæsectionem interim in vespertinum tempus, & donec hæ consulescerent turbæ, prolatandam putavi: cum autem ad præstitutum tempus nihil eorum compareret, nec etiam spes comparendi affulgeret, circa solis occasum venæ sectionem derivatoriam ad uncias octo & quod excurrit suasi,

eaque facta, remediis congruis eidem ad noctem prospexi & bonum animum habere jussi: mane, dum ad eam reviseram, febrem plane aufugisse & urinam maxime hypostaticam observabam, quæ duo levaminis notabilis sensus, quoad respirationis negotium imprimis, sequebatur, eam quoque circa gallicinium paulisper quievisse referebant. Postridie ejus diei, de dolore obtuso, quin & pondere in latere laborante quærebatur, sudorem fere nullum, neque *ἀνανάθασιν* passa: Magis ergo mihi curæ erat, magisque afformidabam, ne abscessum aut vomicam, hei nullis medicabilem herbis! ageret, institi adeoque diureticis & stimulantibus usque quo expectorationem moliri cernerem, cum autem nycthemero elapso nihil sequeretur, malum etiam perstaret, quid opus sit facto, meditabar cogitare; diluentia ergo prioribus remediis strenue jungo & quidem calefacta, beneficio quorum scopum exacte tangebam, sequebatur enim prius gravedinis species, mox tussiculæ cum rejectionibus purulentis, cruentatis, ponderis sensu, alioqui mihi valde suspecti & sinistri ominis, parumper intermittente; Inter hæc, quum appetitus etiam se annunciaret, diætam convenientem,

tem , ne mihi moræ sit in sanando , sedulo præcepi , cujus ad consilii utilitatem cognoscendam , quum mater æque ac filia omnem haberent aciem , ambæ etiam festivam mihi præbuere operam & quam facile sit imperium in bonis , obsequio prorsus singulari abunde testabantur , quo factum est , ut quinum dierum tractu , propositum processerit lepide ex sententia , & negotium omne successerit sub manus , pectore enim penitus levato , suavis eandem somnus identidem obrepens , mentis vigorem pristinum & alacritatem , qua adeo valeret , reducebat , donec tandem sanitatem plenariam faustissime reportavit.





Juvenis literatus cholericus-melancholicus *ὑπόχολος*, robustus, cæteroquin admodum diligens & solers subjectum, vitæ sedentariæ nimium quantum indulgens, hypochondriaci mali prodromos persentiscit, quibus tanquam antidotum efficacissimam motum & potum (quod dicunt) opponere autumat : potat ergo & currit, veluti cervus, per proxima sibi patentia prata & nemora, usque dum in pleuritidem incurrit & abhinc maximum in malum cruciatumque insilit ; tum sponte abstinens & lectum excursionibus tam enormibus nolens volens præferens non sine *ἄννοιᾳ* metu, anhelans in eum se recepit, ex hac scylla quantocyus eripi se anxie avidæque desiderans : adstantes suæ fortis miserti, forte fortuna grandævum & eruditionis prope singularis adducunt medicum, qui, omnibus & subjectum & morbum attinentibus prudenter exploratis atque examinatis, nihil moratus venam affecti lateris incidendam, chirurgus adducto injungit, quo factò, interne adhibitis accommodatis medicamentibus, violentiam morbi non tantum præclare inhibuit, sed &

& penitus profligavit, adeo, ut duodecima die ex decumbente orthostadicum fecerit.



Juvenis alius nobilis, valde plethoricus, viginti circiter annorum, tempore autumnali valde humido, quod substillum vocant, nocte frigida simul existente, plaustro aperto peregrinans, pleuritidem enormem sibi contrahit, cui, cum forte præsto essem, & omnia examinassam, quanquam tertius ab invasione immineret dies, medianam afflicti lateris e vestigio aperiri jussi, quo facto, nocte insequente, melius habere cœpit, & paucis post diebus, regimine & remediis instructus, pilento, melius contra aëris injurias munito, iter continuavit; unde post aliquot menses redux, sanitatis recuperatæ nuncium ipse præstitit.





Virgo honesta, æquæva, sanguineo-melancholico temperamento prædita, plethorica, menses nec dum passa, *ἐνσπασμα* & asthmatica, vita sedentaria assueta, cæteroquin & lypothymiis tantum non obnoxia, derepente incidit in pleuritidem: ego miseram accedens & omnia exquisite perscrutans, genam adeo affecti lateris ex cæruleo rubentem observavi, id enim tanto luculentius in hoc se manifestabat subiecto, quanto magis a natura, alioquin ipsi haud noverca, vultu egregie florido, &, si colori credendum, sanitatem ipsam referente, donata erat: rebus adeoque sic stantibus, venam medianam lævi lateris, id enim laborabat, actutum incidi jussi, sanguinemque sat larga copia, non tamen ad syncopen usque, quod lethiferum esse, illustriores diligentissime exploratum habuere (γ), detraxi; nec interne remedi-

(γ) *Aëtius* tetrabibl. II. Serm. IV. cap. LXVIII.
Aretæus de cur. acut. morbor. L. I. cap. X. pag. 90.
Quamvis Galenus Comm. I. in aph. Hipp. (Charter.
 T. IX.

diis salutiferis, id est, tam subiecto quam morbo convenientibus, subvenire feria-
bar, donec duodecimo sole, qui sane pa-
rentibus dies festus & faustus illuxit, se
penitus convaluisse ipsa dicebat.



Uxor mercatoris cujusdam honesta,
sanguineo-melancholica, habitu corporis
sat robusto, vitam degens otiosam, præ-
ter *ἐμπλα* & *ἐχρυσ*, quippe quibus ab-
unde vescebatur, vino etiam non nihil
indulgens, mensibus interim non rite,
nec sine molestia procedentibus, a refri-
gerio & quidem post iram, incidit in
pleuritidem fatis atrocem, cui exhibito
prius

T. IX. pag. 40.) & de cur. rat. per venæ sect. cap.
XII. (Chart. T. X. pag. 441, 442.) ad animi deli-
quium usque institui jusserit, aliique, ut *Boerba-*
vius, aph. 890. Illustris *Svietenius* ad aph. 610. &
890. eum secuti sint, id tamen non promiscue in-
tellectum voluere, quando secundum *Hippocratem*
aph. II. Sect. I. ubique attendendum sit ad regio-
nem, ad tempus, ad clima, ad sexum, ad æta-
tem, & reliqua.

prius laxante lenissimo, venam affecti lateris, tertia quamvis ab invasione die, aperiri curavi, ubi unciiis quindecim eductis, quinta die eventus felix, expectorationibus pituitosis & purulentis sat copiosis cum *εἰσφορία* insequenti se manifestabat, quibus, ad octavum & nonum usque diem continuantibus, appetitus & vires revertentes sanitatem plenariam haud procul abesse designabant.



Mercator quidam cholerico sanguinea temperie gaudens, & in ætatis flore constitutus, mense Majo, curam lactis ob purpuram scorbuticam, qua sæpius infestabatur, a medico sibi ordinatam suscipit; cum autem in dosi præter modum excedit, &, ut fit, *quando in nimio spem ponimus*, integra paropside per plures hebdomadas haurit, primo gravari corpus, & non porro abhinc horrorem insignem, quem, ne quid malorum desit, dolor lancinans etiam atrocissimus inter respirandum præcipue comitabatur, persentiscit, æstu non adeo, quamvis eo

non careret, vexabatur: Inter hæc obtrudit se nescio quis idiota, venator, homo impudens & stercoreus, vix diurno quæstu propulsans famen, ob id tamen a plurimis æstimatus, qui *sympatheticis*, (artes, vanissimi ut æstimare licet generis,) malum intra duodecim horas facili negotio & levissimis impensis, (quod inprimis ægro arridebat,) se curaturum promittit: at, cum nihil levaminis sequeretur, imo potius malum pedepresum & in horas ingrueret, advocor ego, & quia venæ sectionem, ob tempus jam præterlapsum, exacte indicari non observarem, exhibebam prius laxans lenissimum, quod, ubi ex voto operatum erat, attenuantia cum incidentibus quomodo & lenibus diapnoicis juncta, excipiebant, quibus per duos dies continuatis, cum malum nihilofecius ingrueret, nullum etiam signum procriticum compareret, venam medianam sinistri lateris, id enim affligebatur, incidendam suasi, ubi sanguine toto fere albicante & crustam inflammatoriam affatim ostendente ad uncias octo circiter educto, malum paulisper remittebat: institi adeoque remediis accommodatis ad octavam usque diem, qua morbus ob ingentem

crudelitatem copiam recrudit iterum, adeo, ut nona die in peripneumoniam transfiret tam atrocem, ut animam ageret. Nulla hæctenus illuxerat crisis, perlucidum ac tenue lotium, sudor minus sufficiens, tussicula sine sputo, nullum denique signum tumoris foras erupturi, nona dies, hæc omnia mihi minus minusque placebant, ut, ingenue fateor, nemo magis sollicitudinem meam in se converterit, quam is ipse.

Attamen, cum omnia in pejus ruere maxime viderentur, & ego, aut crisin aut mortem instare certo scirem, naturam laxante, quod per *integrum* operabatur, de nocte levavi, quo decima luce parumper melius habebat, versus noctem vero (δ), quum immanis iste morbus iterum enormiter recurreret, de novo, laxans meum, paulo aliter tamen compositum, & ad sanguinis diathesin tenacem magis accommodatum exhibui, & en! undecima die meridiem versus sputo copiosissimo sanguinolento & purulento malum solvebatur: quam crisin, quum
ad

(δ) Quod jam olim *Theodorus Priscianus* observavit Libr. II. cap. IV. It. *Hollerius*, locuples auctor, de morbis internis Lib. I. Lugd. Bat. 1578.

ad decimam quartam diem duraverat , tumor etiam , sub axilla (ε) lateris ante afflicti ingens , magnitudine ovum æquans , excepit , qui , quo nihil aliud miratus sum magis ! intra tredecim ab eruptione horas , citra omnem inflammationem , tensionem aut dolorem , perfecte maturatus , & , cum æger brachium forte ageret , sponte etiam ruptus , pus albidum , coctum , spissum , copiosum , plorabat , nec posthæc , quanquam aperituræ sedulo prospexerim , quicquam exhibuit , sed potius squamatim abscedendo evanuit : quo facto , æger , fausto profecto fidere natus , feliciter evasit.

Vi.

(•) Confer cap. III. hujus partis observationem II.





Vidua juvenis, maxime plethorica, vitæ sedentariæ addicta, & potum caffèemirum quantum deamans, autumnali tempore refrigerium passa, noctu pleuritide corripitur, quo malo tanto vehementius perterrefacta, quo minus eidem unquam obnoxia aut usquam gentium tale quid conspicata fuerat, medicum quam proximum accersiri ardentius concupiscebatur, qui omnibus attente & circumspecte exploratis, ad venæ sectionem derivatoriam, quantum ejus fieri possit, prope-randum esse monebat, siquidem menses, licet æstus insignis urgeret, non proruperant; qua deinde peracta, quod probe notandum, dolor claviculam & altera die post, scapulam dextram (quippe lateris affecti) petiit, posthæc penitus evanuit.





Poëta felix , juvenis adhuc , alacris & petulans admodum , nullum unquam morbum passus , vinum , quod suam panaceam identidem compellabat , ultra modum extollens & æstimans , aliquando inter epulas apud Mecænatem suum , cujus in domo æternum sibi cibum versibus suis se comparasse sæpius gloriabatur , vino , in multam noctem , ut fit , oneratus , eodemque probe madens , in hortum , qui ad domum erat , forte abit , ibique in loco remoto ac solitario , nemine eum attendente , pronus corrui & tanquam *Lucanus* in hortis , multo mero sepultus , alte obdormiscit : mane expergefactus , se vomuisse animadvertit , & sic , (sit venia dicto) ut *Epicuri* de grege porcus , probe spurcus , domum hospitis iterum intrat , ubi , quum vomitus enormiter recurrerent , ad dictam panaceam , quod jure mireris , denuo confugit : cujus vero aliquot haustus poëtici horrorem ingentem , quem dolor punctorius in latere dextro concomitabatur , sibi in-

incusserunt , adeo , ut quanto maximo cursu possent , domum se portari cupe-
ret ; quo cum devenerat , lectumque anxie
petierat , æstu corripitur tam intenso ,
ut extra sphæram vagans , tantopere , mi-
randum dictu ! versibus concinnis certa-
ret , ut etiam mihi , cum adstantibus
aliquot literatis sermones socianti , &
præcipue , qui ad suam panaceam , cu-
jus adversum effectum jam semel exper-
tus fuisset , denuo confugere potuisset ,
subinde obstupescenti , extemplo

Si nocturna tibi noceat potatio vini ,

Hoc tu mane bibas iterum & fuerit medicina

responderet ; ego sane , cum omnes qui
aderant fere emorirentur risu , mihi etiam
temperare non poteram , quin mirarer ,
quod in corradendis coacervandisque vini
laudibus , ne quidem scholæ salernitanæ
pepercerit ; interim , indicantibus omni-
bus exacte perspectis & perpenfis , venæ
sectionem in latere affecto celebrari de-
crevi , qua peracta , quum malum non-
dum remitteret , dedi huic erudite deli-
ranti consueta mea temperantia & resol-
ventia congruis aliis maritata , quibus ,
interpolatis etiam diluentibus cum sub-
jecto ,

jecto, tum morbo accomodatis, tam brevi convaluit, ut jam altera hebdomade pegasum iterum conscendere potuerit.



Miles gloriosus, πολυπολης & ferox, aliquando inter epulas multo incalescens mero, cuidam obloquenti & merita ejus ironice attingenti, eo usque succensebat, ut, ceu furiis agitatus, adversarium ense stricto infectans, in hortum proxime adjacentem rueret, ibique, dum nox non minus ac ira eum visu privarant, ense prædicto in stipitem quam proximum tanta incurrit vehementia, ut parum abesset, quin costam quartam dextri lateris, capitulo capuli concussam, fregisset: interim in terram (ante prælium adeo) extensus, sublevatur, & chirurgo, ex nobili castrensium genere, curandus committitur; qui, statim emplastris duplicatis & triplicatis contusioni impositis, (quippe, quid enim facilius?) rerum suarum se fategisse, firmiter persuasus, potatum abit: Sed, cum aliquot horas post, decumbens ægrius magna ex parte degeret, dolorem inter
re-

respirandum acerbè lancinantem allegans, denuo suum Aesculapium requirere jubet, qui, cum stultior stultissimo esset, ægroto propinat vomitorium, adjecta epicrifi, cruorem intra pectus extravasatum hoc ipso, (heu aniles ineptias!) explosum iri: commodum evenerat, ut noster, vomitorium vix deglutitum nauseabundus rejiceret, nec ullus præter hunc ad vomendum conatus amplius insequeretur, fecius enim præ cruciatibus interiisset brevi: mane me accersunt & quum omnia intelligerem, statim barbitonfori huic medianam laborantis lateris sine mora ferre jussi, qui, postquam annuerat, & quasi esset id quicquam mihi, consilium etiam approbaverat, mox manuum in secando & tundendo dexteritatem & promptitudinem, qua nempe, non inter chirurgos modo, sed inter illos quoque, quorum hæc sola virtus est, se excellere prædicabat, strenue ostensurus, ceu alter *Chiron* agere infit, & me jubente, uncias tredecim sanguinis emittit: quo peracto tertia luce melius habuit & exhibitis balsamicis resolventibus undecima die crisin per urinam est expertus.



Mercator triginta & quod excurrit annorum, sanguineus, vino sæpicule peccans, pleuritide ex refrigerio tentatus, medicum ex proximo accersiri jubet, revulsionis fautoribus impense adstipulantem; antequam autem huic obtemperat, abhorrebat enim venæ sectionem omnem, suasu cognati cujusdam, *aliū, perspicacis ingenii, spectatæ intelligentiæ & expertæ peritiæ medicum*, pro consilio, ut vocant, adduci poscit. Qui, cum ægroti statum cognoverat, *derivatoriam phlebotomiam* extemplo proponit, de eaque consilium, ut solemus, cum priori amicum init: At ille, albæ gallinæ filius, non perspicacis sed pervicacis ad omnia quæ agitaſſet animi, obstrepit & consilium salubre temere detrectat: *Alter*, posthabita omni hujus garrulitate, longam experientiam, ut veritatis optimum testem merito præferens contrarium demonstrat: &, cum alioqui excelsi & heroici animi vir esset, qui litigationes omnes, præsertim cum junioribus & stultis

tis

tis adolescentulis infra dignitatem suam existimabat, quæ ab imperito vel affirmarentur vel negarentur juxta æstimans, ad venæ sectionem *prædictam*, quum accurato properatoque opus sit, quanto-cyus festinandum esse edicit, eaque facta, quod posthæc sæpius miratus sum, æger protinus levamen insigne sentire & in horas melius habere cœpit, donec tandem remediis internis egregie operantibus, jam quinta die orthostadicus ad munera rediit.



Virgo honesta, vento sat aspero & injucundo flante, e templo domum pomeridiano tempore rediens, principio quidem nihil molesti sentit, adeo, ut etiam cum delectamento summo, cupedias varias abliguriens, cœnaret. Post illa, lectum petit altumque dormit; circa diluculum vero repente expergefacta & quasi exterrita, se in statu sibimet ignoto existentem persentiscit: somnum, cum amplius revocare non poterat, futuri ignara, secure omittebat. Die posthæc appetente,
&

& matre ad surgendum aliquoties exhortante :

jam clarum mane fenestras

Intrat, & angustas extendit lumine rimas (ζ).

nostra, erectura se cum esset, præ doloribus lancinantibus acerbissimis, semel, iterum, tertiumque recumbere cogitur, nec nisi furtim spiritus ducendi potens : Inter hæc mater dolores allegatos primo frivolas excusationes diverticulaque lectum deferere nesciæ habens, dum accederet propius æstumque conspicaretur atque sitim, quod ante futile crediderat nunc ferium existimare occœpit ; Injuriam itaque reprehensionibus & invectivis inutilibus ægrotæ suæ illatam, jusculo ex vino cum saccharo & aromatibus mangonizato, in deliciis olim habito, deletura, notabilem ejus quantitatem hauriendam offert : qua etiam exhausta vix horæ quadrante præterito, ægra horrorem ingentem cum æstu intermixto sentire atque in horas pejus habere : Mater anxia omnes consulit homines,

(ζ) *Perfius Sat. III.*

nes, donec tandem, (ut fit,) medicum accersi decernit. Dum autem ratione delectus, animi adhuc penderet, supervenit forte anus fœda, medelam, si modo sibi committeretur negotium, ipondens, Venia de hinc impetrata cœpit sterquilinum magmate tam pestiferi fœtoris affectum latus illinere, ut, tametsi balsamum (quidni balsamum?) esse assidue affirmaret, omnes tamen, sola strigosa lammia, amica luto sue, excepta, fugam nauseabundi capefferent: Imo, tres horas post, dum ægra furibundæ similem se gereret, ego accersitus, talem profecto olfeci mephitin, ut omnis stercoris quintam essentiam censerem; adeo putida venefica tantillum aëris puri, quo miseræ puellæ, per dolorum atrocitatem, vesci adhuc licebat, inficere studebat! Protinus ergo, decumbente a veneficæ detestandis sordibus, meo jussu lustrata & liberata, venæ sectione derivatoria posthac facta, sanguinis libram unam circiter educi curavi.

Potionem inde diapnoicam intus exhibendam præscripsi, qua exhausta, altero mane, ex morbo gravissimo se recreatam jucundissime referebat: cum autem

ter-

tertia ab invasione die pulsuum rhythmos nondum naturales perciperem, nullasque críticas observarem evacuationes, ne morbus recidivus ludos mihi redditurus sit, iterata ex eodem brachio venæ sectione ei rei prævertendum esse existimavi, quam quoque aliquot horas post, catamenia, toto morbo nondum visa, feliciter secuta sunt: quarta die, & quinta, rejectiones purulentæ sine omni pectoris angustia aut respirandi difficultate prorumpebant, quibus visis, decocto pectorali convenienti tamdiu institi, donec decimo octavo die lectum promtius atque olim deferere matrisque mandata exactius curare poterat.





Juvenis , literarum studiosus , temperamenti sanguineo-cholerici , immanis hel-luo , aliquando vernali tempore serius ju-sto domum redit ; ubi , hora intromit-tendi præterlapsa , exclusus , media nocte , per plateas vagans , atque , ut poti so-lent , debachans , somno tandem victus , forte in loco solitario & remoto , sub suggrundiis corruit , crapulam hoc in antro exhalaturus. Mane , a prætergre-dientibus mortuus habitus , excitatur , & , vino sic dissipato , domum iturus assur-git : verum , vix decem passus gressus , respiratione privatur , adeo , ut rursus confedere & incurvo pectore auram ca-pere cogeretur , portatur inde domum anhelans , suspirans , dolorem capitis & æstum intensum allegans , mortem for-midans. In lectum conjectus somnum denuo capit , quo aliquot horas post ex-cusso , sudorem enormem , cum oppres-sionibus pectoris stipatum , experitur , dolore insuper in latere dextro ad medium usque dorsum , quoties ex imo spiritum du-

ducere vellet, graviter afflictus, ad me mittit. Ubi advenio, mox chirurgum venæ sectionem derivatoriam exercitutum postulo. Tum, sanguinis libris duabus fere eductis, æger illico resipisci, adeo, ut altera luce non nisi certis intervallis puncturas quasdam levioris momenti nunc inter nunc extra respirandum persentiscere se perhiberet. Ordinabam ergo discutientia quæque huic affectui apta, omni bihorio, dumne malum recrudesceret, largius continuanda. Tertio die omnis fere doloris sensus aberat, licet nulla crisis neque per pectus, nec cutis colatorium, neque urinam comparuisset; quarta die optime habuit, adeo, ut circa vesperam subiret prolubium fistulam Nicotiana far- tam incendendi, qua per fenestram ex- porrecta, aura simul ingrata & sibi po- tissimum inimica spirante, Nectar illud (nam potus dici nequit) fugere infit. Aliquanto post autem in dorso tensiones primo, mox puncturas inspirationem ve- hementius sufflaminantes denuo experitur, quæ, cum pauco gravescerent momento, ægrotum acerbè excruciendo eo redige- bant, ut hypocausto calefacto ad fornacem, meam opem anxie avideque ex- pectans, se collocaret: Ubi adsum, con-

F

ti-

tinuo locum affectum oleo Pulegii cum decima fere parte olei Anisi mixto externe probe fricari & superimpositis linteis mollioribus, eum in finem calefactis, fo-
veri curans, potione diaphoretica, per-
pusilla resolventis fortioris quantitate ar-
mata, intus danda, resolutionem prope-
rare intendebam. At enim, quum sep-
tem horas post nondum remitteret ma-
lum, ægrotum, ultra modum impatien-
tem, illo *Ovidii*

. *Voti postmodo compos eris* (1).

solari non destituebam, & ex eodem bra-
chio venæ sectionem reiterans tantum
obtinuei, ut æger, dum sequenti die ad
eum reviserem, nunc demum animum
remigrare sibi ingenue fateretur: sexta
& sequentibus diebus jam animus in pa-
tinis erat, ubi paulo parcius se posthinc
commestaturum spondit.

(1) *Ovidius* Lib. I. de Art. amandi v. 486.





Miles generosus, quadraginta & quod excurrit annorum, cholericus sanguineus, athletici habitus & omnes potandi artes edoctus, autumnali tempore, noctibus jam pruinosis existentibus, probe potus, curru aperto, iter suscipit. Ubi, cum interdiu non minus incalesceret quam noctu frigeret, & perpetuo heluando, omnis generis cerevisias indiscriminatim ingurgitaret, factum est, ut, cum quinta ageretur dies, matutinis horis, sub dio adhuc degentem, horror, propemodum epilepticus, & æstus, proxime insequens, una cum vomitibus, tam copiosis, ut quatuor aliis suffecissent, inceserint. Hospitium tandem diu desideratum attingens, avide lectum petit, ibique æstu longe peiori afflictus, tam ferociter delirat, ut, ceu ebrius adhuc esset, omnia confringere & demoliri crudeliter minaretur: tum famulo, quicquid arripere potis esset, in faciem conjiciens, dolorem, quem persentisceret, lancinantem, tam atrociter detestabat, ut, quum accede-

F 2 rem,

rem, energumenum me visere, haud injuria crediderim. Interim, cum omnia cognoveram, curavi, quo hoc hominis resipisci iterum queat, eamque ob rem statim ad venæ sectionem derivatoriam, sat larga copia celebrandam, festinare edixi. Qua facta, temperantibus atque solventibus morbo tamdiu resistere studui, donec sudores copiosos, eosdemque criticos, circa initium sexti diei, cum levamine, prorumpere cernerem. Post illa, diluentibus & diapnoicis paulo uberius propinatis, naturæ nutum sustinui; & quanquam nona die malum videretur parare reditum, id tamen sine metu suffocationis factum, & clysmatibus aliquot accomodatis atque decoctis fortius solventibus exhibitis undecima die, nec sputo, nec urina critica prodeuntibus, malum penitus evanuit. Ubi notandum, quod, morbi hujus tam felix & unica tantum venæ sectione impetratus exitus, evacuationibus epacmasticis, per superius guttur habitis, præcipue tribuendus sit, beneficio quarum omnis cruditatum affluxus, qui venæ sectionem necessario insecutus fuisset, primis levatis viis fieri haud potuit: Verum, evacuationes prædictas arte imitari aut medicamentis ciere

auctor

auctor suasorque esse nollem, nisi forte in eadem, qua hæc factæ, morbi periodo, videlicet, ante doloris lancinantis accessionem & hinc dependentem sufflaminatam respirationem simile quid conari volupe sit, quod probe tenendum, ne quis turpiter impingens famam fauciet.




Vidua juvenis, temperamenti sanguineo-melancholici, mense Martio, cœlo fudo & miti aura molliter spirantis austri usque eo allectatur, ut tandem subdola hac amœnitate mire capta, extra urbis pomeria deambulatum exiret. Cum autem continuo gradiendo incalesceret, & mox inde sudaret, versus vesperam admodum frigidam, cœli clementia diutius justo detenta, aliquanto serius urbem revertens, refrigerio opprimitur sensibili fatis, quod statim oppressiones pectoris insequiebantur; At enim ad cœnam vocata cum esset, nec eo secius edit bibitque quicquid occurrebat aut offerrebat, imo, cum *verecundari neminem apud*
F 3 *men-*

mensam deceat (9), vino Hispanico bene sibi facere non destitit. Posthæc autem dormitum ituram horripilationes per totam dorso spinam excurrentes incessunt, quas etiam excipiebat æstus tam intensus, ut aliquot mensuras aquæ vivæ frigidiusculæ epotaret. Quo facto, altera die nihil quidem, quod molestum dici mereatur, sentiebat; at sanam se esse, dicere nequibat, imo noctem versus respiratio intercipiebatur & quidem repentino insultu. Meam ergo dum implorabant operam qui aderant anxii, venam sinistri brachii, quod latus nempe laborabat, ætutum incidi jussi, & libra una cum semisse fere educta interne discutiens quoddam exhibui. Quod autem, cum potentius justo agere inciperet, quandoquidem de vino, ante largius hausto, nihil quicquam mihi innotuerat; potionem refrigerantem, tantillo anodynî conditam, præscripsi, qua etiam altero mane paulisper liberius respirabat: tertia die, continuatis prioribus remediis, sudorem continuum habuit, noctu perpauillum quievit; quarta autem luce, omnia, extra
fo-

(9) *Plautus Trinummi. A. II. Sc. IV.*

solum sudorem , qui tamen mediocris
esset , aufugerant , ut ægra lectum jam
deserere cuperet , verum pulsu nondum
confirmato hisce halcedoniis non nimis
suis expectavi quo eventurum esset ; in-
ter hæc autem , cum septima luce omnia ,
ob tempestatis frigidæ imprimis ac humi-
dæ rationem , recurrere viderentur , pro-
pere ex eodem brachio , & quidem ba-
silica incisa , sanguinis uncias decem fere
& octo educi jussi , internis deinceps
convenientibus remediis , etiam noctu ,
quando usus posceret , dandis , strenue
institi , donec nona die sputa purulenta
copiose apparuerunt , quæ cum ad deci-
mum tertium duraverant diem , sponte
emanentia ægrotæ & pectus & pulmones
levatos pariter atque evacuatos relinqui-
runt.





Virgo formosa, duos & viginti annos nata, a noverca torva & canino rictu omnem venustatem allatrante identidem offensa, tam foedissimis aliquando injuriis & contumeliis sub ipso catameniorum fluxu ab ea increpatur atque obruitur, ut illorum suppressionem semestrem incurreret. A quo tempore fastidio ciborum, anxietatibus præcordiorum, respirandi difficultate, præsertim in ascendendo scabellas aut acclivia loca, misere fatigata, tandem incidit in febrim, qua, a nescio quo, utcunque curata, catameniorum fluxu nec dum comparente, in leucophlegmatiam delabitur. In quo statu valetudinario aliquot menses consumens repente pleuritide corripitur maxime suspecta. Me dum accersunt ægrotantis cognati, (patrem namque amiserat misera,) & anteaçta cuncta referunt, eam statim, si fieri possit, unguibus lupæ istius eripi consulto; quandoquidem ad solum ejus aspectum ægram odio invincibili & iracundia prægravi continuo prehendi, cuncta

Æta perspeculans, aliquoties observabam; imo, cum hoc ipso morbum perpetuo ali, spasms ab ira ortis bileque hinc inflammatoria reddita, plus simplici vice edoctus essem, propositum urgebam.

Facta igitur, quam consulueram, conjunctione, remediis primo internis convenientibus morbo occurrere statuebam, iisdemque ad tertiam usque diem continuans, cum parum me profuisse cerne-rem ad venæ sectionem derivatoriam confugiebam, & en, non diu post, ægra pectus pondere gravissimo quasi pressum nunc levatum prædicabat, quibus animadversis incidentibus perpauillo anodynî imprægnatis curam continuavi.

Hæc diutino tempore sic agebantur, cum menses nondum prorumperent & ægra integre sanam se esse affirmare haud posset: viginti dies post pleuritide recidiva tentatur, quod partim sanguinis eductioni, propter malum complicatum, minus legitima & competente quantitate factæ: partim etiam catameniorum pertinaci silentio tanto rectius tribuebam, quo certius eam omnis alius erroris infontem scirem.

Quare, ægra miserrime se habente & ægritudinis levationem summis votis ex-

postulante , dum pulsus mihi egregie indicabat , statim ad alteram venæ sectionem ejusdem lateris processi , eamque remediis congruis secundare occæpi.

At enim cum die sequenti levamentum rite succedere haud viderem , tertium venæ sectionem eodem in brachio e basilica instituendam decrevi , quam demum solamen insigne veram spondens sanitatem infecutum omnibus , virgini bene cupientibus , gaudium perenne , mihi , applausum solennem peperit : remediis deinde aperientibus & resolventibus mediocri dosi ulterius institi , usque dum indies sanitatem crescere & firmari magis ac magis sentiret. Hisce omnibus ad septimam decimam usque diem perseverantibus , dum aliquando vespere suadente cubitum concederet , mensibus subito comparentibus , ad sanitatem plenariam rediit.





Uxor mercatoris cujusdam honesta , sex & viginti annorum , sanguineo cholericæ & ad iram prona , quantum gravis , ad se ut visum venirem me blande rogari jubet. Ubi eam convenio & examino , in pleuritide cubantem deprehendo , ideoque reliquis omnibus ex ratione respondentibus iisdem fere remediis , quibus olim citra omnem phlebotomiam , eam semel me levasse memineram , ad morbum extinguendum diem unam & alteram usus , nec eo fecius parum vel nihil me proficere indignabundus videns , protinus ad dolentis lateris venæ sectionem instituendam chirurgum accersitum iri cupio , ubi unciis fere duodecim sanguinis eductis , statim crustam albam inflammatoriam conspiciebam , eamque ob rem denuo uncias sex circiter effluere sinebam , quæ licet idem ostenderent eo tamen me non induxerunt , ut pulsu nunc contradicente plus exsilire permiserim ; vena posthinc per chirurgum rite ligata , internis remediis solventibus

F 6

&

& balsamicis materiam peccantem per
urinam & sudorem penitus exturbavi.



Juvenis litterarum amans, ad malum
hypochondriacum dissipandum cum com-
militonibus in pagum quam proximum
potatum exspatiatur, ubi, cum tardius
justo reditum pararet, noctu in subur-
biis diu vagatus tandem cum sodalibus
in diverforium recipitur, in quo haud
fane pulvillis pluma delicata ventose tu-
mentibus incumbendum erat, cum ne-
lectus quidem pulvinaribus communibus
instructus stratusque hospiti superesset.
Interim continuo eundo & ambulando
fessi lassique amictu nullo exuto vesti-
ti ut erant, indormiunt. Die posthac
illucente noster expergefactus, insueto
dormiendi genere indignatus, sudorem sibi
& refrigerium, duo contraria simul, esse,
sentit; Sole autem plus plusque appro-
pinquante urbem petit atque domum;
quo, cum devenerat, lassitudines primo
artuum, mox vertiginosas accessiones &
paulo post æstum, mediocrem licet, nan-

ciscitur. Hæc & alia complura sanitatem vacillantem arguentia symptomata per diem unam & alteram passus, quinto sole circa secundam vigiliam æstu violentissimo sitique intensa repente corripitur. Postridie, inspirationem quoque sufflaminatam anxiamque imò dolorosam allegabat, quæ diem integram continuando, hespero emergente magis impendioque gravescens ægrum tam misere afflictebat, ut, jam vitam despondens mortisque candidatum se credens me accersit cupit. Ubi eum convenio, triste profecto conspiciebam spectaculum, me enim vix allocutus purpuream vomebat animam. Quod tanto vehementius displicebat mihi, quanto frequentius ejusmodi symptomata ominosa ut plurimum, felicem raro concessura exitum, certo scirem. Interim, sanguinis flumine omnis generis refrigerantibus atque sedantibus remediis cohibito; de venæ sectione, propter copiam profusi sanguinis hærebam anceps, satius ducens, si anodynis exhibitis vasorum oscula jam præclusa firmare conarer. At enim, cum duodecim horas post, pulsus nihilominus frequens & asper maneret, quinimo rhythmos subinde ingeminans recidivi insultus

adventum minaretur, ægerque, dolore amens, altum exclamaret, tristitia quæque prævenire summæ mihi erat sollicitudini: Quamobrem ad venæ sectionem derivatoriam, cum properato sit opus, festinabam, & mediocri sanguinis quantitate emissa, quietum reddidi, nullam amplius hæmoptoen expertum. Post illa dedi temperantia interpolatis anodynis, quippe quæ sanguinis acredo, qua abundabat, ferre potis erat, iisque tam diu continuavi, usque dum rejectiones purulentas fauste prodire, sanguinisque grumosi reliquias, puris sub specie recte abscedere viderem: harum namque promovendarum gratia sepositis prioribus, diluentia nunc, becchicis convenientibus maritata, exhibenda præcepi, donec undecima die ægrotum sanum deferui.





Hortulanus sexagenario proximus vitum laboriose sibi & vultus sui sudore quærens, pleuritide periodica persæpe obnoxius fit, quam radice Gentianæ rubræ, in pulverem inpalpabilem redacta, & interne sumta, continuo repulit.

At enim eadem denuo correptus, non spuria quidem ut ante, sed vera, eam, radice sua æque depulsum iri ratus, hunc in finem aliquot doses deglutit, ubi autem tres horas post æstus & capitis dolores tam enormiter ingravescerent, ut etiam cerebrum, ni brevi succurreretur, fissum iri crederet, me in auxilium vocant; re igitur intellecta non mirabar sane febris tam excedentem violentiam ut etiam pulsus gangrænam haud procul abfuturam denunciaret; nam sanguinis massa jam per morbum in citatiorem conjecta raptave motum, usu acris hujus atque potentissime resolventis remedii adhuc superveniente, ut circuitus celeritas geminetur, secius fieri qui posset? Igitur, cum res subitaria esset, ad curam festinans,

nans, venæ sectionem derivatoriam continuo institui, quam post, remediis internis seditionem istam ad internecionem fere redactam, componere statui. Altera luce melius habebat, quod potiuneulis temperantibus a me datis præ ceteris acceptum ferebat, licet eas venæ sectionis virtutem secundasse potius, quam aliquid novi præstitisse non ignorarem. Post hæc, cum tertia die ægrotum tussi frequenti, omnis rejectionis aut sputi experte, laborare animadverterem, nolui occasionem amittere tam bonam, sed bechicis, balsamicis resolventibus imprægnatis, hac & sequenti die, dumne aliquid accideret tristius, continuare præcipiebam; quibus effectum, ut pedetentim secretiones & rejectiones pituitosæ procederent, usque dum die nona malum penitus evanuit.





Aurifaber triginta novem annorum, cholericō-melancholica temperie, valetudine tenuissima atque infirma, mense Augusto, quod jure mireris, in pleuritidem cadit, quæ post varia domestica ~~evanescente~~ incassum usurpata, tertia die, vehementius longe ingravescens, decumbentem medici opem implorare cogit, qui tamen ratione delectus non ita scrupulosus, quam proximum conveniendum avet: cum autem proximus non semper sit optimus, adducitur Agyrta, nequam hominis & nebulo magnus, qui, nunc sesquipedalibus, nunc phaleratis verbis mirum quantum hominibus imponens & ingentium peregrinationum jactatione crassam ignorantiam infucans, quamvis cum fycophanta in *Trinummo* (.) verius dicere potuisset:

Advenio ex Seleucia, Macedonia, Asia atque Arabia

Quas ego neque oculis neque pedibus unquam usurpavi meis.

con-

(.) Act. II. Sc. V.

confidentiam tamen plebis, transmarina quæque suspicientis aucupari egregie callebat. Ubi comparet morbumque videt, mox periculum omne floccipendere malumque ipsum, sibi ignotum contemnere, quin mira temeritate deridere: interim ægroto nihilo fecius misere degente, ille, quo ne in verbis solis acquiescere videretur, lepidam invenit sycophantiam, commiscendo nempe electuarium narcoticum, quo dolorem simul lenire, simul & morbum pertinaciorem reddere: vesperam versus, cum omnia redirent ferocius, scelus viri propinat spiritum salis ammoniaci anisatum quater de die cum vino sumendum; & tum videres ægrotum ex stulto insanum factum, atque adstantes vana spe frustratos morbi contemptorem vicissim contemnere & medici genuini opem implorare. Qui etiam, statim atque accesserat, venæsectionem dolentis lateris urgebat, eaque rite & largiter peracta, solis fere diluentibus morbi impetum egregie ademit: sequenti mane, cum pulsus adhuc indicaret ad recidivum insultum arcendum, iterum ex eodem brachio libram semis circiter educi jubet, quo facto, quinta & sexta die liberius respirare poterat, septima luce aliquan-

quanto ægrius quidem spiritum ducere videbatur, sed crisis, paulo post per urinam comparens, omnes dissipabat molestias, ut sequentibus novem diebus, a morbo penitus liberatus, exurgeret.



Caupo quidam, ex eorum, qui decocti Caffee & infusi Theæ præparatione cluent, tribu, pleuritide cum febre juncta decumbit, ad quam expellendam circulatorem quendam tunc temporis de nundinarum questibus suam partem quoque trahentem & apud se crebro divertentem consulit: Ille, horæ momento morbi non modo impetum sublatum, verum & totum quantum funditus radicitusque evulsum iri, composito ad fallendum ore, impudentius quam verius, (quo enim quis indoctior eo impudentior,) pollicetur.

Quibus sane promissis, si morbi verbis cederent, ægro dubio procul convalescendum fuisset, at cum medicamenta requirebantur, merito expectandum erat; Catapotiam igitur ex drastice purgantibus conflata, forte quod stulto jacenti Hel-

le-

leboro opus esse sibi videbatur, porrigebat, cujus post deglutitionem semihorio nondum præterlapso tantis corripitur cruciatibus & ventris torminibus æger, ut quibusdam momentis exspiraturum putarent. Non diu post tantæ sequebantur purgationes ut totam diem & noctem jugiter ac omni momento fere dejiciens, sanguinem tandem sincerum excerneret: Quo eventu exterritus & in extremam virium dissolutionem atque hinc dependentem mortiferam imbecillitatem conjectus æger, ne cum morbi radicibus & vitæ reliquiæ forte evacuarentur jure pavebat horrebatque.

Talia & complura alia ejusmodi compertus, sæpius miratus sum, qui tanta vecordia innata cuiquam esse possit: qui tam stolidæ mentis, altioris adeo subsellii, homines (de hoc enim nihil dicam,) nasci queant, ut, ceu vero nulla genuinam medicum adeundi copia foret, ejusmodi nefario homicidæ

— — — *Quem neque pudet*

Quidquam: nec metuit quemquam: neque legem putat

Tenere se ullam (x).

se

(x) *Plautus Adelph. I. 2.*

se suamque vitam tradere, credere, committere, nec dubitent, nec vereantur?

Interim, cum vana spe ductum se esse non alieno sed proprio edoctus esset periculo, Hellebori stupenda operatione non quoad morbum sed quoad mentem vere sanatus ad legitimum mittit medicum, qui hanc instantem internecionem & crudelem interemtionem, celere auxilium flagitantes, nunciarent: Ille vero stultitiæ hominum magis, quam merebantur, misertus, curam suscipit & remediis aptis euphoristis partim, partim pharmaceuticis alvi enormem & ob summam debilitatem atque virium prostrationem vix ullo modo coercibilem, tandem sistit. Tantum tamen aberat, lateris dolores ut paululum remiserint ut non potius fixiores longe hinc redditi, pertinacius duraverint.

Igitur medens, cum venam secare hoc in casu non dicam periculosum, sed mortiferum fuisset, phlebotomiam prolatat, satius ducens, si interea nervinis idoneis & leniter resolventibus succurreret.

Sic die sequenti & præsertim tertia omnia mitescere, vires quoque paulatim recurrere.

In quo rerum statu cum septem dies consumserat æger & morbus jam depulsus

videbatur, denuo repente & quidem æque graviter ac antea decumbentem invadit, tum medens, ratione phlebotomiæ derivatoriæ incertus consilii titubans quidem, ob morbi tamen atrocitatem plus plusque invalescentem nec eo secius ad eam pergere constituit, qua decenti quantitate peracta ægrotum feliciter restituit.

Ubi notari fas est, quam parum omnes ex aliis a parte affecta disitis locis factæ sanguinis evacuationes profint, ut etiam tale, sanguinis ex mesaraicorum & venæ portæ ramificationibus largum profluvium, morbum ne pilum latum movere potuerit.



Trapezita melancholico cholericus, quinquagenario proximus, pleuritide tentatus, præ avaritia autem, qua nempe anteibat multis, ad diem usque tertium, cruciatus omnes, stupenda contumacia & obstinatione perfert toleratque, nec nisi tum demum, quum cymbam Charontis adventare videret, medicum poscere secum constituit. Qui tandem adductus omnia rite perpendens alvum septem

tem dies occlusam referari primo ordinat, tum ad venæ sectionem derivatoriam perrecturus, ab ægroto, sumtus omnes abhorrente & nescio quam antipathiam vitio sordido prætexente, proterve impeditus, stultum, salubre consilium detrectantem, recte deserit. Post hunc familiares me accursant, quantum in me sit situm, auxilio ut animam efflaturum venirem efflictim petentes, ubi advenio, eumque conspicio, Hei mihi qualis erat! sedebat in lecto incurvus, gemens, ejulans, insaniens, anhelans, auram non aurum clamans. Tum pulsu adhuc indicante reliquisque omnibus ex ratione respondentibus, antecessoris propositum serio sustineo, &, cum maturato sit opus, sine mora, per chirurgum medianam affecti lateris venam tundi & sanguinis libras fere duas educi curo, quo non solum levamen insigne sentire cœpit, sed & remediis intus datis intra paucos dies sub ipsa rejectionum purulentarum eruptione solis bechicis persanatus superstes mansit.

Quam celerem simplicemque reconvalescentiam præcipue sanguini suo minus oleoso, minusque spisso, hincque ad resolutionem subeundam longe proniori alio,

lio, tribuendam duco: erat enim ad nauseam usque temperans abstemiusque, adeo, ut divitiis parcens, famem sæpenu-mero miseris fallere modis haud quaquam erubesceret, quam *avaritiæ nihil nefas* (λ) sit, impudenter ostendens.

Ut igitur mirum non sit, quod sanguine tam tenui raroque existente eundem hominem, jam ante id tempus, maturius tamen accersitus, citra omnem venæ sectionem pleuritide enormi levaverim, tam cito enim stimulantibus & solventibus obsequebatur malum, ut etiam singulæ doses effectum evidenter sentire & indicare potis esset.

(λ) *Curtius* L. IV. c. X.





Sartor melancholico sanguineus, quadragenario major, adeo macilentus & tenuis, ut & ventum metueret, nec eo secius ira quandoque excandescens, aliquando bile atra percitus domum rediens, morbo futuro præversurus lapides cancerum in pulverem redactos cum Rob Sambuci subactos devorat: vesperi multum consequitur sudorem cum æstu intensissimo: altero mane etiam puncturas in medio dorso vehementissimas sentiebat, quæ pomeridianis horis in lævum latus cedentes tam atrocissimos ibi producebant dolores, ut se convelli putaret: doloris ergo, & hujus præcipue impatiens, sibi ipsi tamen consulere posse stulte persuasus, priorem panaceam denuo proferri poscit, de eaque aliquot bolos sat grandes, sudores novos expectaturus, deglutit, qui tamen, mirum dictu! emanebant, doloribus interim plus plusque invalescentibus noctu præter opinionem sanguinem ructat: posthæc, & quidem sequenti mane, dolores prædicti e latere sinistro sub mam-

G

mam

mam sinistram , & non porro abhinc in
latus dextrum migrabant idque totum eo
usque occupabant , ut etiam ab extra ru-
borem & inflammationem manifesto con-
spicere liceret. Tum chirurgum adduci
cupit , qui temere satis curam suscipiens
venam malleoli dextri incidit , atque san-
guinis quantitatem mediocrem emittit ,
citumque levamen more solito spondens
abit , sed reditus immemor , quandoqui-
dem eventum minus prosperæ medicatio-
nis sinistram , jam per tertium inaudie-
rat ; quare me expetunt atque ad jacen-
tem ducunt , quem ubi in statum pessi-
mum revolutum deprehenderem , & spu-
to cruenta silentia , oppressiones contra
pectoris ingruentia , tum autem dolores
lateris extreme urgentes venæ sectionem
derivatoriam utcummaxime indicare a-
nimadverterem , sine mora eandem fieri ,
indixi ; posteaquam alvi segnitie pertina-
cissima clysmatibus anodynis correctâ , re-
solventibus deinde intus exhibitis , quo
eveniat , expectabam : at enim sexta &
sequentibus diebus malum non amplius
erat. Hic resolutiones stasium in scorbu-
ticis , quibus sanguis viscedine non nimium
scatet , quæ diathesis nostro fuit ægroto ,
sola sæpe venæ sectione derivatoria suc-
ce-

cedere, annotavi, quando nimirum salia inquilina resolutioni per se faventia, depletionem proxime facta, materiem impactam ad loci mutationem æque disponunt ac urgent.



Faber ferrarius duodequingenta annorum, vir robustus & laboris tolerantissimus, cholericus - sanguineus, circa solstitium autumnale, in ustrina, dum ferrum igne canderet vel cum Vulcano cuedendo certans, ad largissimum usque sudorem incalescit, cum circa crepusculum in vicinia tumultus repente exoritur, atque is, ne supparo quidem munitus visum excurrit, ibique, dum semihorium spectando fere consumserit aura gelida spirante refrigerium incurrit, adeo, ut jam domum revertens quædam respirationis impedimenta acciperet, quæ noctu ingravescencia, febre juxta oborta, miserum misere anxere: uxor quidem emplastro thebinthinato pectori ejus stulte imposito succurrere tentabat, at incassum, altero mane enim, dum malum longe pertinacius, quam

ut emplastro cederet, deprehenderent, medicum consulunt rei peritum, qui rebus intellectis, venam affecti lateris sine omni exceptione tundendam præcepit, & posthæc lenibus diaphoreticis per aliquot dies continuando maximam partem ægrotum sublevavit. Cum autem naturam non per diapnoin sed sputum morbum exturbaturam animadverteret, tussiculæ etiam aliquanto violentius urgerent, prioribus jungit bechica superaddito perpusillo laudani liquidi Sydenhami, ad spasmodicas pectoris contractiones non minus atque tussim illas magis exasperantem mulcendam, quibus remediis interpolatis subinde diluentibus septima die morbum plane eripuit.





Miles gregarius ex ordine Dimachorum, sex & triginta annos natus, vir robustus & quadrata statura, cæteroquin omnivorus & multibibus, ægrotat & pectus præter modum angustari sibi sentit, quod, cum in horas augeri observarent præfecti, chirurgus suo curandum tradunt; qui etiam sine mora venæ sectionem & quidem dextro e brachio exercens, variis postmodum remediis internis curam tentat.

Inter hæc quoque essentiam Succini (forte quod nihil aliud habebat) haud parca dosi exhibet, ubi, post aliquot doses sat habiles exhaustas, non solum pessime se habere, sed & doloribus lancinantibus sinistri lateris ad tergus usque impense torqueri se cruciarique refert, noctu delirat & vesani hominis instar sævit.

Centurio deinde meam imploratum mittit operam, quid chirurgus deliquerat me compensare rogans; ubi accedo, venam affecti lateris actutum incidi curo, &

temperantibus pariter atque incidentibus ordinatis, quorsum sit evasurum, diem unam & alteram expecto: die quinta non solum deliria & mentis alienationes longe lateque aufugerant, sed & dolores maximam partem cessabant; cum ergo crisin sexta die per urinam probe succedere cernerem, essentiam urinariam anodynam adjectis infusis eodem scopo destinatis usurpo.

Inter hæc accidit, ut, cum hora sumendi superveniret, unus e commilitonibus ægroto de meo medicamento propinaturus vasculum chirurgi supradicti, nesciens quid, cujas sit, arriperet, ex eoque decumbenti aliquoties ingereret. Nec mora, cum ægrotus quantum sumserat, æstu intolerabili & inflammatorio fere oppressus æque ac olim extra sphæram vagans nugabatur; qua repentina imo inopinata mutatione sane stupebam, causam hujus accidentis nunquam conjectaturus, nisi commodum meum medicamentum integrum fere adhuc offendissem. Crescebat inter hæc malum in horas, nullis temperantibus quoquo modo agentibus refinosa huic vehementiæ paribus existentibus; dolores priores opposito in latere exorientes tam atrociter sæviebant ut respi-

spirationem continuo abrumpendo ægrotum strangulato similem redderent.

Quare ad phlebotomiam hujus lateris properare decernebam, eaque facta, trihorio vix præterito cuncta filebant; sequenti die, cum in educendo sanguine multibibo competentem quantitatem non servaveram, novosque insultus, debiliores licet, ludos tamen mihi forte reddituros adfore ex pulsu intelligerem, iterata ex eodem loco venæ sectione eis præverti, & præmemorato medicamine iterum pergens crisin per urinam cohibitam denovo restitui; quæ cum per quinque integros dies secundo amne fluere continuarat omnes quascunque impuritates & hinc inde hæsitantes quisquillas secum rapiens morbum penitus eduxit & extra corporis pomœria ejecit.





Musicus paganus , quadragenario major , sanguineo-phlegmaticus , qui sæpe longos canendo meminebat se condidisse soles , raro sobrius , nam diem noctemque continuare potando horum nulli probrum ; dum aliquando æstate maxime torrida nuptiis interesset , hymeneum gaudium cum sodalibus per integrum quatri-duum jugiter augens strepitu tandem , circa diluculum finito , somno consopitus in angulo quodam domus apertis fenestris & januis crapulam edormiturus corruit ; inter hæc subsolano continuo flante & omnia solis æstu perusta refrigerante , hic etiam , quasi per unctionem Zythi irrigationibus non cavisset , suam accipit partem , atque pleuritide stertens opprimitur , somno deinde excitus præ suffocationis & mortis metu fere exanimatus , gemens & clamans auxilium flagitat : adstantes forte adducunt barbitonsorem , pene dixerim bardum , proxime viciniæ habitantem , cui ægrotum tradunt curandum : Is , ex æstu solenni vel cum omni vetula
fe-

febrim augurans, licet pleuritidem ne per somnium quidem viderat, incertæ famæ tamen, præcipue quoad venæ sectionem in febribus instituendam, cum aliquibi forte captasset auram, commodum in lateris dolentis brachium incidit, ex eoque unam & alteram sanguinis libram emittit, verum, ubi sequenti die malum recrudescere forte videt, (nec mirum, si nullis aliis remediis curationem cœptam secundare sciret,) exhorruit facti stultus, & suam venæ sectionem innocuam accusans ægrotum ut perditum deserit. Post hæc me conveniunt, ubi accedo, & rhonchos enormes moribundi haud absteriles & proin parum fausti canentes, audirem, statim resolventia incidentibus potentioribus maritata exhibeo, & postmodum infuso theiformi anodyno & discutiente identidem epoto, externe quoque ex herbis amaris & camphoratis potenter resolventibus atque discutientibus, facculos calide applicari curavi, ubi hora nondum elapsa, jam meliuscule habuit: Pomeridie dum vesperam versus æstum insignem morbumque ex parte revertentem observarem, ex eodem brachio & quidem basilica vena, libram semis tantum sanguinis emitti, & altero mane

clyisma anodynum exhiberi jussi, quibus tertia die a morbo se liberatum prædica-
bat: quarto autem sub oppositi lateris
scapula molesti quid sentit, quod, quinta
die, pristinum locum, dextrum nempe
latus, rursus occupans, sexto etiam &
septimo perdurans non quidem ea vehe-
mentia, qua ante, respirationem sufflami-
nabat, sed tantum, aliqua impedibat, do-
nec octavo die, versus noctem, rejectio-
nes purulentæ, aliquot dies continuantes,
morbi exitum annunciabant: ubi toto hoc
tempore medicaminibus superius allega-
tis, nunc parciori, nunc largiori, prout
res poscebat, dosi, exhibitis, quarto de-
cimo sole penitus convaluit & munus a-
lios ad saltationes usque exhilarandi de-
nuo subiit.





Juvenis duodetriginta annos natus, temperamenti melancholico-sanguinei, medio autumnio ex pleuritide decumbit. In tempore autem meæ traditus curæ, post aliquoties reiteratum & stimulantium & temperantium usum, sequenti die venam medianam affecti lateris incidi præcipio, ubi libris duabus fere eductis prioribus continuavi remediis, quibus quidem aliquantisper recreari se animadvertibat: sed tertia die, cum recrudescere mihi videretur malum, venam ejusdem brachii basilicam secari & libram unam circiter emittere chirurgo mandavi: quo tempore sanguis emissus notissimam illam crustam inflammatoriam, lacteam dictam, manifesto ostendit. Cæterum, quoniam alvum segnius succedere mihi referebant, per epicrasin laxans propinavi, posthinc solventibus balsamicis materiæ stagnantis reliquias dissipaturus, hisce pharmacis ad nonum fere perseveravi diem, donec decima luce, crisi largissima per urinam secuta, & ad quartum decimum usque

G 6

diem

diem durante, morbus penitus emigravit.



Pedissequus viginti trium annorum, temperamento præditus cholerico sanguineo, autumnali tempore, hero, ante palatium, ubi convivabatur, ad mediam usque noctem præstolans, cum aliis ejusdem surfuris sodalibus, circumducendi temporis gratia, joculans & colluctans sudorem contrahit notabilem, quem, hero subito comparente, cum pone pilentum ascendendum sibi esset, ob repentinam corporis quietem & ventum simul adversum flantem, momento suppressere coactus, refrigerium enorme & ad interiora usque penetrans, patitur.

Altero mane, lectum ægre deserit & licet more consueto inter familiares versaretur, languide tamen munera exequabatur: die tertia inopinato febrit & post, neque ita multo, delirat; etiamsi dolores lateris sinistri acute satis lancinantes, juxta accessi, decumbentem ad recordationem sui identidem revocando, intervalla lucida darent.

Ad-

Adducunt medicum non indoctum, qui indicantibus omnibus rite collectis statim ad venæ sectionem derivatoriam festinandum esse edicit, eaque sat larga quantitate celebrata remedia interna convenientia præscribit: postridie, ut malum nondum intermitteret, remittebat tamen ad eo, ut hac sanguinis educatione conquiescendum esse haud inepte censeret medens, verum, ubi nocte ingruente malum quoque ingrueret, atque periculum in mora esset, ex eodem vulnuscule nec dum consolidato, denuo libram integram chirurgi ope adhibita effluere finit, quo deinceps matutinis præcipue horis ægrotus levamen notabile sentire & paulisper quiescere: donec tandem continuato & incidentium & diaphoreticorum usu, septima die crisin per urinam cum abscessu sub ejusdem lateris axilla maxime tumido, procedentem expertus est; denique omnibus ex voto succedentibus & præsertim abscessu post ingentem puris copiameductam, rite purgato & consolidato vicesimo sole citra omne sputum aut rejectiones purulentas a morbo & præsentissimo vitæ periculo liberatus, ad munera rediit.



Fœmina duodetriginta annorum, sanguineo-cholerica, robusta, tertium gravis, sude vapulat, & in latus sinistrum ad costam decimam & undecimam ictum accipit tam enormem, ut etiam vibex sat grandis inde oriretur, nocte sequenti torminibus ventris & colicis doloribus misere cruciatur, quibus sedatis succedunt vomitus biliosi, frequentes, adeo, ut de abortu proquinquo merito pertimesceret: verum, ubi mane sequenti hæc cessaverant, circa vesperam alvi corripitur fluxus tam ingenti, ut sanguinem quoque excerneret, non diu post init eam febris, qua fortiter incensa, omnis alvi fluxus sponte cessabat, quin dicam in alvi obstructionem degenerabat, quinta die succedebant dolores lancinantes, quæ in medio dorso incipientes atque ad latus sinistrum, priusquam idem occuparent totum, pertendebant: commodum evenerat, ut in tam lubrico & ancipiti casu medicum præclaræ offenderent peritiæ, qui, postquam paulo hæsitabat quid opus
sit

fit facto perpendens, tandem decidens, non obstante illius graviditate quinque-mestri, non obstantibus evacuationibus *καὶ αὖ καὶ κατὰ* perpeffis, non obstante ajo, sanguinis per inferius guttur quantitate jam amissa, solum consulens pulsum, viresque vitæ intuens, ad venæsectionem derivatoriam sapienter feliciterque properavit, & dolorum lateris violentiam ejus beneficio compescuit. Neque hac unica acquiescendum statuit, sed potius, cum sequentibus diebus cephalalgis pariter atque cordis palpitationibus, pertinaciter instantibus, decumbentem plurifariam fatigari animadverteret, e re fore omnino duxit, ut ad alteram pergeret, qua etiam ex eodem brachio instituta symptomata cuncta infrangebantur, adeo, ut de nocte paulisper quiesceret ægra: posthæc medens, cujus dum ad præscriptum agerent, & decumbens loco suomorigera esset, remediis internis convenientibus, intra paucos morbum profligavit dies.





Ancilla urbana, e pago quodam per nemus ad urbem usque tendens, media ætate circa crepusculum, solem non tam cito se conditurum rata, reditum, non obstante itinere duarum fere horarum, sola, inconsiderate suscipit. Verum ubi in medio saltu nocte atra opprimitur neminemque hominum amplius offenderet, solitudinem horrescere prius, mox se solam esse vere intelligens, timorem concipere tam enormem, ut etiam capillus rigeret: citato itaque cursu cum omni lepore certans, viam pergit, donec tandem jam provecta nocte urbem & domum examinata madensque metu pervenit, ubi, præ siti fere moriens aqualiculum quam proximum arripit, quicquid inesset exhaustiens. Quod experimentum cum aliquoties reiterare non dubitaret, interdum enim

Quo plus sunt potæ, plus sitiuntur aquæ. (μ).


ali-

(μ) Ovidius L. I. Fastorum.

aliquanto post puncturas quasdam respirationis actum nonnihil intercipientes & inhibentes persentiscit : sed nihil mali ominans lectum corpore adhuc madente petit , ubi , ob temporis æstivi rationem pariter atque sanguinis exagitationem violentam sub stragulis se continere nescia ad gausape quoddam confugit , sub quo , remoto omni alio velamentorum genere , lubenter & brevi , ut solent , obdormiscit. Mane expergescens vehementer æstuat , lectum tamen ex more deferens meridiem versus de capitis doloribus admodum quam se excruciantibus conqueritur , adeo , ut vesperi æstu insigni de novo accedente lectum petere adacta , nocte insequente maxime deliraret , quindicam insaniret. Statim ergo medicum , qui ædibus eorum propinquus accolebat , consulunt , atque ad ægram ducunt. Ubi accedit , febrim quidem extemplo cognoscebat , at dolorem lancinantem noscere non poterat , quippe quem insaniens ægra , animo in nemore errans , ipsa ignorabat , hinc respirandi difficultatem pro anxietatibus præcordiorum quamplurimis febrium solemnes habens , nullamque inflammationem , quam tamen pulsus rerum gnaro facile indicasset , arguens , meris temperan-

rantibus intus datis morbum tranquillatum iri ratus, venæ sectionem tam necessariam differt atque in tempus omittit: verum, cum altero mane aliquantisper ad se rediret ægra, tum audires, quomodo lamentabatur misera, cruciatibus enormibus sinistro in latere pene oppressa medici opem implorans: quæ cum ad medentem referrentur, illico affecti lateris phlebotomiam institui curavit; quam etiam levamen, præcipue quoad pectus atque dolores confestim insecutum est, tertia luce intra scapulas circa quartam & sextam dorſi vertebram puncturas se persentiscere, citra tamen respirationis notabili impedimento, perhibebat, quæ sequenti die hinc illinc vagantes & vacillantes evanuerunt tandem; tussicula deinde crebriori superveniente rejectiones quædam purulentæ morbum plane solverunt, adeo, ut vicesima die servitiis rursus interesse potuerit.





Rhedarius equum apud fabrum ferrarium soleis muniri curans, dum unum e cruribus posticis more solito elevat fabroque calceandum porrigit, equus repente subsiliens, & calcitrans hunc, quantumvis quadratum & robustum hominem tanta excutit & in lapidem prope adstantem illidit violentia ut totum sibi pectus collisum contusumque crederet: sublevatus etiam ægre respiraret & brevi post, dolorem dextro in latere sentiret, quo tamen insuper habito sequentem diem sic tenuiter quidem degit, sed tertio illuciente dolore præmemorato nec dum cessato, febre tentatur acuta, respiratione anxia, mortiferæ accedente, imo & deliriis.


Hæc, dum ita geruntur, herilem implorant medicum & ad miserum misere tactum ducunt, qui etiam re omni intellecta venæsectionem dextri brachii e vestigio præcipit ad eam omni festinatione properandum esse imperans. Verum, cum per negotia huic actui interesse non posset,

posset, relicta instructione quanti ad chirurgum, plurium ægrotantium fatagens abit.

Chirurgus posthæc adductus, se solum esse & primas tenere intelligens, ægrotum, haud secus ac equus esset, sanguine emungere infit, quam detestandam phlebotomiam, ubi lypothymias & syncopes terribiles invicem alternantes insequi: pectoris porro oppressiones, decumbentem in lethi fauces certo certius præcipitaturas, crescere videt, ceu nihil fecisset, culpam in medici præceptum vertere impudenti mendacio studet; imo, quo medici præsentiam, quam nempe horrebat, effugere possit, hoc hominis nervinum quoddam domi se quaesitum causans, corripuit se illico & aufugit.

Medens itaque denuo adductus, hanc chirurgi nefariam stoliditatem detestans ægrotum vix, ac ne vix quidem, levatum iri sperabat: Attamen cum nil intentatum virtus generosa relinquat, cordialibus convenientibus tamdiu succurrere conatur, donec, iisdem per integrum diem crebro continuatis, parvam, quæ adhuc restabat, vitæ scintillulam ab extinctione plenaria ægre revocabilem eo usque resuscita-

taret, ut materies stagnans ob virium vitæ enormem jacturam fere immeabilis facta, nunc sensim sensimque resoluta ad loci mutationem subeundam disponi pedetentim se pateretur: nam quarta luce æger non solum facilius se respirare, sed & dolorem antea fixum sub sternum citra tamen respirationis turbamentum migrasse referebat, quo in loco, cum diem unam & alteram moraretur, septima & sequentibus diebus urina purulenta tota fere existente, febris dolorque dissipati ægrotum vires amissas sensim recuperare & sanitatem perfectam indipisci siverunt. Patet hinc, quam circumspecte & caute venæ sectio in quibusdam morbis usurpanda, copiaque educendi sanguinis perpetuo ad ætatem, vires, vitæ genus, clima, morbi ipsius impetum & sic porro probe metienda & ordinanda sit, ne quod uni saluti fuit, alteri venenum fiat.





Bajulus, annos natus magis quadraginta, diem unam & alteram lecto affixus, de febre cum anxietate præcordiorum, ut uxor ejus meum petitura auxilium referebat, conquerebatur, ubi advenio & omnia examinarem pleuritide ægrum esse deprehendebam, qua propter maxime quod plethoricus erat, statim affecti lateris venam tundi & sanguinis libram unam cum semisse effluere concessi: ubi dimidio horæ nondum exacto statim respirandi facilitatem & dolorum remissionem indeptus æterno sopori ereptum se fatebatur: cum igitur ad se rediret, & ego medicamentis idoneis morbum exigere operam darem, sudor enormis noctu præsertim decumbentem invasit, quem quoque sputa cum urina critica insecuta sunt, ut adeoque tribus foribus morbum erumpere cernerem; postea loci in id modo incubui, quo triga hæc crismus rite abscederet nullaque subsidia clanculum relinqueret, quem in finem resolventibus atque diureticis, interpola-

tis

tis bechicis & diluentibus ad plenariam usque mali extirpationem institui.

Semestri præterlapso denuo in hunc pestilentem relabitur morbum, & quidem tanta vehementia, ut morti occumbere videretur: quo periculo attoniti me absentem cum incassum quærerent, forte fortuna in alium egregie doctum & ob id mihi amicissimum incidunt medicum, qui omnibus intellectis illico ocysissimeque ad venæsectionem derivatoriam pergit, postmodum remediis internis malo occurrens, quo abiturum sit, expectat: altera luce malum quidem nunc remittendo, nunc intermittendo, nunc recurrendo vacillabat, plane vero auffugere recusabat. Ne ergo tristius forte priori impetu spectaculum editurum sit, vesperi, novam opposito in latere instituit venæsectionem, quoniam priorem venam jam sauciatam novo vulnere irritare jure horreret, qua quidem venæ sectione, præmissa licet derivatoria, si nihil nocuerat, nihil etiam profecerat, adeo, ut ad tertiam & quidem e priori rursus brachio, venam quam proximam extantem atque tumentem eligens, recurreret, ubi sanguis eductus ita pituitosus & albidus comparuit, ut vix unquam talem se vidisse testaretur; horæ dein-

deinceps momento malum ad sensum decrefcebat, donec tertia die post ægrotum plane deseruit.



Agricola die ventoso & pluvioso in agro laborans atque tecto sero demum vespere succedens, capitis doloribus præter modum violentis vomituque non diu post enormiter quatitur, & noctem plane insomnem delirans transegit; altero mane dum vomitus reverterent, pomeridianis horis dolores sinistri lateris acute pungentes cum oppressionibus pectoris & respirandi difficultate junctos, post se relinquentes abibant: noctem cum semivivus superasset, familiares chirurgum quendam accursant castrensem exauctoratum & exoletum, omnibus, & egentibus & non egentibus venæ sectionem maximopere commendantem, eumque sine mora adducunt.

Hic, sane nesciens, quid contueretur ex improvise venam brachii dolentis lateris incidens, sanguinis quantitate utcumque conveniente educta, ægroto solamen

men insigne attulit, quo factò, hunc stipitem deum fere colebant, ut mos est vulgi, perpetuo ea, quæ stulto succedunt, præ illis, quæ doctus præstitit, longe lateque extollentis & admirantis. Interim sudorifero triviali atque decocto radicis armoraciæ improbi saporis & odoris, ægrum ob vitii simplicitatem & aëris sanioris rationem restituit.



Veredarius quinquagenario proximus, temperamenti cholero-melancholici, ægrotat, & quid sibi sit, quidque patiatur, ignorans, subluxationem costarum se incurrissè ratus, varia ridicula remedia adhibendo prodesse sibi frustra conatur: Tum forte medicum implorat, qui ex febre atque doloribus pleuritidem veram a qualibet causa productam adesse rectè augurabatur; hinc ad illam depellendam lenioribus aperientibus & stimulando incidentibus, quippe quibus solis morbum non raro cedere, ne uni nostrum notum, utitur. Sed, cum biduo elapso morbus nondum excessurus videretur, sine mo-

H

ra,

ra, medianam sinistri, ut dolentis lateris, aperiri curat, & sanguinis quantitate legitima educta, prioribus strenue insistendo remediis, tantum effecit, ut dolores trihorio post claviculam, mox dorsum petentes non porro abhinc ad lumborum vertebrae descenderent, ubi postquam plane evanuerant, die septimo urina maxime turbida & critica existente pleno rivo emigrarunt.



Villica undetriginta annos nata, summo mane urbem itura, præ moliendo & discurrendo domi jam incalescens, currum tandem conscendit, ubi, dum quietem subit repentinam, cui & matutini temporis, quantumvis æstivi, uda tamen & ob antelucanos flatus frigidiuscula se jungebat ratio, quam præterea dies sequebatur admodum pluviosa, ut, cum fero demum vespere sibi redeundum esset, refrigerium ingens miseram ad intima usque corporis penetralia occuparet: sequenti die incidit in diarrhœam, quam post, neque ita multo, febris insequen-

ba-

naturæ cum anxietate præcordiorum insigni, quæ omnia tamen tertio die solius naturæ ope per sudorem largissimum dissipata abierunt. Quinto die puncturas in tergore, libera tamen respiratione, animadvertit, quas ideo primum insuper habebat, præsertim cum septimo jam non amplius essent sole. Verum decima a refrigerio die (ut sæpe ex una microcosmi plaga in alteram migrant morbi!) dum mane e lecto surgere molitur, respirationem mirum quantum abbreviatam, eandemque paulo post puncturis exquisitissimis stipatam experitur: malo igitur exterrita, mihi eam visenti referebat, se non fecus, ac si spinam grandem dextro in pectore infixam gereret, excruciarî, opem interim auxiliumque anhelans. Ego quidem ex primo obtutu de causis pro-cathartîcis non rite certior factus, quando jam ante decem refrigerium fuerat factum dies, & hæc gens secura, errores atque peccata sua, non dicam obliviscatur, sed ignoret, quid opus sit facto ambigere occœpi: præcipue, cum præter febrim, jam ante aliquot dies ex-terminatam, nihil, sive commissi, sive passi, allegare sciret; dubitabam itaque, utrum adstringentibus cohibita fuerit

febris, an crisis quædam errore suppressa, an novus per se existat morbus: quandoquidem in priori casu pleuritis, ut *ἡ περὶ πνεύμονος* consideranda, longe diversam, atque in posteriori, poposcisset sanationem.

Dum ergo hæseram anceps & sedulo inquirendo morbi conditionem detegere tentabam, marito juxta in hunc usque diem suam nihil usurpasse remedii sancte testanti; obiter forte pluviosæ tempestatibus, ubi se male habuerat, meminebant, quo, refrigerium, morbi causam primariam sensim paulatimque eliciimus. Nunc ergo, cum clarum esset atque perspectum, pleuritidis fomitem jam in priori adfuisse feбри, modo ut eum locum, e quo pleuritidis proprie traxit nomen, nondum occupasset, sed potius inter musculosas contignationes vagatum, neque certo in loco dominatum, quod puncturæ priores respirationis negotium nullatenus lædentes satis superque ostendebant, reliquæ evanuerunt dubitationes. Cum primum ergo morbum *πνευμονίαν* esse animadverterem, viresque, quod maximum, non fractas, venæsectionem affecti lateris confestim exercere jussi, qua facta, tum quoad febrim, tum quoad respirationem, meliuscule degit. At ubi sequenti die & quidem

vesperascente cœlo omnia iterum dilaberentur, malumque angeret atrocius, ut etiam patronus, qui aderat villæ, homo æque indoctus ac insulsus meam venæsectionem improbare non vereretur, illo ad futorem *Apellis* relegato, mox alteram venæsectionem ex eodem brachio institui præcepi, quam post, sequentibus duobus mediocriter habuit diebus, quinto autem a nupera invasione die, qui decima quarta a refrigerio erat, denuo supervenit diarrhœa tam enormis, ut ne horulam quidem ea vacaret; quæ sexta die & septima continuabat, non quidem citra omnem virium jacturam, critica tamen & salubris. Inter hæc, cum de salute ægrotantis ad unum omnes desperarent, pejore rem loco esse non posse, quam in quo nunc sita esset, asseverantes, & ego non obstantibus omnibus hisce tremendis symptomatibus intrepide sanitatem divinarem, mirabantur stulti, qui tam pessima rerum conditio me terrere non posset; At enim vero me omnino terruisset, nisi pulsus & reliqua signa salubria aliud sponderent: nam appropinquante nona die penitus convaluit: a quo tempore in scandalum censoris egregie servata & sanata vivis etiamnum interest.

* * *

Virgo rustica, *ἑώρακη*, valentula, sanguinea, viginti quatuor annorum, post choreas in multam noctem protractas, potum frigidum avide ingurgitat, altero mane febrem cum pleuritide junctam voluptatis mercedem ostendit. Sed cum post varia domestica *ἑμμενα*, a domina inutiliter sibi devoratum data remedia, malum nihilo secius infixum immotumque maneret, me tandem consulunt. Ubi accedo & omnia diligentissime perscrutor, menses, quod mirabar, non aderant, nec, quum altius inquirerem, unquam adfuerant, quando se nunquam, Heu beata incuria! ad id attendisse nobis referebat: præmissis ergo præmittendis derivatoriam venæ sectionem institui jussi, & sanguine ad uncias duodecim circiter extracto, resolventibus pariter atque discutientibus, sobrie tamen, institi, donec undecima die, & quidem sub ipsa mensium eruptione largissima convaluit, nullum sputum aut rejectiones purulentas passa.



Juvenis agrestis inter arandum ab equo calcitrante, dum frenum elapsum pronò corpore relevare tentat, in latus dextrum infelicitè percutitur, sanguinem tamen, quod in istiusmodi casibus sæpe numero accidere observavimus, nec vomit neque sput, postquam animum iterum collegerat, de respiratione in latere tacto valde dolorosa, querebatur, cui etiamnum febris, ceu individuus comes, accedebat, anxietates insuper præcordiorum, alias infausti ominis ac pene inauspicati exempli, parum boni præsa- giebant: ego interim, casu fortuito, & quidem per eundem pagum peregrinans, miserum, lecto deserto, in terra sese volventem, & auram liberam, ceu piscis aquam, non sine circumstantium com- miseratione inutili licet, anhelantem con- templans percontor in causas, & mox, dum malum recens erat, per chirurgum quendam castrensem, eo loci degentem, venam percussæ lateris medianam tundi præcepi, ægrumque remediis necessariis

instruxi, qui triduo post, cum ad me mitteret, urinam purulentam & quidem cum *ἄφροδία* se excernere simul nunciari iussit, promovi hancce crisin omnibus modis, donec decimo die se penitus sanitati restitutum esse, sponte fassus est.

Ex quibus facile erit, pleuritidis veræ cum plethora junctæ & per venæ sectionem affecti lateris fauste propulsæ experimenta cognoscere, ut non opus fuerit plures hic historias aut observationes addere: Plura tamen qui desiderat, adeat *Duretum* commentario in *Hollerii* praxin: *Hildanum* Centur. observationum: *Horstium*, *Forestum*, *Trillerum* in eorum observationibus.

Quæ cum ita sint, nullatenus nos movent, quæ *Julius Cæsar Scaliger*, *Gesnerus*, alique in revulsoriæ venæ sectionis patrocinium adducere fuerunt annisi, quum non negemus eandem, *serius* licet & *minus evidenter*, interdum tamen prodesse posse: quod autem derivatoriam nihil prorsus auxilii præstitisse contendant, partim odium adversus eam conceptum olet, partim, quum non attenderint, utrum indicantia aut contra indicantia simul adfuerint, negligentiam haud condonandam indigitat; siquidem neminem
la-


latet, quinimo observatum certe experimentoque obvium est, venæ sectionem quamlibet, contra indicantibus vel ignoratis vel spretis adhibitam, non solum obesse, sed & lethiferam futuram existere: a remedio autem optimo & salubri, inconsulte ac præpostere adhibito, ad ejus abrogationem nulla valet consequentia, quando abusus usum non tollit, neque, si exemplis odiosis certandum foret, nobis desunt historiæ funestæ satis revulsoriæ venæ sectionis apud *Hildanum* (v), *Trillerum* (ξ) aliosque.

C A-

(v) Centur. V. obs. X.

(ξ) Lib. cit. in Hist. ægroti III. & IV. pag. 80 & 81.





CAPUT V.

Cautelas quasdam circa derivatoriam venæ sectionem in Pleuritide adhibendam tradens.

CORONIDIS loco monuisse juvabit, pleuritidem veram non semper phlebotomiam, egregii licet usus, poscere: quandoquidem & citra eam curationem ejus quam commodissime sæpenumero absolvi, neque fabulosum neque novum est.

Et enim jam olim Hippocrates (a) aliis interne propinatis remediis eundem profligari morbum edocuit: quem deinceps
Ascle-

(a) De vi&et, rat. in morb. acut. Lib. II. Text. XI. XII. XIII.

Asclepiades (β), *Galenus* (γ), *Paulus* (δ),
Aëtius (ϵ), *Alexander Trallianus* (ζ), *Ori-*
basius (η), aliique in re medica summe
 versati viri, sequuti sunt: Neque nostris
 defuere seculis medici excellentes, qui
 idem non modo tentarunt, verum & ra-
 tionibus validissimis innixi suffultique fe-
 liciter præstarunt: quos inter præ cæte-
 ris eminent *Sylvius* (θ), (magnum illud
 Belgiae fyds) *Gesnerus* (ι), *Dominicus la*
Scala (κ), *Amatus Lusitanus* (λ), *Vale-*
riola (μ), *Leonhardus Fuchsius* (ν), *Lu-*
dovicus Septalius (ξ), *Joh. Rhodius* (\omicron),
 Za-

(β) Apud Cæl. Aurelianum in *Asclepiade*.

(γ) Comment. II. ad dictum *Hippocratis* locum.
 It. Comment. III. in VI. Epid. Charter. Tom. IX.
 pag. 472.

(δ) Lib. II. cap. XL.

(ϵ) Tetrabibl. II. Serm. IV. cap. LXVIII.

(ζ) Lib. VI. cap. I.

(η) Lib. ad Eustathium filium.

(θ) Prax. med. Lib. I. cap. XI. §. 26.

(ι) Epist. I. Lib. IX. fol. 17.

(κ) Phlebotomia damnata, cap. 14. pag. 247.
 & 248. Patav. 1696.

(λ) Centur. VII. Cur. 28.

(μ) Lib. IV. obs. IV. It. Lib. VII. obs. VI.

(ν) Lib. cit. pag. 98.

(ξ) De Pleuritide pag. 171.

(\omicron) Analect. in Lib. VII. curat. med. pag. 340.

Zacutus Lusitanus (π), *Abraham Nehe-*
mias Lusitanus (ρ), *Heurnius* (σ), *Hil-*
danus (τ), *Joh. Michaelis* (ϕ), *Piso* (χ),
Ettmullerus (ψ), *Boerhavius* (ω), *Sviete-*
nius (α), pluresque ad miraculum eru-
 diti viri, qui, nunc diapnoicis & sudori-
 feris, nunc resolventibus, nunc per ἐμ-
 πρεῖν catharticis, nunc per ἀνακθαρσιν o-
 perantibus, nunc incidentibus, nunc di-
 luentibus aliisque hisce geminis, absque
 ulla sanguinis missione malum radicitus
 & cum omnibus reliquiis averruncarunt
 atque extra corporis pomœria penitus
 proscripserunt: Quod etiam, ut rite fiat,
 ob viscerum vitalium vicinam tanto ex-
 quisitius attendendum, quanto facilius in-
 flammationis tragœdia ex tumore inflam-

ma-

(π) Hist. P. P. med. in comment. Hist. 89. It.
 Lib. I. Hist. P. P. med. in comm. Hist. 77.

(ρ) Meth. med. per sanguin. miss. pag. IV. Ve-
 net. 1591.

(σ) De morbis pectoris cap. II. pag. 44. offic.
 Plantin.

(τ) Cent. II. obs. 31. & alibi.

(ϕ) Prax. clin. P. I. Lib. III. cap. VI.

(χ) Tract. de colluvie serosa pag. 228.

(ψ) Colleg. pract. pag. 333. Francof. ad Moen.
 1688.

(ω) Aphor. 886, 887, 888, 889.

(α) Tom. III. comment. ad hæc loca.

mato in scirrhum aut apostema abscedendo catastrophem suam non raro fortitur, adversum quos, qui eam fortunam inciderint, plerique medici se medicos non inveniunt.

RATIONES autem, quibus compulsi, venæ sectionem omisere, in contra indicantibus probe & sedulo attendendis perspicendisque continentur, quorum turba exercitatissimos non raro medicos, antequam certo decidere queant, etiam atque etiam divexat: Nonnunquam enim ætas, sexus, vires, vitæ genus, clima, diathesis viscida mucosa plethoram veram subinde mentiens (β) cacochymia, cachexia, excretiones variæ atque diversæ, sive consuetæ, sive inconsuetæ, ut hæmorrhagiæ narium (γ) uteri atque mensium hæmorrhoidumque fluxus

(β) Quo in casu resolutionis causæ, in viribus vitæ positæ, hac ratione removentur, ut *Hamburgerus* Diff. cit. perspicue fatis docet; & ante eum *Alexander Trallianus* Lib. VI. cap. I. expressis edixit verbis: *Non temere sanguinem mittendum, nec nisi exquisitè didiceris, humorem, qui inflammationem pepererit, copiosum esse, & in toto corpore superare.*

(γ) *Lotticbius* Lib. III. cap. III. obs. III. *Foestus* Lib. XVI. obs. 36, 37. It. Lib. XV. obs. 35.

xus (δ), ἀνακάθαρσις, sudor largus (ε),
 urina hypostatica (ζ), alvi fluxus (η),
 si sufficienter & cum levamine eveniant,
 venæ sectioni obstant adeo, ut spreta vel
 ignorata mortem inopinam cieant: Præ-
 ter hæc etiam diagnosis morbi ipsius
 multum subinde facessit negotii, ne spu-
 riam (θ), aut inflammationem vel apo-
 stema hepatis ut *Gordonius* (ι), *Ettmul-
 lerus* (κ), aliique complures, diligentis-
 sime exploratum habuere, vel uteri in-
 flammationem (λ) aut etiam ipsam peri-
 pneumoniam cum ea confundamus: Ne-
 que

(δ) *Forestus* Lib. XV. obs. 35.

(ε) *Valeriola* cap. IV. obs. I. *Valerius* Lib. I. obs.
 4, 5. *Ferdinandus de Ferdinandis* Hist. XIII. *Amat.
 Lusitanus* cent. I. cur. 7.

(ζ) *Schenckius* Lib. II. obs. 98, 99. *Borellus*
 cap. I. obs. 17.

(η) *Zacutus Lusitanus* Pr. Lib. II. pag. 303. It.
 Lib. III. obs. 116.

(θ) *Archigenes* apud *Aëtium* Tetrabibl. II. Serm.
 IV. cap. ult.

(ι) *Lilio medicinæ* Part. III. cap. VIII. fol. 206.
Parisi. 1542.

(κ) *Loc. cit.* pag. 332.

(λ) *Ludov. Mercatus* Lib. II. de Mulierum affe-
 ctionibus cap. XVII. pag. 605. *Joh. Varandæus* de
 morbis & affection. mulierum cap. VII. pag. 149.
Lugd. 1619. 8va.

que minus temporis ratio , utpote quod in istiusmodi celeriter decurrentibus morbis repente præterlabitur , attentionem omnem meretur , præcipue quum hominum maxima pars , partim ignorantia , partim (quo in casu tamen volenti non fit injuria) studio servandæ pecuniæ fordido , medicum mature non postulent : & quanquam non nesciamus *Hippocratem* (μ) Anaxioni octava demum die sanguinem detraxisse , *Praxagoram* (ν) quinto , imo & inter nostros *Hildanum* (ξ) doctissimum , septimo , *Trillerum* (\circ) quinto , sexto , septimo , quin etiam octavo phlebotomiam instituisse die , id tamen , cum ad rariores pertineat casus nullam parit regulam , licet ab ipso *Hippocrate* (π) , haud inconsulte fuerit factum , siquidem secundum ipsius doctissimum decretum : *in acutis morbis sanguinem detrahes , si vehemens morbus videatur , florueritque ætas , & virium adfuerit robur* . Cui sententiæ adeo , & quidem merito , favet *Galenus*

- (μ) *Epidemicorum* III.
- (ν) *Gal. Aurelianus* loco citato.
- (ξ) *Cent. V. obs. 30.*
- (\circ) *Lib. cit. cap. II. §. XV.*
- (π) *Loc. cit.*

nus (ρ) ut eandem dignum prorsus *Hippocrate* sermonem, in paucis verbis vim magnam comprehendentem appellet (σ).

Dies porro decretorii, quales dicuntur numero impares, ut *quintus*, *septimus*, *nonus*, *undecimus*, *decimus quartus*, *vicesimus*, ob crises proxime instantes, omnino contra indicant, quamvis & hæc regula suas patiatur exceptiones, atque nomen istud numero paribus interdum competat diebus, quando secundum *Hesiodum* (τ).

Ἄλλοτε μητρὶν πέλας ἡμέρη, ἄλλοτε
μήτηρ.

Interdum noverca est dies, interdum mater.

Attendendum etiam ad criticos motus, crisesque ipsas, num eluctentur, num adsint, num rite & sufficienter procedant, nec ne, & per quale corporis
co-

(ρ) In comm. ad dictum Hipp. locum. It. Lib. IV. Meth. medendi cap. VI.

(σ) Confer *Abrah. Nebemiam Lusitanum* loco ante citato.

(τ) Ἐγὼν βιβλίον in fine.

colatorium exitum sibi parent, ubi, statim ac aliquid comparuerit, protinus & omnis exulat venæsectio, remediis potius internis convenientibus illac succurrendum: quod si quis *Hippocratem* latuisse existimet, turpiter hallucinabitur. Neque negligentius corporis superficies con-
tuenda, num in ea intumuerit quicquam fastigieturque & abscessum agat, qui nec irritandus, nec reprimendus, sed omnibus modis promovendus est: Etiam dolor pleuriticus descendens, venæsectionem omnem vetat, ubi *Hippocrates* (φ) alvum referari satius judicavit, quo per inferius guttur, materia peccans, cum sponte inclinet, rejiciatur.

Graviditas quoque repugnat (χ) licet *Timæum van Guldenkleee* (ψ) gravidæ ultimo mense venam secare haud veritum fuisse,

(φ) Lib. II. De vict. rat. in morb. acut. Text. II. Neque minus *Panarollus* observavit senem 70. annorum pleuriticum superveniente diarrhœa sanatum. Pentecost. I. obs. 36. Item & *Ettmüllerus* Mulierem curavit ex pleuritide suppuratam factam, in qua tamen omnis ulceris purulentia per diarrhœam criticam feliciter expurgabatur. Colles. pract. pag. 333. Edit. cit.

(χ) *Hildanus* Centur. II. obs. 31.

(ψ) Resp. med. 58.

fuisse, atque hoc modo matrem & fœtum præsentissimo vitæ periculo liberasse, non ignoremus: Id tamen ad *Hippocratis* locum pagina præcedenti 173. extantem dijudicandum.

Præter hæc & in pleuritide ex alio morbo prægresso orta, phlebotomia existit venenum, quapropter ad *ἰδιοπαθειαν*, *συμπαθειαν*, *πρωτοπαθειαν*, *δευτεροπαθειαν* sedulo & omni studio attendendum. Symptomatum porro varietas & *συνδρομή*, morbi *φάσις*, pulsuum rhythmī, persæpe aliud docent, & quis omnia enumeret? Sufficiat attentionem summam, ut in omnibus morbis, ita & præcipue hic requiri, ne quid inconsulte aut temere agatur, quando secundum *Galenum* morbi perpauci mortiferi sunt, *ἥ ἀβσὶτ ἔσθ' ἁπλῶς* (ω).

Omnia igitur, ut receptui canamus, in eo conveniunt, ut is, qui aliquid hic conari & suscipere cupiat, exactam habeat *indicantis*, *contra indicantis*, *repugnantis*, *permittentis*, *coindicantis*, *corre-pugnantis* notitiam atque profundam cognitionem: hæc omnia enim multifario
&

(ω) *Commentar. II. in Lib. VI. Hippocratis de morb. vulg.*

& immenso inter se concursu atque mixtione rem tam mire variare & turbare subinde solent, ut, si rite atque decenter dignosci, conjungi & disjungi debent,

Medicum verum
postulent.

F I N I S.





